

國學基
本叢書
輿地
廣記
附札
上

書叢本基學國

記 廣 地 輿

記 札 附

(上)

撰 恣 陽 歐

行 發 館 書 印 務 商

四庫全書總目

輿地廣記三十八卷

宋歐陽忞撰。晁公武讀書志謂實無其人。乃著書者所假託。陳振孫書錄解題。陳振孫書錄解題。陳和中忞。歐陽修從孫。以行名。皆連心字爲據。按此書非觸時忌。何必隱名。疑振孫非觸時忌。何必隱。陵人。而此本有忞自序。乃自稱廣陵。豈廣廬字形相近。傳寫致譌歟。其書前四近傳寫致譌歟。其書其綱要。五卷以後。乃列宋郡縣名。體例特爲清析。其前代州邑。宋不能有。如燕州邑。宋不能有。附各道之末。名之曰化外州。亦足資考證。雖其時土宇狹隘。不足括輿地之全。而不足括輿地之尋覽。亦輿記中之佳本也。

重雕曝書亭藏宋刻初本輿地廣記緣起

余喜藏書而兼喜刻書。欲舉所藏而次第刻之。力有所不能也。會鄱陽胡果泉先生典藩吳郡。敷政之餘。留心選舉。聞吳下有藏尤槧者。有人以余對。遂向寒齋以百金借鈔。蓋酬余損裝之資。而實助余刻書之費。洵美意矣。用是藉爲權輿。取所藏宋刻輿地廣記刻之。始於己巳之春。畢於壬申之夏。經營三年。方得竣事。迨刷印以行。乃顧而喜曰。是書湮沒不彰久矣。余雖得之。第藏之篋笥已耳。苟非果泉先生之助。余劖斲安能使晦者忽顯乎。今幸矣。余所藏之書。旣賴果泉先生代傳之。而余所刻之書。亦賴果泉先生之助之也。余不敢沒人之惠。故以刻書原委。登諸簡首。俾好古者有所觀感焉。至是書宋刻勝於它本之處。別爲札記。附於卷末。敢以質諸後之讀是書者。

嘉慶壬申季夏士禮居主人黃丕烈識

北有強胡。可以恃也。委任之者，必文武兼資焉。

大名 恩 開德 鄆 濟 滑 濮 博 德 濱 棣 滄 清

永靜

右古兗州地。案禹貢，濟河惟兗州。東南據海，西北距河。地非險固，風雜數國。衛、魏、宋、齊、趙。秦漢以降，政理混同，人情

朴厚，俗有儒學。及晉之末，為戰爭之地。三百年間，傷夷偏甚。唐興，復如近古之風。

青 濟 濰 登 萊 密 安東

右古青州地。按禹貢，海岱惟青州。東北據海，西南距岱。古齊號稱強國，憑負山海，擅利鹽鐵。管仲謂楚師曰：我齊東至於海，西至於河南，至

於穆陵，北至於無棣，穆陵山，今琅邪郡沂水縣界，無棣，今景城郡縣。又燕王謂蘇秦曰：吾聞齊地，清瀋濁河，可以為國，長城巨防，可以為塞。今濟陽郡盧縣界，有防門山，又有長地，東至海。太公用之而富人，管仲

資之而興霸，人情變詐，好行權術，豈因輕重而為略乎？固知禦人之方，先務推以誠言。漢高帝罵婁敬曰：齊魯以

舌得官，又汲黯謂逮于漢氏，封立近戚。漢初，田肯說高帝曰：齊東有琅邪，即墨之饒，南有太山之固，西有濁河之險，北有渤海之利，隔懸千里，齊得十二焉。故號東西秦，非親子弟勿王。武王

臨極，儲雅盛興，晉惠之後，淪沒僭偽，慕容建國，二代而亡。今古風頗革，亦有文學。唐初立都督府，

命親王鎮之，漢氏之制，信可取也。

徐 宿 竟 海 沂 泗 淮陽

右古徐州地。按禹貢海岱及淮惟徐州。東至海北至岱南及淮蓋鄒魯舊國。漢興猶有儒風。自五胡亂華。天下

分裂。二境尤被傷殘。彭城要害。藩捍南國。必爭之地。常置重兵。數百年中。無復講誦。況去聖人久

遠。人情遷蕩。大抵徐竟其俗略同。

楊 高郵 楚 通 泰 滁 和 真 壽 廬 蘄 舒 濠

光 平江 宣 太平 池 廣德 潤 常 湖 杭 睦 越 歙

明 台 處 溫 婺 衢 饒 信 江 洪 撫 吉 筠

袁 虔 南康 南安 臨江 建昌 福建 南劍 泉 漳 汀 邵武

興化 無爲 秀 江寧 潮

右古揚州地。按禹貢淮海惟揚州。北據淮東南距海人性輕揚。而尙鬼好祀。每王綱解紐。宇內分崩。江淮濱

海。地非形勢。得之與失。未必輕重。故不暇先爭。然長淮大江。皆可拒守。吳晉宋齊梁陳皆以江淮要害之地置兵閩越遐阻。

僻在一隅。憑山負海。難以德撫。漢武帝時朱買臣上言曰東越數反故東越王居泉山一人守險千人不得上永嘉之後。帝室東遷。衣冠遼難。多

所萃止。藝文儒術。斯之爲盛。今雖閭閻賤品。處力役之際。吟詠不輟。蓋因顏謝徐庾之風扇焉。

江陵 荆門 峽 歸 復 郢 安 岳 漢陽 鼎 澧 辰 沅

靖 施 黔 信陽 珍 漆 鄂 興國 潭 衡 永 道

柘陽 全 邵 黃 遵義 武岡 錦 溪 獎 費 西高

右古荊州。按禹貢。荆及衡陽。惟荊州。北據荆山及衡山之陽。其風俗略同楊州。雜以蠻。率多勁悍。南朝鼎立。皆

為重鎮。然兵強財富。地逼勢危。稱兵跋扈。無代不有。晉王敦。陶侃。桓玄。桓溫。宋謝靈運。南郡王義宣。袁顓。沈攸之。桂陽王休範。齊陳顯達。梁武帝。陳王琳。華統。皆自上流擁

兵東下。是以上游之寄。必精擇其人焉。

蔡 穎 穎昌 應天 亳 陳 開封 興仁 廣濟 單 河南 孟 陝

號 汝 鄭 唐 鄧 隨 襄 光化 均 拱

右古豫州地。按禹貢。荆河惟豫州。西南至荆山。今襄陽郡南漳縣界。北距河。大抵荆河之間。四方輻輳。故周人善賈。趨利而

繼。齊。韓國分野。亦有險阻。蘇秦謂韓宣王曰。韓北有鞏成臯之固。西有宜陽商阪之塞。東有苑壤洧水。南有陘山也。鞏成臯則今鞏縣洧水也。宜陽商阪。即今福昌山及商山也。苑壤。今南陽界。陘山。今密縣山。

自東漢魏晉。宅於洛陽。永嘉以後。戰爭不息。元魏徙居。纔過三紀。自西晉永嘉五年。劉曜陷洛陽。執懷帝。至後魏太和十九年。經百八十七年。遷都。至

永熙三年。又經三十九年。分爲東西魏矣。逮乎二魏。爰及齊周。河洛汝穎。迭為攻守。夫土中風雨所交。宜乎建都立社。均天

下之漕運使萬國之享獻不恃隘害務修德刑則下代之期可延久也

興元 洋 金 房 達 開 渠 廣安 梁 閩 巴 蓬 昌 普

恭 南平 涪 合 忠 梁山 萬 夔 大寧 利 三泉 劍 綿

梓 遂 漢 成 郫 彭 蜀 邛 雅 黎 嘉 簡 懷安 眉

仙井 榮 資 瀘 叙 富順 永康 祺 亨 威 茂 長寧 商

鳳 階 成 興 文 龍 篤 松 扶 翼 眞 營 悉

恭 柘 靜 姚 疊 宕 乾

右古梁州地按禹貢華陽黑水惟梁州東據華山之南西距黑水巴蜀之人少愁苦而輕易淫佚周初從武王勝

殷庸蜀羌鬻微盧彭濮人是也東遷之後楚子強大而役屬之暨于戰國又爲秦有資其財力國以豐贍漢景帝

時文翁爲蜀郡守建立學校自是蜀士學者比齊魯焉土肥沃無凶歲山重複四塞險固王政微缺跋扈先起公孫述劉備李雄義縱迭據之皆因中原多事故一方之寄非親賢勿居

京兆 鳳翔 隴 邠 耀 同 華 坊 延安 保安 鄜 丹 環

豐 麟 府 綏德 銀 涇 慶 渭 鎮戎 原 德順 懷德 寧

幽 涿 易 檀 薊 媯 平 營

右幽州

安東上都護府

右營州按書舜肇十有二州孔安國云禹治水之後舜分冀州爲幽州并州分青州爲營州始置十二州餘九州依上

七國

京兆 商 華 同 耀 邠 鳳翔 麟 延安 丹 坊 鄜 銀

夏 寧 慶 環 原 涇 渭 宥 靈 鹽 鳳 秦 岷

會 鞏 蘭 河 熙 虢 隴 綏德 保安 西安 鎮戎 德順

右秦地

開封 大名 河中 興仁 晉 絳 慈 隰 解 衛 深 祁

右魏地秦始皇二十二年王賁伐魏引河溝灌大梁遂滅魏

鄭 穎昌 唐 鄧 均 汝 陝

右韓地秦始皇十七年內史勝滅韓以其地置潁川郡

澤 潞 遼 代 沂 憲 汾 嵐 石 勝 府 豐 太原

洛 相 邢 磁 滄 清 冀 恩 眞定 中山 莫 河間 趙

豐 平定 威勝 寧化 崑嵐 火山 保德 晉寧 永靜 順安 永寧 雲 蔚

朔 勝 單于大都護

右趙地秦始皇十九年王翦破趙克邯鄲虜趙王遷

幽 涿 霸 雄 媯 易 檀 薊 平 營 保 順 信安

保定 安肅 廣信 安東

右燕地秦始皇二十五年王賈攻遼東虜燕王喜

登 萊 沂 密 濰 青 淄 濱 滄 棣 齊 德 博

右齊地秦始皇二十六年王賈攻齊齊降

房 金 洋 興元 雲 夔 鼎 澧 辰 黔 安 岳 黃

鄂 復 郢 襄 峽 歸 施 江陵 沅 楚 通 泰 楊

眞 滁 濠 和 壽 廬 舒 光 蘄 江 筍 通 泰 潤

湖 江寧 秀 池 歙 宣 睦 常 平江 杭 越 吉 潤

婺 温 處 衢 隋 穎 海 常 饒 信 洪 明 支

撫 潭 衡 道 永 邵 全 柳 漣 陳 漢陽 無爲 南康

輿國

臨江 南安 太平 廣德 光化 信陽 建昌 桂陽 武岡 荆門 溪 錦

郡。右楚地。秦始皇二十四年。王翦破楚。虜楚王負芻。二十五年。悉定荆江南地。降百越之君。置會稽

西京

孟

右周地。赧王五十九年。九鼎入秦。周遂亡。實秦昭襄王五十一年。按漢志。秦地。於天官東井輿鬼之分壘也。其界自弘農故關以西。京兆扶風馮翊北地。上郡。西河。安定。天水。隴。西南有巴蜀。廣漢。犍爲。武都。西有金城。武威。張掖。酒泉。敦煌。又西南有牂柯。越巂。益州。皆宜屬焉。魏地。芻觶參之分野也。其界自高陵。江東。盡河東。河內。南有陳留。及汝南之召陵。灑。新汲。西華。長平。潁川之武陽。鄆。許。僑陵。河南之開封。中牟。陽武。酸棗。卷。皆魏分也。韓地。角亢氏之分野也。韓分晉。得南陽郡。及潁川之父城。定陵。襄城。潁陽。潁陰。長社。陽翟。鄆。東接汝南。西接弘農。得新安。宜陽。皆韓分也。趙地。昂畢之分野也。趙分晉。得趙國。北有信都。真定。常山。中山。又得涿郡之高陽。邯鄲。東有廣平。鉅鹿。清河。河間。又得渤海郡之東平野。中邑。文安。東州。成平。章武。河以北也。南至浮水。繁陽。內黃。斥丘。西有太原。定襄。雲中。五原。上黨。上黨本韓之別都。遠韓近趙。後卒降趙。皆趙分也。燕地。尾箕分野也。燕東有漁陽。右北平。遼西。遼東。西有上谷。代郡。鴈門。南得涿郡之易容城。范陽。北新城。故安。涿縣。良鄉。新昌。及勃海之安次。皆燕分也。樂浪。玄菟。亦宜屬焉。齊地。虛危之分野也。東有淄川。東

萊、瑯邪、高密、膠東。南有泰山、城陽。北有千乘、清河以南。勃海之高樂、高城、重。今陽信。西有濟南、平原。皆齊分也。楚、翼軫之分野也。今之南郡、江夏、零陵、桂陽、武陵、長沙。及漢中、汝南郡。盡楚分也。周地、柳七星、張之分野也。今之河南、雒陽、穀成、平陰、偃師、鞏、維氏。是其分也。初，雒邑與宗周通。封圻東西長而南北短。長短相覆為千里。至襄王以河南賜晉文公。又為諸侯所侵。故其分地小。

秦四十郡

衛 懷 孟 開封 鄭 河南 汝 陝 虢 拱

右三川郡。有河、洛、伊。故曰三川。

晉 絳 慈 隰 解 河中

右河東郡。

洛 相 邢 磁 趙

右邯鄲郡。

安 黃 鄂 復 郢 襄 峽 歸 施 江陵 漢陽 興國 荊門

右南郡。

楚 通 泰 楊 真 滁 濠 和 壽 廬 舒 光 蘄

筠 吉 饒 信 洪 虔 袁 撫 無爲 南康 臨江 南安 高郵

建昌

右九江郡。

江寧

池 欲

宣

太平

廣德

右鄣郡。

常

平江 秀

杭

越

明

台

婺

温

處

衢

潤

湖

睦

右會稽郡。

潁昌

陳 蔡

右潁川郡。

應天

興仁 郟

濟

單

毫

廣濟

右碭郡。

徐

宿 泗

右泗水郡。

兗

海 淮陽

右薛郡。

濮 大名 滑 開德

右東郡。

密

右琅邪郡。

登 萊 青 淄 棣 德 齊 濱

右齊郡。

涿 信安 霸 保定 雄 莫 河間 順安 保 永寧 媯 安肅

廣信 易 中山

右上谷郡。

薊

右漁陽郡。

平

右右北平郡。

營

右遼西郡。

安東上都護

右遼東郡。

蔚

右代郡。

滄

清 冀

恩

深

真定

永靜

右鉅鹿郡。

唐

隋 鄧

均

信陽

光化

右南陽郡。

澤

潞 遼

平定

威勝

右上黨郡。

代

忻 憲

汾

嵐

石

府

太原

寧化

崑嵐

火山

保德

晉寧

右太原郡。

勝

單于大都護

右雲中郡。

豐 安北

右九原郡

雲 應 朔

右鴈門郡

麟 延安 丹

右 上郡

鳳 秦 岷

右隴西郡

寧 慶 環

右北地郡

房 金 洋

右漢中郡

巴 蓬 閬

大寧 開 達

右 巴郡

興元

原 涇 渭 宥 靈 西安 鎮戎 德順 鹽

會 鞏 蘭 河 熙

防 鄜 銀 夏 綏德 保安

果 普 昌 瀘 恭 合 忠 萬 廣安 夔

渠 涪 梁山

利 三泉 劍 縣 遂 梓 漢 彭 成都 眉 蜀 邛 雅

嘉 簡 永康 仙井 資 叙 縈 懷安

右蜀郡。

鼎 澧 溪 辰 錦 黔 沅 獎 思

右黔中郡。

岳 潭 衡 邵 永 道 郴 遠 全 桂陽

右長沙郡。

商 華 京兆 同 耀 邠 鳳翔 隴

右內史郡。

福 建 泉 南劍 邵武 汀 漳 興化

右閩中郡。

潮 梅 循 惠 南雄 廣 韶 英 端 康 新 恩 南恩

封 高 資 藤

右南海郡。

桂 昭 梧 鬱 林 融 象 貴 柳 賓 橫 邕

右桂林郡。

容 化 雷 廉 欽 陸 愛 濱 驩 宜 峯 福祿

安南大郡護

右象郡。按秦始皇十七年滅韓，十九年滅趙，二十二年滅魏，二十四年滅楚，二十五年滅燕，二十六年滅齊，遂并天下，分爲三十六郡。郡置守、尉、監。漢書百官表曰：秦郡守掌治其郡，有丞尉掌佐守，典武職甲卒，監御史掌監郡。於是興師踰江，平取百越，又置閩中、南海、桂林、象郡，凡四十郡。其地西臨洮，北沙漠，東縈西帶，皆臨大海焉。

輿地廣記卷第二

漢十三郡

晉 絳 慈 隰 阿 中 解 懷 衛 河南 孟 陝 虢 汝

鄭 商 京兆 鳳翔 隴 邠 耀 同 華 坊

右司隸校尉領京兆、扶風、馮翊、弘農、河東、河內、河南等郡國凡七。

宿 蔡 穎 穎昌 應天 亳

右豫州領穎川、汝南、沛郡、梁國、魯國等郡國凡五。

真定 中山 趙 深 冀 河間 祁 相 磁 邢 洛 大名 恩

永寧

右冀州領魏郡、鉅鹿、常山、清河、廣平、真定、中山、信都、河間、趙國等郡國凡十。

開德 鄆 濟 滑 濮 博 陳 開封 興仁 單 兗 拱 廣濟

右兗州領東郡、陳留、山陽、濟陰、泰山、城陽、淮陽、東平等郡國凡八。

密 徐 海 沂 楚 泗 通 泰 淮陽

右徐州領琅邪、東海、臨淮、泗水、楚國等郡國凡三。

德濱棣青齊淄登萊

右青州、領平原、千乘、濟南、齊郡、北海、東萊、膠東、高密、菑川等郡國。凡九。

江陵峽歸復郢安岳鼎澧辰沅靖施

黔鄂潭衡永桂道郴韶全邵連黃

唐鄧隨襄均揚靳光英荆門漢陽興國桂陽

信陽光化錦溪獎費

右荊州、領南陽、南郡、江夏、桂陽、武陵、零陵、廣陵、長沙等郡國。凡八。

滁和真壽廬舒平江宣池潤常湖杭

睦越歙明台處溫婺衢饒信江洪

撫吉筠袁虔福建泉漳汀濠秀江寧

高郵太平廣德南康南安臨江建昌南劍邵武興化無爲南雄

右揚州、領廬江、九江、會稽、丹陽、豫章、六合等郡國。凡六。

興元洋金房達開渠果閔巴蓬昌普

恭涪合忠萬夔利劍縣梓遂漢成都

彭蜀邛雅黎嘉簡眉榮資瀘叙祺

亨 威 茂 文 龍 珍 承 漆 廣安 南平 遵義 大寧 三泉

梁山 懷安 仙井 富順 長寧 永康 樵 扶 姚 翼

右益州、領漢中、廣漢、巴郡、蜀郡、犍爲、越巂、牂牁、益州等郡國、凡八。

鳳 階 成 興 涇 慶 渭 原 寧 秦 鞏 熙 河

蘭 湟 會 環 岷 鎮戎 懷德 西寧 西安 德順 積石 甘 涼

瓜 肅 沙 靈 鹽 宥

右涼州、領安定、北地、隴西、武陵、金城、天水、武都、張掖、酒泉、敦煌等郡國、凡十。

太原 遼 汾 忻 代 嵐 石 憲 澤 潞 延安 鄜 坊

丹 銀 豐 府 麟 威勝 平定 岢嵐 寧化 火山 保德 綏德 保安

晉寧 雲 應 新 夏 勝 豐 單于

右并州、領太原、上黨、上郡、西河、朔方、五原、雲中、定襄、鴈門等郡國、凡九。

雄 霸 滄 清 莫 保 信安 順安 保安 安肅 廣信 蔚 朔

幽 涿 易 檀 薊 媯 平 營 安東

右幽州、領涿郡、渤海、代郡、上谷、漁陽、右北平、遼西、遼東、廣陽、樂浪、玄菟等郡國、凡十一。

廣 循 賀 昭 封 端 新 康 惠 容 邕 象 融

梧	藤	龔	潯	貴	柳	賓	橫	化	高	雷	欽	廉
瓊	峯	愛	驩	陸	長	演	林	景	山	潮	梅	南恩
鬱林	昌化	萬安	朱崖	福祿	安南							

右交州領南海鬱林倉梧交阯合浦九真日南等郡國凡七始秦罷侯置守郡縣天下漢興以秦地太大更加置郡國至武帝攘却胡越開地斥境改雍曰涼改梁曰益又置徐州復禹舊號置交阯初為交阯後為交州朔方初為朔方後為并州凡十三州部刺史而不常所理至哀平之際新置郡國六十三與秦四十

合一百三焉。

三國

晉	絳	慈	隰	河中	解	懷	衛	孟	河南	陝	虢	汝
鄭	商	京兆	鳳翔	隴	邠	耀	同	華	坊	宿	蔡	穎
穎昌	應天	拱	亳	開德	鄆	濟	滑	濮	博	陳	開封	興仁
廣濟	單	德	濱	棣	青	齊	淄	濰	登	萊	密	徐
兗	海	沂	泗	淮陽	成	涇	慶	渭	鎮戎	原	懷忠	寧
秦	鞏	熙	積石	河	西安	西寧	蘭	湟	會	真定	中山	趙

泉	洪	杭	信陽	鄂	江陵	豐	蔚	綏德	唐	楊	平定	霸	深
漳	撫	睦	光化	興國	荆門	夏	朔	銀	鄧	高郵	汾	信安	冀
汀	吉	越	和	潭	峽	右魏地	幽	豐	隨	楚	忻	永寧	河間
邵武	筠	歙	蘄	衡	歸	靈	涿	德順	均	通	代	順安	祁
興化	袁	明	舒	永	岳	鹽	易	坊	金	秦	嵐	保定	保
廣	虔	台	平江	桂	漢陽	安東	檀	保安	房	滌	石	安肅	莫
循	南康	處	宣	道	鼎	單于	薊	晉寧	延安	真	憲	廣信	相
賀	南安	溫	太平	郴	澧	媽	媯	無爲	鄜	壽	澤	滄	磁
昭	臨江	婺	池	桂陽	辰	平	平	甘	丹	廬	潞	清	邢
封	建昌	衢	廣德	韶	沅	營	營	涼	環	黃	崑崙	永靜	洛
端	福	饒	潤	全	靖	雲	雲	瓜	岷	光	寧化	太原	大名
新	建	信	常	邵	施	應	應	肅	麟	郢	火山	遼	恩
康	南劍	江	湖	連	黔	新	新	沙	府	襄	保德	威勝	雄

南恩 南雄 英 惠 容 邕 象 融 梧 藤 龔 潯 貴

柳 宜 巖 賓 橫 化 高 鬱 林 雷 欽 廉 瓊 昌 化

萬安 朱崖 峯 愛 驩 陸 福祿 長 湯 演 林 景 山

灑 田 環 寵 潮 梅 安南 錦 溪 獎 費

右吳地。

興元 鳳 階 興 洋 達 開 渠 廣 安 果 閬 巴 蓬

昌 普 恭 南平 涪 合 忠 梁山 萬 夔 大寧 利 三泉

劍 縣 梓 遂 漢 成都 彭 蜀 邛 雅 黎 嘉 簡

懷安 眉 仙井 榮 資 瀘 叙 富順 永康 祺 亨 威 茂

又 龍 珍 遵義 承 溱 長寧 蕉 松 扶 翼 真 姚

右蜀地。漢末三國並起。魏氏據中原。郡洛有州十二。司隸理河南。豫理譙。兗理武威。清理臨淄。徐理彭城。涼理

京兆。有郡國六十八。東自廣陵。揚州。張壽春。壽州。毋丘儉諸合肥。今廬江郡。沔口。今漢陽郡。建安十五年。重兵

雍理。遼鎮之。壽春。葛誕皆鎮之。合肥。今廬江郡。沔口。今漢陽郡。建安十五年。重兵

以備吳。西自隴西。渭州。南安縣。隴西祁山。今同漢陽。今天陳倉。今鳳重兵以備蜀。蜀主全制巴蜀。都成都。置

益。理成、理漢。梁。中。二州有郡二十二。以漢中。今與元府、蔣琬、姜維皆鎮之。興勢。今洋川郡。白帝。今雲安郡。爲重鎮。吳王北據江

南。都鄂。後遷建業。盡海。置交。理龍、理番禺、今荆。理南郡、今夏。理建業、今楊。丹陽郡。五州有郡四十三。以建

平。今巴東郡。西陵。陸抗並鎮之。樂郡。今江陵縣。南郡。今江陵郡。巴丘。今巴陸郡。魯肅。孫權並鎮之。夏口。今江夏郡。武昌。今江夏郡。皖郡。今同安郡。

諸葛恪。屯此。牛渚圻。今宣城郡。濡須塢。今歷陽縣西。南百八十里。爲重鎮。其後得沔口。孫權嘉禾後。陸遜諸葛恪屯守。郝城。今齊安郡東。西界臨江。與江夏武昌相對。廣

陵。自三國鼎立。更相侵伐。互有勝負。疆境之外。彼此不常。縱得遽失。則不暇存。今略紀其久經屯

守及要害之地焉。其守將亦略紀其知名者。餘不可備舉。

晉十九道

河南 汝 鄭 號 陝 華 商 隰 慈 晉 絳 解 河中

衛 懷 洛 大名 磁 相 開得 孟

右司州。領河南、滎陽、弘農、上洛、平陽、河東、汲郡、河內、廣平、陽平、魏郡、頓丘等郡國。凡十二。

開封 濮 滑 廣濟 興仁 鄆 單 拱

右兖州。領陳留、濮陽、濟陽、高平、任城、東平、濟北、泰山等郡國。凡八。

(中間原闕一葉) 庸、建平、宜陽、南平、武陵、天門、長沙、衡陽、湘東、零陵、邵陵、桂陽、武昌、安武等郡國。凡二十二。

江寧 潤 池 宣 滌 濠 壽 舒 廬 洪 和 常 平江

秀 杭 睦 湖 越 明 汀 婺 衢 歙 合 建 福

泉 漳 江 撫 筠 饒 信 虔 溫 處 太平 廣德 無為

南劍 邵武 建昌 興化 臨江 南安

右揚州、餘丹陽、宣城、淮南、廬江、毗陵、吳郡、吳興、會稽、東陽、新安、臨海、建安、晉安、豫章、臨川、鄱陽、廬陵、南康等郡國。凡十八。

蘭 涼 甘 肅 沙 瓜 積石 河 西寧 湟 會 伊

右涼州、領金城、西平、武威、張掖、西郡、酒泉、燉煌、西海等郡國。凡八。

京兆 鳳翔 同 隴 邠 涇 原 耀 渭 寧 靈 環 鎮戎

德順

右雍州、領京兆、馮翊、扶風、安定、北地、始平、新平郡國。凡七。

熙 岷 秦 鳳 興 階 文 龍 成 鞏

右秦州、領隴西、南安、天水、略陽、武都、陰平等郡國。凡六。

富順 資 仙井 榮 嘉 眉 彭 成都 蜀 邛 威 茂 黎

雅 瀘 昌 普 簡 懷安 叙 永康 長寧 遵義 松 翼 薦

漆 珍 西高 承 亨

右益州領蜀郡、犍爲、汶山、漢嘉、江夏、朱提、越巂、牂牁等郡國凡八。

劍 縣 洋 興元 漢 遂寧 潼川 忠 合 恭 涪 蓬 達

渠 廣安 閬 果 大寧 夔 開 梁山 萬 巴 南平 利 三泉

右梁州領漢中、梓潼、廣漢、新都、涪陵、巴郡、巴西、漢昌、巴東等郡國凡九。

姚

右寧州領興古、建寧、永昌、凡三郡。

幽 涿 易 檀 薊 媯 平 蔚 安肅 廣信

右幽州領范陽、燕國、北平、上谷、廣寧、代郡、遼西郡凡七。

安東上都護府

右平州領昌黎、遼東、樂浪、玄菟、帶方等郡國凡五。

雷 欽 廉 瓊 峯 愛 驩 陸 福祿 長 湯 演 林

景 山 容 安南

右交州領合浦交趾新昌武平九真九德日南等郡國凡八

詔 連 梅 潮 廣 循 封 端 新 康 南恩 南雄 英

惠 桂 融 邕 象 賀 昭 梧 藤 龔 潯 貴 柳

巖 賓 橫 化 高 鬱林

右廣州領南海臨賀始安始興蒼梧鬱林桂林高涼高興寧浦凡十郡晉武帝大康元年平吳分

爲十九州部置司州理洛陽堯理廩丘今濠陽郡雷澤縣荆河理項今淮陽郡項城冀理房子今趙郡縣并理晉陽青理臨

淄徐理彭城荆初理襄陽後理江陵揚初理壽春後理建業涼理武威分三輔爲雍理京兆分隴

山之西爲秦理上邽益理成都分巴漢之地爲梁理南鄭分雲南爲寧理雲南幽理涿分遼東爲

平理昌黎今安東府交理昌編今安南府分合浦之北爲廣理番禺又增置郡國二十有一凡州百五十有六

縣千百有九以爲冠帶之國盡秦漢之士及永嘉南渡境宇殊狹九州之地有其一焉初元帝命

祖逖鎮雍丘今陳留郡逖死北境日蹙於是荆豫青兗四州及徐州之半陷劉曜石勒以合肥戴若思鎮之淮

陰今山陽郡壽陽今壽春郡泗口今泗州劉祖約鎮之角城今泗州爲重鎮成帝時都守將退屯襄陽今穀城縣穆帝時平

蜀漢復梁益之地又遣軍西入關至灊上再北伐一至洛陽一至枋頭所得郡縣軍旅又失洎符

堅東平慕容暉。西南陷蜀漢。西北寇姑臧。則漢水長淮以北。悉爲堅有。及堅敗。再復梁、益、青、徐、兗、
荆河司之地。其後青兗陷於慕容德。荆河司陷於姚興。以彭城爲北境藩扞。朱序後益梁又陷於
譙縱。每因劉石苻姚衰亂之際。則進兵屯戍。在於漢中襄陽彭城。然大抵上明。今江陵江陵、夏口、
武昌、合肥、壽陽、淮陰。常爲晉氏鎮守。義熙以後。又復青、兗、司、荆、河、梁、益之地。而政移於宋矣。
松滋縣

輿地廣記卷第三

唐十五道採訪使

關內道

京兆 華 同 商 鳳翔 邠

右京畿採訪使治京城內

隴 涇 原 渭 武 威今延 雄今廢 寧 慶 鄜 坊 丹 延亦今延安

靈 會 鹽 夏 綏今綏德 銀 宥 麟 勝 豐 單于大都護

安北大都護 鎮北大都護

右關內採訪使以京官領

河南道

河南 汝

右都畿採訪使治東都城內

陝 虢 滑 鄭 穎 許今穎昌 陳 蔡 汴今開封 宋今應天 毫 徐 泗

濼 宿 郟 齊 曹今興仁 濮 青 淄 登 萊 棣 堯 海
沂 密

右河南採訪使治汴州。

河東道

河中 晉 絳 慈 隰 太原 汾 沁今威勝 遼 嵐 憲 忻 代
雲 朔 蔚 武今穀州 新 潞 澤

右河東採訪使治河中。

河北道

孟 懷 魏今大名 博 相 衛 貝今恩州 檀今開德 邢 洺 惠今磁州 鎮今真定 冀
深 趙 滄 景今永靜 德 定今中山 易 涿 幽 瀛今河間 莫 平 媯
檀 薊 營 安東上都護

右河北採訪使治魏州。

山南道

江陵 峽 歸 夔 澧 朗今鼎州 忠 涪 萬 襄 泌今唐州 隋 鄆

均 房 復 郢 金

右東道採訪使治襄州。

興元 洋 利 鳳 興 成 文 扶 集今廩 壁今廩 巴 蓬 通今達州

開 闔 果 渠

右西道採訪使治梁州。

隴右道

秦 河 渭今鞏州 鄯今澄州 蘭 臨今熙州 階 洮 岷 廓 疊 宕 涼

沙 瓜 甘 肅 伊 西 安 西大都護 北庭大都護

右隴右採訪使治鄯州。

淮南道

楊 楚 滁 和 壽 廬 舒 光 蘄 安 黃 申今信陽

右淮南採訪使治揚州。

江南道

潤 昇今江寧 常 蘇今平江 湖 杭 睦 越 明 衢 處 婺 温

台 福 建 泉 汀 漳

右東道採訪使治蘇州。

宣 歙 池 洪 江 鄂 岳 饒 虔 吉 袁 信 撫

潭 衡 永 道 郴 邵

右西道採訪使治洪州。

黔 辰 錦 施 叙今沅州 獎 夷今承州 播 思 費 南今南平 溪 漆

右黔中採訪使治黔州。

劍南道

成都 彭 蜀 漢 嘉 眉 邛 簡 資 雋 雅 黎 茂

翼 維今威州 戎今叙州 姚 松 當 悉 靜 柘 恭 保今棋州 真 霸今亭州

乾 梓 遂 縣 劍 合 龍 善 渝今恭州 陵今仙井 榮 昌 瀘

保寧都護今廢

右劍南採訪使治益州。

嶺南道

廣 韶 循 潮 康 瀧今廢 端 新 封 潘今廢 春今廢 勤今廢 辯今廢

高恩今南 雷崖今廢 瓊振今朱 儋化今昌 萬安 邕 澄澄今廢 賓 橫 溥

巒巒今廢 貴 龔 象 藤 巖 宜 灋 籠 田 環 桂 梧

賀 連 柳 富富今廢 昭 蒙蒙今廢 嚴嚴今廢 融 思唐思唐今廢 古 容 牢牢今廢 白白今廢

順順今廢 繡繡今廢 鬱林 黨黨今廢 寶寶今廢 禹禹今廢 廉 義義今廢 安南中都護 陸 峯 愛

驩 長 福祿 芝芝今廢 武峩武峩今廢 演 武安武安今廢 湯

右嶺南採訪使治廣州按唐志云自秦變古始郡縣天下下更漢晉分裂為南北至隋滅陳天下始合為一乃改州為郡依漢制置太守以司隸刺史相統治唐興高祖改郡為州太守為刺史又置都督府以治之然天下初定權置州郡頗多太宗元年始命併省又因山川形便分天下為十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南至十三年定簿凡州府三百五十八縣一千五百五十一明年平高昌又增州二縣六其後北殄突厥頡利西平高昌北踰陰山西抵大漠其地東極海西至焉耆南盡林州南境北接薛延陀界開元二十一年又因十道分山南江南為東西道增置黔中道及京畿都畿置十五採訪使檢察如漢刺史之職天寶盜起中國用兵而河西隴右不守陷于吐蕃至大中咸通始復隴右乾符以後天下大亂至于唐亡然唐之盛時開元天寶之際東至安東西至安西南至日南北

至單于府。蓋南北如漢之盛。東不及而西過之。

唐潞鎮

貝 博 魏 相 磁 洛 衛

右魏博傳五世。至田弘正入朝。十年復亂。更四姓。傳十世。有州七。

恆 冀 深 趙

右成德更二姓。傳五世。至王承元入朝。明年王庭湊反。傳六世。有州四。

幽 涿 營 瀛 莫 平 薊 媯 檀

右盧龍更二姓。傳五世。至劉總入朝。六月朱克融反。傳十二世。有州九。

淄 青 齊 海 登 萊 沂 密 曹 濮 兗 鄆

右淄青傳五世而滅。有州十二。

滄 景 德 棣

右滄景傳三世。至程權入朝。十六年而李全略有之。至其子同捷而滅。有州四。

汴 穎 宋 毫

右宣武傳四世而滅。有州四。

申 光 蔡

右彰義傳三世而滅。有州三。

邢 汾 晉 澤 潞

右澤潞傳三世而滅。有州五。按唐贊云。安史亂天下。至肅宗。大難略平。君臣皆幸安。故瓜分河北。地付授叛將。護養孽萌。以成禍根。亂人乘之。遂擅署吏。以賦稅自私。不朝獻于庭。効戰國。肱脾相依。以土地傳子孫。脅百姓加鋸其頸。利愾逆汗。遂使其人自視猶羌狄然。一寇死。一賊生。訖唐亡。百餘年。卒不為王土。

五代

梁有州七十八

汴	洛	雍	兗	沂	密	青	淄	齊	棣	登	萊	徐
宿	鄆	曹	濮	宋	亳	單	潁	陳	蔡	許	汝	鄭
滑	襄	均	房	鄧	隨	郢	唐	復	安	申	蒲	孟
懷	晉	絳	陝	虢	華	商	同	耀	邠	寧	慶	衍
鄜	坊	丹	延	夏	銀	綏	宥	靈	鹽	魏	博	貝
衛	澶	相	邢	洛	磁	鎮	冀	深	趙	易	祁	定

唐有州一百二十三

洛 雍都 汴 兗 沂 密 青 淄 齊 棣 登 萊 徐

宿 郟 曹 濮 宋 毫 單 穎 陳 蔡 許 汝 鄭

滑 襄 均 房 鄧 隨 唐 復 安 申 蒲 孟 鄭

懷 晉 絳 陝 虢 華 耀 寧 慶 衍 郟

坊 丹 延 夏 銀 綏 商 宥 靈 同 鹽 岐 隴 慶 原

渭 武 秦 成 階 鳳 紱 乾 宥 靈 同 鹽 岐 隴 慶 原

邢 洛 磁 成 階 鳳 紱 乾 宥 靈 同 鹽 岐 隴 慶 原

瀛 莫 幽 鎮 冀 深 鳳 紱 乾 宥 靈 同 鹽 岐 隴 慶 原

新 媯 儒 武 涿 檀 薊 深 鳳 紱 乾 宥 靈 同 鹽 岐 隴 慶 原

慈 隰 澤 潞 沁 忻 代 嵐 順 趙 易 祁 博 鹽 岐 隴 慶 原

晉有州一百九 潞 沁 忻 代 嵐 順 趙 易 祁 博 鹽 岐 隴 慶 原

汴 洛 雍 兗 沂 密 青 淄 齊 棣 登 萊 徐

宿 郟 曹 濮 宋 毫 單 穎 陳 蔡 許 汝 鄭

滑 襄 均 房 鄧 隨 唐 復 安 申 蒲 孟 鄭

懷 晉 絳 陝 虢 華 耀 寧 慶 衍 郟

申 蒲 孟 懷 晉 絳 陝 虢 華 耀 寧 慶 衍 郟

寧慶衍威鄜坊丹延夏銀綏宥靈
 鹽岐隴涇原渭秦成階鳳乾魏
 博貝衛澶相洛磁冀深趙易
 邢定滄景德忻邢代石鎮冀深趙
 汾慈隰澤潞沁遼嵐憲麟府并
 漢有州一百六

汴洛都雍兗沂密青淄齊棣登萊徐
 宿鄆曹濮宋亳單穎陳蔡許汝鄭

滑襄均房金宋亳單穎陳蔡許汝鄭
 孟懷晉絳陝鄠華商郢唐復安申蒲

慶衍威鄜坊丹延夏銀綏宥靈
 岐隴涇原渭秦成階鳳乾魏

邢定滄景德忻邢代石鎮冀深趙易
 邢定滄景德忻邢代石鎮冀深趙

邢定滄景德忻邢代石鎮冀深趙易
 邢定滄景德忻邢代石鎮冀深趙

邢定滄景德忻邢代石鎮冀深趙易
 邢定滄景德忻邢代石鎮冀深趙

邢定滄景德忻邢代石鎮冀深趙易
 邢定滄景德忻邢代石鎮冀深趙

邢定滄景德忻邢代石鎮冀深趙易
 邢定滄景德忻邢代石鎮冀深趙

邢定滄景德忻邢代石鎮冀深趙易
 邢定滄景德忻邢代石鎮冀深趙

周有州一百一十八

汴 洛都 雍 兗 沂 密 青 淄 齊 棣 登 萊 徐

宿 鄆 曹 濮 濟 宋 亳 單 穎 陳 蔡 許 汝

鄭 滑 襄 均 濮 房 金 鄧 隨 郢 唐 復 安 申

蒲 孟 懷 晉 絳 陝 鄠 華 商 同 耀 解 邠

寧 慶 威 鄜 坊 丹 延 夏 銀 綏 宥 靈 鹽

岐 隴 涇 原 渭 秦 成 階 鳳 乾 魏 博 靈 貝

衛 澶 相 邢 洺 磁 鎮 冀 深 趙 易 祁 博 定

滄 德 濱 瀛 莫 雄 霸 府 慈 隰 澤 潞 楊

楚 泗 滌 和 光 黃 舒 蘄 廬 壽 海 秦 濠

通 泗 滌 和 光 黃 舒 蘄 廬 壽 海 秦 濠

右按五代史職方考云唐自僖昭以來日益割裂梁初天下別為十一南有吳浙荆湖閩漢西有

岐蜀北有燕晉劉仁恭稱燕李克用稱晉李茂貞稱岐錢鏐稱吳越楊行密稱吳王審知稱閩馬殷稱楚王建稱蜀高季興稱南平劉隱稱南漢而朱氏所有七十八州以為

梁朱溫莊宗初起并代取幽滄有州三十五其後又取梁魏博等十六州魏博貝衛澶相邢洛磁鎮冀深趙易祁定合五十一

州以滅梁岐王稱臣。又得其州七。岐隴、涇原、渭、武、乾。同光破蜀已而復失。惟得秦鳳階成四州。而營平二州。

陷于契丹。其增置之州一。襄。合一百二十三州。以為唐。莊宗、李克用之子。石氏入立。獻十有六州于契丹。莫、

幽、涿、檀、薊、順、蔚、朔、雲、應、新、媯、儒、武、襄。而得蜀金州。又增置之州一。威。合一百九州。以為晉。石敬瑭。劉氏之初。秦鳳階成復入

于蜀。隱帝時。增置之州一。解。合一百六州。以為漢。劉。郭氏代漢。十州入于劉旻。折代、嵐、石、憲、麟、井、汾、沁、遼。世宗取

秦鳳階成瀛莫。及淮南十四州。楊、楚、泗、滁、和、光、黃、舒、蕪、廬、壽、海、泰、濠。又增置之州五。濟、溪、雄、霸、通。而廢者三。衍、武、景。合一百一十

八州。以為周。郭威。宋興。因之。此中國之大略也。其餘外屬者。強弱相并。不常其得失。至於周末。閩已

先亡。閩有州五。建、汀、漳、泉、入于石晉。福入于吳越。而在者七國。自江以南。二十一州。潤、常、宣、歙、鄂、昇、池、饒、信、江、洪、撫、袁、吉、虔、筠、建、汀、劍、漳、泉。為南唐。晉天福二年。吳楊溥

遜位于徐知誥。知誥改姓李。名昇。號南唐。自劍以南。及山南西道。四十六州。益、漢、彭、蜀、縣、眉、嘉、劍、梓、遂、果、閬、普、陵、資、榮、簡、印、黎、雅、維、茂、文、龍、黔、施、夔、忠、萬、興、利、開、通、涪、渝、瀘、合、昌、巴、蓬、集、壁、渠、戎、梁、洋。

為蜀。前蜀王建。梁時稱帝於成都。建死。子衍立。唐莊宗同光二年。衍降孟知祥。鎮成都。明宗時封蜀王。為後蜀。自湖北十州。為楚。潭、衡、澧、朗、岳、道、永、邵、全、辰。自浙東西十三州。為

吳越。福、杭、越、蘇、湖、溫、台、明、處、衢、婺、睦、秀。自嶺南北四十七州。為南漢。融、邕、連、昭、宜、桂、賀、梧、蒙、鬱、富、柳、象、容、邕、端、康、封、恩、春、新、高、竇、化、韶、藤、白、廉、欽、廣、橫、賓、清、惠、鬱、林、英、雄、瓊、崖、儋、萬、安、羅、潘、勒、瀛。

辨。自太原以北十州爲東漢。而荆歸峽三州爲南平。合中國所有二百六十八州。而軍不在焉。

劉旻

輿地廣記卷第四

皇朝郡國

四京

東京 西京 南京 北京

京東東路

青 密 濟 沂 登 萊 維 淄 淮陽

京東西路

兗 徐 拱 興仁 鄆 濟 單 濮 廣濟

京西南路

襄 鄧 隨 金 房 均 郢 唐 光化

京西北路

穎昌 鄭 滑 孟 蔡 陳 穎 汝 信陽

河北東路

開德 河間 滄 冀 博 棣 莫 雄 霸 德 濱 恩 清

永靜 信安 保定

河北西路

真定 相 中山 邢 懷 衛 洛 深 磁 祁 趙 保 安肅

永寧 廣信 順安

河北路化外州

安東上都護 幽 涿 易 檀 薊 媯 平 營

陝西永興軍路

京兆 河中 陝 延安 同 華 耀 邠 鄜 解 慶 虢 商

寧 坊 丹 環 銀 綏德 保安

陝西秦鳳路

鳳翔 秦 涇 熙 隴 成 鳳 岷 渭 原 階 河 蘭

鞏 會 西安 西寧 湟 廓 洮 鎮戎 德順 懷德 積石

陝西路化外州

安西大都護 北庭大都護 靈 夏 涼 沙 瓜 鹽 勝 西 伊

甘肅 肅 臯 宕 豐 宥

河東路

太原 潞 晉 府 麟 絳 代 隰 慈 忻 汾 澤 憲

嵐 石 遼 豐 威勝 平定 岢嵐 寧化 火山 保德 晉寧

河東路化外州

單于大都護 安北大都護 鎮北大都護 雲 應 新 蔚 朔 寰 儒

毅

淮南東路

楊 亳 宿 楚 海 秦 泗 滁 眞 通 高郵

淮南西路

壽 廬 蘄 和 舒 濠 光 黃 無爲

兩浙路

杭 越 平江 潤 湖 婺 明 常 溫 台 處 衢 睦

秀

江南東路

江寧 宣 歙 江 池 饒 信 太平 南康 廣德

江南西路

洪 虔 吉 袁 撫 筠 興國 南安 臨江 建昌

荆湖南路

潭 衡 道 永 郴 邵 全 武崗 桂陽

荆湖北路

江陵 鄂 安 復 鼎 澧 峽 岳 歸 辰 沅 靖 漢陽

荆門

荆湖北路化外州

錦 樊 溪

成都府路

成都 眉 蜀 彭 縣 漢 嘉 邛 黎 雅 茂 簡 威

祺 亨 永康 仙井

成都府路化外州

松 當 悉 靜 恭 柘 翼 真 乾 姚 樵

梓州路

梓 遂 果 資 普 昌 叙 瀘 合 榮 渠 懷安 廣安
長寧 富順

利州路

興元 利 洋 閬 劍 巴 文 興 蓬 龍 三泉

利州路化外州

扶

夔州路

夔 黔 達 施 忠 萬 開 涪 恭 珍 承 漆 梁山

南平 遵義 大寧

夔州路化外州

費 西高

福建路

福 建 泉 南劍 汀 漳 邵武 興化

廣南東路

廣 韶 循 潮 連 封 端 新 康 南恩 梅 南雄 英

惠

廣南西路

桂

容 邕

融

象

賀

昭

梧

藤

雙

潯

貴

柳

宜

賓 橫

化

高

雷

欽

鬱林

廉

瓊

昌化

萬安

朱崖

廣南路化外州

安南大都護

峯

瀼

巖

田

愛

驩

陸

福祿

長

湯

演

林

景 山

環

籠

古

輿地廣記卷第五

四京

東京開封府。今治開封祥符二縣。春秋時爲衛陳鄭三國之境。戰國時屬魏。秦屬三川郡。漢屬陳留河南。潁川淮陽郡。東漢改淮陽爲陳國。晉屬陳留滎陽潁川。元魏屬陳留許昌。東魏分置開封郡兼立梁州北齊罷開封郡。後周改梁州爲汴州。隋開皇初罷陳留郡。大業初罷汴州。分入滎陽等郡。唐武德四年復立汴州。開元中爲河南採訪使治所。興元元年自宋州徙宣武軍于此。以劉玄佐爲節度使。梁以州建國。升爲東京開封府。後唐復爲汴州。宣武軍。晉復升爲東京開封府。漢周及皇朝因之。今縣十四。

赤開封縣。二漢屬河南郡。晉屬滎陽郡。東魏置開封郡。北齊郡廢。隋屬滎陽郡。唐武德四年屬汴州。正觀元年省。延和元年析浚儀尉氏復置。移在郭下。與浚儀分治。有汴河。蓋古葭蕩渠也。首受黃河水。隋煬帝開浚。以通江淮漕運。兼引汴水。亦曰通濟渠。皇朝元豐中導洛通入。謂之清汴。有惠民河浚溝其地。則衛詩所謂浚郊浚都者也。有蓬池。亦曰蓬澤。故衛國之匡地。竹書紀年云。梁惠王發逢忌之藪。以賜民。卽此。唐天寶元載更名福源地。禁漁採。有沙海。戰國策顏率言大梁之君臣欲得九鼎。謀於沙海之上。在此。蓼堤。梁孝王築。東至睢陽。長三百里。有吹臺。今日繁臺。本晉師曠作之。梁孝王增築焉。赤祥符縣。本大梁。魏惠王所築。惠王六年自安邑徙都于此。故亦曰梁惠王。竹書紀年云。惠王爲大溝於

此郭以行圃田之水。縣北有浚水。像而儀之。故謂之浚儀。秦始皇二十三年。攻魏。引河水灌城而拔之。二漢屬陳留郡。晉及後魏因之。東魏兼立梁州。後周改爲汴州。隋開皇初。郡罷。大業初。州罷。屬滎陽郡。隋末。浚儀故縣爲李密所陷。縣人王要漢。帥豪族置縣於今所。而自爲令。唐高祖因立汴州。以要漢爲刺史。武德四年。移縣於州北。正觀元年。復移州西。皇朝大中祥符二年。更名。有夷門山。夷門者。大梁城之東門也。魏人侯嬴抱關於此。有蔡河。蓋古琵琶溝也。有廣濟河。金水河。有寒泉阪。衛詩所謂爰有寒泉。在浚之下。

畿尉氏縣。古獄官曰尉氏。此本鄭獄官尉氏之邑。二漢屬陳留郡。晉及元魏因之。東魏屬開封郡。北齊省。隋開皇六年。復置。屬潁川郡。唐武德四年。置洧州。正觀元年。州廢。屬汴州。有惠民河。長明溝。三亭岡。魏范睢與秦使王稽期於三亭之南。卽此。有制澤陂。左傳注。滎陽宛陵縣東有制澤。此亦宛陵地也。

畿陳留縣。留本鄭邑。後爲陳所并。故曰陳留。有莘城。國語謂之莘墟。漢武帝元狩元年。置陳留郡。晉爲陳留國。治小黃。而省陳留縣。隋開皇十六年。復置。屬梁郡。唐屬洧州。小黃縣。漢高帝於此兵敗。母時兵死。後招魂葬。號昭靈后。其處曰小黃園。漢亦曰小黃縣。故城在縣東北。二漢屬陳留郡。晉及元魏因之。北齊省。有皇桓山。狼丘。汴河。睢溝。其水首受蕘蕩水。東入泗。

畿雍丘縣。故杞國。妘姓。周武王封禹後東樓公。先春秋時。徙魯東北。二漢屬陳留郡。曹操圍張超於此城。晉亦屬陳留。東晉祖逖鎮此。以禦石勒。元魏置陽夏郡。隋開皇初。郡廢。十六年。置杞州。大業初。州廢。屬

梁郡。唐武德四年。復置杞州。正觀元年。州廢。屬汴州。圍城鎮。本漢圜縣。屬睢陽國。故城在東南。翟義興兵。王莽遣孫建擊之於圍地。義師大敗。積尸萬數。立爲京觀。東漢及晉屬陳留郡。元魏屬夏郡。北齊省。隋開皇六年。復置曰圍城。屬梁郡。唐正觀元年。省。漢外黃縣故城在東。二漢屬陳留郡。晉屬陳留國。元魏省。北齊復置。隋屬濟陰郡。唐正觀元年。省。有葵丘。齊桓會諸侯于此。

畿。封丘縣。古封父之國。左傳所謂周以封父之繁弱賜魯是也。二漢屬陳留郡。晉及元魏因之。北齊省。隋開皇十六年。復置。屬東郡。唐屬汴州。亦漢平丘縣地。有黑山。白溝河。封丘臺。期城。黃池。吳王夫差會諸侯于此。

畿。中牟縣。趙襄子時。佛肸以中牟叛。置鼎於庭。不與已者烹之。趙獻侯自耿徙此。二漢屬河南郡。晉及元魏屬滎陽郡。東魏置廣武郡。隋開皇初。郡廢。改中牟曰內牟。屬鄭州。十八年。改內牟曰圃田。唐武德三年。復曰中牟。亦屬鄭州。梁開平元年。來屬。後唐同光初。還之。晉天福中。復來屬。北十二里有中牟臺。是爲官渡城。曹公袁紹相持之所。有圃田澤。爲豫州之藪。有汴河。鄭河。

畿。陽武縣。兩漢屬河南郡。晉元魏屬滎陽郡。東魏屬廣武郡。隋唐屬鄭州。梁開平元年。來屬。有博浪沙。張良擊秦始皇之所。有黑陽山。芒河。汴河。白溝。

畿。酸棗。戰國時。嘗爲韓所都。制軍蒞政。爲濮陽嚴仲子殺韓相俠累於此。秦拔魏。置縣。漢因之。以其地多酸棗。因以爲名。屬陳留郡。東漢晉因之。元魏屬東郡。北齊省。隋開皇六年。復置。屬滎陽郡。唐屬滑州。

梁開平元年來屬。唐同光初還之。晉天福中復來屬。有土山、黃河、金堤。漢文帝時河決金堤。卽此。有酸棗臺。有延津。袁紹渡處。津南立壁以拒曹公。紹將淳于瓊宿烏巢。在縣東。爲曹公所襲。破之於此。

畿長垣縣。本衛之匡邑。孔子畏於匡者。故城在今縣南。春秋會于匡。卽此地。二漢爲長垣縣。屬陳留郡。晉屬陳留國。元魏屬東都。隋開皇十六年改曰匡城。屬滑州。唐因之。梁復曰長垣。來屬。後唐又曰匡城。皇朝復爲長垣。有濮水、刁河。漢長羅縣故城在東北。古蒲邑在此。子路爲之宰。

畿東明縣。本漢東昏縣。屬陳留郡。王莽改曰東明。東漢復曰東昏。後省爲東明鎮。皇朝建隆四年升爲縣。濟陽鎮。本濟陽縣。二漢屬陳留郡。南頓君爲令。生光武於縣舍。晉屬陳留國。元魏屬夏郡。隋屬濟陰郡。唐正觀元年省入宛句。皇朝建隆四年來屬。

畿扶溝縣。縣有扶亭。又有洧水溝。故以爲名。漢屬淮陽國。東漢屬陳留郡。晉省。元魏復置。東魏屬許昌郡。隋屬潁川郡。唐屬許州。梁開平元年來屬。漢新汲縣故城在西。本鄭之曲洧。左傳諸侯伐鄭。自戲童至于曲洧。是也。

畿鄆陵縣。本鄭地。春秋鄭伯克段于鄆。卽此。戰國謂之安陵。二漢屬潁川郡。晉元魏因之。東魏屬許昌郡。北齊省。隋開皇七年復置。屬許州。十六年置洧州。大業初州縣廢。屬潁川郡。唐屬許州。梁開平元年來屬。後唐同光初還之。晉天福中復來屬。有祈耶山、洧水、白亭。

畿咸平縣。漢爲陳留。扶溝二縣地。後爲通許鎮。皇朝咸平五年升爲咸平縣。有牛首城。春秋諸侯伐鄭。師

于牛首有裘亭。

西京河南府。周武王克商，定鼎于郊，成王卜澗水東、灋水西，而作洛邑，謂之王城。今皇城是也。又卜灋水東而作下都，以遷商頑民，謂之成周。今洛陽故城是也。平王避犬戎之難，乃自豐東遷而居王城。至敬王與子朝爭立，子朝據王城，於是晉魏舒合諸侯之大夫，城成周以居敬王。至考王，封弟桓公於河南，以續周公之官職。其後遂爲西周，卽王城也。桓公之孫惠公，又封少子於鞏，號爲東周。王赧時，東西周分治。王赧徙居西周，秦滅二周，置三川郡，謂伊、洛、河也。秦亡，項羽立瑕丘申陽爲河南王。漢高帝取之，置河南郡，亦屬弘農。潁川帝始欲都此，感奉春君之言而止。光武中興，都雒邑，置河南尹，兼置司隸。魏晉因之，兼置司州，後爲劉聰所陷。東晉末，桓溫劉裕再克河洛，建置郡府，終不能有。後魏孝文乃自代徙都洛陽，置河南尹并司州。東魏置洛州。北齊後周及隋皆因之。大業元年，作新都，改曰豫州。三年，復爲河南郡。唐平王世充，置洛州。顯慶二年，升爲東都。開元元年，改爲河南府。天寶元年，曰東京。梁、唐、晉、漢、周常以爲都。梁開平元年，改爲西京。後唐爲洛京。晉爲西京。漢、周及皇朝皆因之。今縣十五。

赤河南縣，古郊，鄆地。周武王遷鼎，成王卜宅，是爲王城。平王東遷，居之後，爲西周君所封。二漢爲河南縣。魏晉以來因之。隋自洛陽故城移都城於此，郡遂徙焉。唐因之，有闕塞山，俗曰龍門，有伊洛澗灋四水。漢穀城縣在西北。北齊常山王演，築以拒周師，又築孝水戍，在縣西北。

赤洛陽縣，本周下都。商頑民所遷，是爲成周。城中有狄泉，敬王避子朝之難，居之。秦置三川郡，兼封文信

侯呂不韋。楚封瑕丘。中陽爲河南王。漢爲河南郡。東漢、魏、晉、元魏皆爲帝都。東魏置洛陽郡。隋開皇初。郡廢。大業初。移都城於河南縣。而洛陽縣亦徙在郡城中。其故城遂空。皇朝熙寧八年。省入河南。元祐二年。復置。魚豢曰。漢火德。火忌水。故光武去水而加佳。魏土德。土水之母也。故除佳而加水。有北邙山。魏明欲平之。令登臺見孟津。辛毗諫。乃止。東魏高歡破宇文泰軍。唐史思明敗李光弼軍。皆在此。有金墉城。在故城西北角。魏明帝所築。有漢平陰縣故城。在縣北五十里。魏文帝改爲河陰。後魏爾朱榮舉兵入洛。朝士三千人遇禍於此。

赤。永安縣。本鞏。緱氏。登封。三縣地。近世爲永安鎮。屬鞏。皇朝景德四年。升爲縣。有少室山、鳳臺山、轅轅山、青龍河。

畿。偃師縣。帝嚳所都。亦古亳邑也。商有三亳。成湯居西亳。此卽一也。至盤庚。又自河北徙治於此亳。商家從此而改國號曰殷。周武王伐紂而還。欲示休戎之意。名爲偃師。二漢屬河南郡。晉以來省。隋開皇十六年。復置。屬河南府。唐因之。有尸鄉。田橫自剄處。緱氏鎮。古滑國。二漢爲緱氏縣。屬河南郡。自晉至唐。因之。皇朝熙寧八年。省入偃師。有緱山。王子晉控鶴上升之所。有黃河曲。洛。

畿。鞏縣。春秋時鞏國。戰國時。東周居此。二漢屬河南郡。晉、元魏因之。東魏屬成臯郡。北齊省。隋開皇十六年。復置。屬河南郡。唐因之。有洛口倉。爲李密所據。漢小平縣故城在西北。俗謂之小平。其北有小平津。畿。登封縣。漢武帝登中岳太室。從官在山下。聞有言萬歲云。於是以三百戶奉祠。命曰崇高邑。屬潁川郡。

東漢省入陽城。東魏分潁陽置堙陽縣。隋開皇六年改曰武林。十八年曰輪氏。大業初曰嵩陽。屬河南郡。唐萬歲登封元年更名登封。屬河南。有嵩高山。禹貢所謂外方也。有陽城山。禹避舜之子於此。二漢爲陽城縣。屬潁川郡。元魏置陽城郡。隋唐皆屬河南。萬歲登封元年更名告成。天祐二年改爲陽邑。後省。有箕山。昔堯將遜位許由恥之逃隱于此。上有許由冢。有測景臺。昔周公以土圭測日景求地中。以陽城爲地中焉。漢輪氏縣故城在西南。

畿。潁陽縣。二漢爲輪氏縣地。晉省之。後魏改曰臨武。後周省之。唐載初元年析河南伊闕嵩陽復置臨武縣。屬河南府。開元十五年更名潁陽。皇朝熙寧八年省入登封。元祐二年復置。有箕山。潁水。

畿。新安縣。昔項羽坑秦降卒二十萬於此。二漢屬弘農郡。晉屬河南郡。東魏置新安郡。後周置東垣縣。隋仁壽四年省新安入東垣。大業初更名新安。屬河南郡。唐因之。有漢函谷關。武帝元鼎三年楊僕以有功。恥爲關外人。乃上書乞移關於新安。以家財給其費。後周武帝保定中改關城爲通洛防。以備齊寇。有缺門山。金谷水。穀水。

畿。澠池縣。有古東西俱利二城。秦昭王與趙惠文王相會澠池。藺相如劫秦王令爲趙王鼓缶處。蓋云秦趙俱利也。漢晉屬弘農郡。元魏置澠池郡。後周及隋屬河南郡。唐因之。有天壇山。廣陽山。澠池水。

畿。永寧縣。本漢宜陽。澠池二縣地。屬弘農郡。後周置熊耳縣。隋因之。屬河南郡。義寧二年更名永寧。西北有二崱山。連入硤石界。其南陵。夏后臯之墓。其北陵。文王之所避風雨。春秋晉襄公敗秦師于穀。又有

回溪。馮異敗處。俗名回坑。長四里。闊二丈。深二丈五尺。自漢以前。道皆由此。建安中。曹公西征。巴漢。惡南路之險。更開北道。自後行旅。率多從之。有熊耳山。劉盆子積甲之所。有嶠嶷山。後周置黃樞。同軌。永昌。三城。以備齊。

畿。長水縣。本漢盧氏縣地。屬弘農郡。後魏置南陝縣。屬金門郡。西魏改爲長淵。隋義寧元年。改爲長水。唐顯慶二年。來屬土。劃在西北二十五里。蓋古關之塞垣。後周以爲鎮防。有松陽山。洛水。

畿。壽安縣。本漢宜陽。河南二縣地。後魏置甘棠縣。隋仁壽四年。更名壽安。屬河南郡。唐因之。高齊置孔城。防以備周。在縣東南。有錦屏山。鹿蹄山。

畿。福昌縣。本宜陽縣。秦武王欲通三川。以窺周室。乃使甘茂約魏。以攻韓。遂拔宜陽。二漢。晉。屬弘農郡。元魏置宜陽郡。東魏置陽州。後周改曰熊州。隋開皇初。郡廢。大業初。州廢。以宜陽屬河南郡。唐武德二年。改曰福昌。因隋宮爲名。故韓城在縣東。劉盆子降光武處。縣城東北。三面峭絕。天險。後周屯重兵於此。以備高齊。東魏又置金門郡。後周省入。有女兒山。

畿。伊陽縣。本漢陸渾縣地。唐先天元年。析置伊陽。屬河南府。陸渾。戎名。初在秦晉之西北。後秦晉遷之于伊川。因以名縣。漢屬弘農郡。晉屬河南郡。東魏置伊川郡。又有北荊州。後周改曰和州。隋開皇初。郡廢。改和州曰伊州。大業初。州廢。以陸渾屬河南郡。後省入伊陽。後周置兵於伊陽。備齊。有三塗山。春秋。晉伐陸渾。請有事於三塗。卽此。伊闕鎮。本戎蠻子國。漢惠帝置新城縣。屬河南郡。東漢晉因之。東魏置新

城郡。隋開皇初郡廢。屬河南郡。十八年改縣曰伊闕。北有伊闕故關。昔大禹疏鑿以通水。兩山相對。望之若闕。伊水歷其間。北流。謂之伊闕。云。皇朝熙寧五年省入伊陽。

畿。河清縣。南臨黃河。左傳云。晉陰。卽此。唐咸亨四年。析河南。洛陽。新安。王屋。濟源。河陽六縣。置大基縣。屬

河南府。先天元年改名河清。有柏崖故城。在縣西。東魏將侯景所築。有青要山。瀟瀟水。

南京。應天府。高辛氏子閼伯所居商丘也。周武王封微子啓。是爲宋國。戰國時齊楚魏滅之。三分其地。秦

置碭郡。漢爲梁國。東漢晉因之。元魏爲梁郡。後周置梁州。隋開皇初郡廢。十六年置宋州。大業初州廢。

又爲梁郡。唐復爲宋州。天寶元年曰睢陽郡。梁號爲宣武軍節度。後唐改歸德軍。皇朝景德四年升應

天府。大中祥符七年升南京。今縣四。

赤宋城縣。古商丘也。閼伯。微子。漢梁孝王。皆都之。漢曰睢陽縣。後漢晉元魏因之。隋開皇十八年改曰宋

城。唐屬宋州。張巡許遠死節於此。有梁孝王兔園。平臺。鴈鷺池。春秋時隕石五。見在蓼隄。卽梁孝王開

道也。

畿。穀熟縣。商之南亳。成湯所都也。後漢置穀熟縣。屬梁國。晉因之。後魏廢焉。隋開皇十六年復置。屬梁郡。

唐屬宋州。

畿。下邑縣。漢屬梁國。晉因之。北齊廢。已吾縣入焉。隋屬梁郡。唐屬宋州。

畿。虞城縣。夏封舜。後於此。少康避有過之難。奔有虞。卽此。有綸城。卽少康邑。漢置虞縣。屬梁國。晉因之。元

魏曰蕭縣。北齊廢。隋文帝開皇十六年。置虞城縣。屬梁郡。唐屬宋州。有禹貢孟諸數。

北京大名府。春秋時屬晉衛。戰國時屬衛。二漢屬魏郡。東郡。清河。魏文帝分置陽平郡。晉因之。宋文帝置東陽平郡。元魏因之。後周大象二年。置魏州。隋大業初。置武陽郡。唐武德四年。平竇建德。改置魏州。龍朔二年。更名冀州。咸亨三年。復曰魏州。天寶元年。曰魏郡。自代宗後。爲田承嗣。史憲誠。何進滔。羅洪信所據。曰大名府。置天雄軍。五代皆因之。後唐建都。晉漢因之。至周罷大名府。後唐曰興唐。晉曰廣晉。漢周復曰大名。皇朝慶曆二年。升爲北京。今縣十一。

赤元城縣。魏武侯公子元食邑於此。因以名縣。二漢屬魏郡。魏置陽平郡。晉。元魏。因之。東魏屬魏郡。後周置魏州。隋置武陽郡。唐爲魏州。五代漢以來。爲大名府。有沙麓。春秋時。沙麓崩。卽此。有馬陵。魏龐涓爲齊孫臏所破於此。大名鎮。漢館陶縣地。東魏分館陶西界置貴鄉縣。後周。隋。唐。因之。後唐更名廣晉。漢乾祐初。改爲大名。皇朝熙寧六年。省入元城。按左傳。晉獻公賜畢萬魏。卜偃曰。萬。盈數也。魏。大名也。其地於今爲河中之永樂。非元城之魏也。漢以大名名此。失矣。

畿莘縣。本漢陽平縣。屬東郡。魏。晉。元魏。屬陽平郡。北齊改曰樂平。隋開皇六年。復曰陽平。八年。改曰清邑。十六年。置莘州。大業初。州廢。改清邑爲莘縣。屬武陽郡。唐屬魏州。春秋。衛宣公使盜殺公子汲于莘。卽此。漢東武陽縣故城在南。

畿內黃縣。漢。晉。元魏。屬魏郡。東魏併入臨漳。開皇十六年。復置。屬汲郡。唐屬相州。天祐三年。來屬。漢繁陽

縣故城在縣西北。

畿成安縣。本斥丘縣地。漢、晉、元魏屬魏郡。東魏併入臨漳。故城在縣西北。北齊置成安縣。隋屬魏郡。唐屬相州。天祐二年更名斥丘。來屬。後唐復爲成安。洹水鎮。晉長樂縣地。後周分臨漳縣東北界置洹水縣。隋屬魏郡。唐屬相州。天祐三年來屬。皇朝熙寧六年省入成安。蘇秦令六國之將相會盟于洹水上。卽此。

畿魏縣。戰國爲魏武侯別都。漢、晉、元魏屬魏郡。北齊廢之。隋開皇六年復置。屬武陽郡。唐屬魏州。

畿館陶縣。漢屬魏郡。魏、晉、元魏屬陽平郡。後置毛州。隋煬帝大業初州廢。以館陶屬武陽郡。唐屬魏州。漢書溝洫志。河北決於館陶。分爲屯氏河。而後世誤以爲毛氏河。乃置毛州。失之甚矣。

畿臨清縣。後漢廣宗縣。水經注言趙立建興郡於廣宗故城內。置臨清縣。後魏因之。北齊廢焉。隋開皇六年復置。屬清河郡。唐屬貝州。後來屬永濟鎮。唐大曆七年田承嗣析臨清置永濟縣。屬貝州。天祐三年來屬。皇朝熙寧六年省。

畿宗城縣。後漢廣宗縣。屬鉅鹿郡。晉屬安平國。隋仁壽元年改曰宗城。屬清河郡。唐屬貝州。天祐三年來屬。經城鎮。本後漢經縣。屬安平國。晉因之。北齊廢焉。隋開皇六年復置。經城縣。屬清河郡。唐屬貝州。皇朝熙寧六年省入宗城。

畿夏津縣。本二漢鄆縣。屬清河郡。晉因之。其後廢焉。隋開皇十六年復置。唐屬貝州。天寶元年更名夏津。

後來屬。

畿清平縣。本漢清陽縣。屬清河郡。後漢省焉。隋開皇六年。置貝丘縣。十六年。改曰清平。唐屬博州。後來屬畿冠氏縣。春秋晉邑。左傳。齊爲衛故。伐晉冠氏。是也。隋開皇六年。分館陶東界置。屬武陽郡。唐屬魏州。清水鎮。本漢清淵縣。屬魏郡。晉屬陽平郡。隋屬清河郡。唐避高祖諱。改爲清泉縣。後爲清水。正觀元年。省入冠氏。

輿地廣記卷第六

京東東路

望青州少昊之世有爽鳩氏虞夏時有季荊湯末有逢公伯陵殷末有蒲姑氏皆爲諸侯國於此周成王時蒲姑氏與四國作亂成王滅之以封太公是爲齊國所謂營丘後徙都臨淄亦其地其後爲田氏所有秦滅之置齊郡漢高帝封子肥爲齊王後爲齊郡亦屬北海千乘後屬齊國北海樂安兼置青州晉屬齊國濟南樂安永嘉之亂陷於石勒刺史曹嶷爲晉守造廣固城終爲季龍所陷季龍末段龕自號齊王據之慕容恪滅趙克青州苻氏平燕盡有其地及苻氏敗苻朗以州降晉置幽州以辟閭渾爲刺史鎮廣固隆安四年爲慕容恪所陷遂都之爲南燕劉裕滅南燕以羊穆之爲青州刺史築東陽城而居之宋及後魏皆置青州後周爲齊郡樂安北海隋並廢之大業初復置北海郡唐武德四年曰青州天寶元年曰北海郡升平盧軍節度皇朝淳化五年改鎮海軍政和元年曰齊郡今縣六

望益都縣本二漢廣縣地屬齊郡晉廢之廣固城在縣西四里晉曹嶷所築有大澗甚廣因曰廣固城爲青州刺史治焉段龕慕容德皆據此東陽城北卽郡治東城是也晉時城宋將竺夔守之後魏攻圍不下益都本漢侯國武帝封菑川王子胡爲益都侯故城在今壽光縣南元魏置益都縣北齊移入青州城北門外爲治所後置齊郡隋開皇初廢大業初置北海郡唐爲青州有五龍口劉裕圍慕容超於廣

固塞五龍口。城中男女悉皆脚弱。病者大半。遂拔之。

望壽光縣。本漢博昌。壽光縣地。後漢。晉。並屬樂安國。隋徙壽光治所於博昌。屬北海郡。唐屬青州。有淄澠二水。有灌亭。禹後斟灌氏之國。有紀國故城。春秋紀侯國也。漢曰劇。屬北海郡。文帝十八年。置菑川國。後漢併入北海郡。故城在縣西南。

緊臨朐縣。二漢臨朐。昌國縣。並屬齊郡。晉省臨朐入昌國。隋開皇六年。改昌國爲逢山。大業初。改曰臨朐。屬北海郡。唐屬青州。有伯氏駢邑。

上博興縣。本漢樂安縣。屬千乘郡。後漢屬樂安國。晉省之。其後復置。隋改爲博昌。屬北海郡。唐屬青州。後唐避諱。改爲博興。

上千乘縣。漢舊縣。後漢屬樂安國。晉省之。後復置。爲樂安郡治。隋開皇初。郡廢。以千乘屬北海郡。唐屬青州。有薄姑城。商末。爲諸侯。居此。周時。與四國作亂。成王滅之。有罍臺。齊景公飲酒于臺上。曰。古而無死。其樂若何。晏子對曰。昔爽鳩氏始居此地。季荊因之。有逢伯陵因之。蒲姑氏因之。而後太公因之。古若無死。爽鳩氏之樂。非君所願也。顏師古言。武王初封太公於齊。未得爽鳩氏地。成王以益之。在漢博昌縣地。

上臨淄縣。城臨淄水。故曰臨淄。卽營丘也。周封太公於此。南郊山下有天齊淵。齊所以爲齊。以天齊也。戰國時。齊威王。項羽封田都。漢齊悼惠王。皆都之。後置齊郡。後漢。晉。爲齊國。元魏爲齊郡。北齊廢之。隋開

皇十六年復置屬北海郡。唐屬青州。漢西安縣故城在西北。本曰渠丘。齊大夫雍廩之邑。有葵丘、牛山、時水。

上密州。戰國時屬齊。秦置琅邪郡。漢屬琅邪郡。及高密。城陽二國。後漢屬琅邪郡。北海國。晉屬城陽郡。元魏屬高密。後置膠州。隋開皇初郡廢。五年改膠州爲密州。大業初州廢。復爲高密郡。唐武德五年曰密州。天寶元年曰高密郡。皇朝開寶五年升安化軍節度。今縣五。

望諸城縣。本漢東武諸。二縣地。東武爲琅邪郡治所。後漢屬琅邪國。晉屬城陽郡。後魏置高密郡。隋開皇初改爲密州。十八年改東武爲諸城。大業初復爲高密郡。唐爲密州諸。本魯邑。春秋城諸及鄆是也。漢屬琅邪郡。後漢屬琅邪國。晉屬城陽郡。元魏屬東莞郡。其後省入東武。至隋改焉。漢琅邪縣在東境。初越王勾踐欲霸中國。徙都於此。起觀臺於山上。周七里。以望東海。秦始皇置琅邪郡。後東遊過齊。登山大樂之。因留三月。乃徙黔首三萬戶於山下。刊石立碑。紀秦功德。漢武帝亦登焉。晉省琅邪縣。後復置。元魏屬平昌郡。後又省。隋開皇十六年置縣曰豐泉。大業初復改爲琅邪。唐省之。

望安丘縣。本莒之渠丘也。漢爲安丘。屬北海郡。後漢屬北海國。晉屬東莞郡。元魏屬平昌郡。其後並廢。隋開皇十六年置牟山縣。大業初改名安丘。屬高密郡。唐乾元二年以安祿山亂改爲輔唐。皇朝開寶四年復爲安丘。漢梧城。朱虛。昌安。三縣故城在此。

望莒縣。古莒國。戰國時燕將樂毅破齊。獨莒不下。漢文帝置城陽國。以封朱虛侯劉章。光武併入琅邪國。

魏晉復置城陽郡。後魏置東莞郡。北齊郡廢。屬義唐郡。唐初廢之。以莒屬琅邪。後屬密州。漢海曲縣。故城在縣東。呂母起於此。

上高密縣。縣有密水。故以爲名。漢文帝置膠西國。宣帝本始元年。更名高密國。後漢屬北海郡。魏晉屬城陽郡。隋唐屬高密郡。唐屬密州。漢夷安縣。屬高密國。本春秋萊國之夷維邑。晏平仲。其邑人也。後漢屬北海郡。晉以來。省之。唐武德六年。移高密治故夷安城。淳于。本春秋州國。漢爲縣。屬北海郡。後漢屬北海國。晉屬城陽郡。元魏屬平昌郡。北齊省入高密。

膠西縣。春秋介葛盧國。二漢爲黔輒縣。屬琅邪郡。晉屬城陽郡。元魏屬高密郡。後置平昌郡。隋開皇初。郡廢。十六年。置縣曰膠西。大業初。省黔輒入焉。屬高密郡。唐武德元年。省膠西入高密。後以其地爲板橋鎮。皇朝元祐三年。復置膠西縣。

上齊州。春秋戰國。皆屬齊。秦屬齊郡。二漢屬濟南平原東郡。晉濟南郡領平壽下密膠東。卽墨祝阿五縣。而以平壽爲郡治。方今考其屬邑。乃漢北海平原膠東地。非濟南地也。或云。魏平蜀。將徙其豪將家於濟河北。改爲濟岷郡。而太原地理志無此郡名。豈永嘉喪亂。簡編散落。故失其傳乎。宋爲濟南郡。兼置冀州。後魏改爲濟州。隋開皇初。郡廢。大業初。州廢。置齊郡。唐武德元年。曰齊州。天寶元年。曰臨淄郡。五年。曰濟南郡。皇朝治平二年。升興德軍。今縣五。

緊歷城縣。二漢屬濟南郡。宋元魏爲郡治焉。隋置齊郡。唐爲濟州。有歷山。漢韓信度平原。襲破齊。歷下軍。

卽此有華不注山左傳晉郤克敗齊師逐之三周華不注是也漢東平陵縣本譚國二漢爲濟南郡治其後郡徙歷城而平陵遂廢唐武德二年置譚州并平陵縣正觀元年州廢屬齊州十七年齊王祐起兵平陵人李君求據縣不從因改名全節元和十五年省入歷城漢臺縣故城在縣西

緊禹城縣本祝柯齊邑也春秋襄十九年諸侯盟于祝柯卽此二漢曰祝柯屬平原郡晉屬濟南郡隋屬齊郡唐屬齊州天寶元年更名禹城東有野井亭齊侯唁魯昭公之所

中章丘縣本漢陽丘縣屬濟南郡後漢省之後置高唐縣隋開皇十六年改爲章丘屬高密郡唐屬齊州有東陵山盜跖死處臨濟鎮本漢朝陽縣隋開皇十六年改曰臨濟別置朝陽大業初省入焉唐屬齊州皇朝咸平四年省入章丘管縣二漢屬濟南郡晉以後廢之地入臨濟

中長清縣本齊之石茆邑二漢及晉爲盧縣地隋開皇十四年置長清縣屬濟北郡唐屬齊州武德元年置山茌縣二漢茌縣也屬泰山郡天寶元年改爲豐齊元和十五年省入長清

中臨邑縣二漢屬東郡晉及元魏屬濟北國隋屬齊郡唐屬齊州有石門有盧縣故城春秋齊侯鄭伯盟于石門尋盧之盟是也有朝陽城漢朝陽縣也屬濟南郡後漢爲東朝陽屬濟南國晉屬樂安國其後廢入臨邑

上沂州春秋時齊魯二國之地戰國時屬齊楚秦屬琅邪郡漢屬琅邪東海二郡後置琅邪國魏晉因之宋爲琅邪郡後魏置北徐州後周改爲沂州隋開皇初郡廢大業初州廢復爲琅邪郡唐武德四年曰沂

州。天寶元年曰琅邪郡。今縣五。

望臨沂縣。本魯地。春秋城中丘。在縣東北。二漢屬東海郡。晉屬琅邪國。隋爲琅邪郡。唐爲沂州。漢卽丘縣。

故城在縣東南。本祝丘。春秋夫人姜氏享齊侯于祝丘。是也。二漢、晉皆屬琅邪國。隋大業初省入臨沂。

漢開陽縣。屬東海郡。本郟國也。後更名啓陽。春秋叔孫州仇帥師城啓陽。是也。漢避景帝諱。改爲開陽。

後漢、晉爲琅邪國治。其後廢入臨沂。故城在縣南。漢襄賁縣。屬東海郡。後漢及晉皆因之。其後廢入臨

沂。故城在縣南。

望承縣。本漢承縣。屬東海郡。後漢、晉因之。隋大業初改承爲蘭陵。屬彭城郡。唐武德四年復更爲承。以縣

置鄆州。正觀元年州廢。來屬蘭陵鎮。戰國時屬楚。春申君以荀卿爲蘭陵令。二漢、晉屬東海郡。元康元

年置蘭陵郡。其後郡縣俱廢。唐武德四年置蘭陵縣。正觀元年省入郟。故郟國。漢屬東海郡。後漢、晉皆

屬琅邪。隋大業初省入承。

望沂水縣。漢東莞、東安、二縣地。東莞本莒之鄆邑。魯取之。漢屬琅邪國。晉太康中置東莞郡。隋屬高密郡。

後省入東安。東安漢屬城陽國。後漢及晉屬琅邪國。其後改沂水縣。及南青州。東安郡。後周改州爲莒

州。隋開皇初郡廢。改縣曰東安。十六年又改曰沂水。大業初州廢。屬琅邪郡。唐屬沂州。有沂山。禹貢沂

水所出。有浮來山。春秋公及莒人盟于浮來。是也。有穆陵山。昔召康公賜齊太公履。南至于穆陵。卽此。

漢陽都縣。春秋陽國也。漢屬城陽國。後漢、晉屬琅邪國。其後廢焉。故城在縣南。有大峴山。爲齊南境。其

地險固。晉將劉裕伐南燕。大將公孫五樓請慕容超據守大峴。超不從。故敗。

望費縣。魯季氏邑。公山弗擾以費畔。卽此。漢屬東海郡。後漢屬泰山郡。晉屬琅邪國。隋屬琅邪郡。唐屬沂州。有蒙山。禹貢所謂蒙羽其藝是也。顯臬城在縣西北。魯附庸國。爲東蒙主。冉有以爲固而近於費。勸季氏伐之。隋開皇十八年。改南武陽曰顯臬。屬琅邪郡。唐正觀元年。省入費。漢南武陽縣。屬泰山郡。後漢及晉因之。有顯臬城。隋因改焉。故城在縣西。漢南城縣。屬東海郡。後漢屬泰山。晉屬南武城。卽古之武城。子游爲宰。有絃歌之聲處也。故城在費縣。

中新泰縣。本漢東平陽縣。屬泰山郡。後漢省之。晉復置。惠帝元康元年。改爲新泰。屬泰山郡。隋屬琅邪郡。唐屬沂州。漢蒙陰縣。屬泰山郡。後漢省之。晉復屬琅邪國。北齊省入新泰。故城在縣東南。堂阜在東。齊地也。有夷吾亭。管仲以囚自魯歸。鮑叔解其縛於此。

上登州。春秋牟子國。戰國屬齊。秦屬齊郡。二漢。晉。屬東萊郡。元魏置東牟郡。隋屬東萊郡。唐置登州。天寶元年。曰東牟郡。今縣四。

望蓬萊縣。本漢黃縣。屬東萊郡。後漢爲郡治所。晉屬東萊國。元魏置東牟郡。北齊廢東牟入長廣郡。隋開皇初。廢長廣屬東萊郡。唐如意元年。置登州。初治牟平。神龍三年。更名黃爲蓬萊。徙治焉。

望黃縣。漢舊縣。唐神龍三年。更名蓬萊。先天元年。析蓬萊置黃縣。屬登州。有萊山。漢磁縣地在此。有蹲狗山。

緊牟平縣。二漢舊縣。屬東萊郡。晉省之。後復置。隋屬東萊郡。唐屬登州。漢東牟。睡縣地在此。有東牟山之
罍山。秦始皇漢武帝嘗登之。

中文登縣。漢不夜。睡縣地。屬東萊郡。後漢以來。省之。北齊置文登縣。後周因之。隋屬東萊郡。唐武德四年。
置登州。正觀元年。州廢。如意元年。屬登州。有文登山。有成山。漢武帝禮日於成山。卽此。有不夜城。古有
日夜出。見於東萊。故萊子立此城。以不夜爲名。有秦始皇石橋。

中萊州。禹貢所謂萊夷作牧之地。春秋爲萊國。齊侯滅之。遷萊子於郕。戰國屬齊。秦屬齊郡。二漢爲東萊
郡。晉爲東萊國。宋爲東萊郡。後魏兼置光州。北齊後周。因之。隋開皇初。郡廢。五年。改州曰萊州。大業初。州
廢。置東萊郡。唐武德四年。曰萊州。天寶元年。曰東萊郡。今縣四。

望掖縣。漢高帝置東萊郡。後漢郡徙治黃。晉復爲郡治焉。後魏以來。因之。隋開皇初。郡廢。大業初。復置。唐
爲萊州。有掖水。因以名縣。有三山。有萬里沙。見史記封禪書。漢曲成。當利。二縣在此。

望萊陽縣。二漢昌陽縣。屬東萊郡。晉省之。其後復置。隋屬東萊郡。唐屬萊州。後唐避廟諱。改爲萊陽。有奚
養津。周禮幽州。其藪奚養。

望膠水縣。本漢長廣縣地。屬琅邪郡。後漢屬東萊郡。晉咸寧三年。屬長廣郡。其後郡廢。復屬東萊郡。隋仁
壽元年。改曰膠水。唐屬萊州。

中卽墨縣。燕將樂毅破齊。唯田單守卽墨不下。卒破燕軍。項羽立田市爲膠東王。都此。後屬齊。漢文帝十

六年復爲膠東國。後漢國廢。屬北海國。晉屬濟北郡。北齊省之。隋開皇十六年復置。屬東萊郡。唐屬萊州。漢不其縣。屬琅邪郡。後漢屬東萊郡。晉置長廣縣。其後郡廢。北齊省之。隋開皇十六年復置。尋省入卽墨。故城在今縣西。漢壯武縣。屬膠東國。故夷國也。左傳紀人伐夷。卽此。後漢屬北海國。晉屬城陽郡。其後廢焉。故城在卽墨西。有沽水。左氏曰。沽尤以東。卽此。

上濰州。春秋戰國皆屬齊。秦屬齊郡。二漢爲北海郡。晉爲濟南國。元魏復置北海郡。北齊改郡曰高陽。隋開皇初郡廢。十六年分置雄州。大業初州廢。屬北海郡。唐初置濰州。尋廢屬青州。皇朝以青州北海縣置軍。後升爲濰州。政和元年曰北海郡。今縣三。

望北海縣。本漢平壽。下密。桑犢縣地。後漢省桑犢。餘屬北海國。晉以平壽置濟南郡。下密屬焉。元魏復爲北海郡。北齊改曰高陽。隋開皇三年罷郡。置下密縣於廢郡城。大業二年改爲北海縣。而別置下密。唐武德二年以北海置濰州。八年州廢。省下密入北海。屬青州。皇朝建隆三年置北海軍。乾德二年升爲濰州。有榭亭。禹後榭尋氏之國。有寒亭。羿相寒浞之國。有漑源山。漑水所出。古所謂覆甑山也。

望昌邑縣。二漢都昌縣地。屬北海郡。元魏屬北海郡。隋因之。後省爲北海縣地。皇朝建隆三年析置昌邑縣。有濰水。出箕山。北至都昌入海。漢末北海相孔融爲黃巾賊管亥所圍。劉備救之於此。

緊昌樂縣。二漢營陵縣地。屬北海郡。晉屬高密國。元魏屬平昌郡。後改爲營丘。北齊廢之。隋開皇十六年復置。屬北海郡。唐正觀八年省入北海。皇朝乾德三年以營丘城置安仁縣。尋改爲昌樂。

上淄州。春秋戰國皆屬齊。秦屬齊郡。漢屬濟南。樂安國。後漢因之。晉屬樂安國。後魏置東清河郡。北齊郡廢。隋置淄州。大業初州廢併入齊郡。唐武德元年置淄州。天寶元年曰淄川郡。今縣四。

望淄川縣。本漢般陽縣也。屬濟南郡。後漢屬齊國。晉省之。後魏置貝丘縣。及東清河郡。北齊郡廢。隋開皇十六年置淄州。十八年改貝丘爲淄川。屬齊郡。唐屬淄州。有淄水出泰山萊蕪縣原山。東北過臨淄縣東。又東北過利縣東。又東北入于海。漢萊蕪故城在東南。菑川國亦在此。古齊長城。

中長山縣。本二漢於陵縣地。屬濟南郡。晉省之。後置武彊縣。隋開皇十八年改曰長山。屬齊郡。唐屬淄州。有長白山。陳仲子夫妻隱處。

中下鄒平縣。古鄒國。二漢屬濟南郡。晉曰鄒。屬樂安國。後改爲平原縣。隋開皇十八年復曰鄒平。屬齊郡。唐屬淄州。

下高苑縣。漢屬千乘郡。後漢晉屬樂安國。北齊改曰長樂。隋開皇十八年改曰會城。大業初復名高苑。屬齊郡。唐屬淄州。漢被陽縣在此。漢狄縣。田儋兄弟殺狄令起兵於此。漢屬千乘。安帝永初二年改爲臨濟。屬樂安國。其後省入高苑。

同下州。淮陽軍。春秋戰國屬宋魯。秦屬薛郡。漢屬東海郡。後漢爲下邳國。晉宋因之。梁爲武州及下邳郡。後魏爲東徐州。後周爲邳州。隋開皇初郡廢。大業初州廢。復屬下邳郡。唐置邳州。後州廢。屬泗州。又屬徐州。皇朝置淮陽軍。今縣二。

望下邳縣。夏時奚仲自薛徙此。秦末爲東陽郡治。秦嘉其邑人也。韓信爲楚王都此。國徐屬東海郡。後漢永平十五年置下邳國。晉宋因之。城有三重大城。南門謂之白門。曹公擒陳宮處也。中城呂布所守也。小城晉荀羨鄆曇所治也。梁置武州下邳郡。後魏置東徐州。後周置邳州。隋皆廢之。後復置下邳郡于宿豫。而以下邳縣屬焉。唐武德四年置邳州。正觀元年州廢。屬泗州。而省邳、良城、淮陽三縣入下邳。元和四年屬徐州。皇朝太平興國七年置淮陽軍。縣處沂泗之會。城東南有小沂水。水上有橋。楚人謂橋曰兒。張良遇黃石公於下邳圯上。卽此。葛嶧山在西。禹貢所謂嶧陽也。邳縣故已姓國。春秋邳子來朝。是也。秦置邳郡。二漢、晉皆爲東海郡治。兼爲徐州刺史治焉。後魏復置邳郡。隋開皇初郡廢。屬下邳郡。唐省之。故城在縣北。良城縣。左傳昭十三年晉侯會吳子于良。是也。漢屬東海。後漢、晉皆屬下邳。梁置武原郡。隋開皇初郡廢。屬下邳。唐省之。淮陽縣在漢凌縣。泗陽之間。有淮陽城。梁置淮陽郡。東魏置綏化縣。後周改爲淮陽。隋開皇初郡廢。屬下邳。唐省之。漢睢陵縣故城在此。

中宿遷縣。秦下邳縣地。城在西北。項羽卽此人也。屬臨淮郡。晉元帝督運軍儲。以爲邸閣。因置宿豫縣及宿豫郡焉。明帝大寧中。兗州刺史劉遐自彭城退屯泗口。卽此。安帝義熙中置城。在今縣東南。臨泗水。南近淮水。自後爲重鎮。後魏太和中。南徐州治此。後省州爲戍。隋開皇初廢宿豫郡。以縣屬下邳。唐屬泗州。寶應元年避諱改爲宿遷。屬徐州。皇朝太平興國七年來屬。

輿地廣記卷第七

京東西路

嬰慶府大都督府。兗州。春秋戰國爲魯邾二國之境。秦置薛郡。二漢屬魯國。泰山。山陽郡。晉屬魯郡。山陽。兼置兗州。宋屬魯郡。泰山。高平。後魏爲魯郡。北齊改爲任城郡。隋開皇三年。郡廢。大業二年。改兗州爲魯郡。唐武德初。克徐圓朗。復曰兗州。天寶元年。曰魯郡。後升泰寧軍節度。周降防禦。皇朝建隆元年。復泰寧軍。大中祥符元年。外都督府。今縣七。

上瑕丘縣。本魯負瑕邑。春秋季康子入邾。以邾子益來。囚諸負瑕。是也。瑕丘在縣西南。昔衛公叔文子升之。遽伯玉從。文子曰。樂哉斯丘。死則我欲葬焉。伯玉曰。吾子欲之。則瑗請前。二漢屬山陽郡。晉省入南平陽。屬高平國。隋開皇十三年。復置瑕丘。爲魯郡治。唐爲兗州。漢樊縣。屬東平國。後漢屬任城國。晉因之。其後廢焉。故城在今縣西南。有檀鄉。

上奉符縣。本漢博縣。屬泰山郡。後漢晉因之。後魏爲郡治。北齊改郡曰東平。隋開皇初。郡廢。十六年。改縣曰汝陽。尋改爲博城。屬魯郡。唐武德五年。置東秦州。正觀元年。州廢。屬兗州。乾封元年。更名乾封。皇朝大中祥符元年。改爲奉符。漢奉高縣。爲泰山郡治。後漢晉因之。其後郡徙治博。隋開皇六年。改縣曰岱山。大業初。省入博城。漢梁父。牟。二縣。並屬泰山郡。牟。故國春秋牟人來朝。是也。隋省之。唐省梁父。皆入

博城有泰山梁父山。昔秦始皇禪梁父。卽此有龜山。魯頌所謂奄有龜蒙是也。漢鉅平縣屬泰山郡。後漢、晉因之。其後廢地入博城。有亭亭山、社首山。

上泗水縣。本魯卞邑。春秋夫人姜氏會齊侯于卞。是也。漢屬魯國。後漢、晉因之。其後廢焉。隋開皇十六年。於卞故城置泗水縣。屬魯郡。唐屬兗州。有陪尾山。泗水所出。有云云山。有尼丘山。孔子母顏氏所禱。卽此。漢汶陽縣。屬魯國。後漢、晉因之。後廢。故城在縣西。

上龔丘縣。本漢寧陽縣。屬泰山郡。後漢屬東平國。晉省之。北齊置平原縣。隋開皇十六年。改曰龔丘。屬魯郡。唐屬兗州。漢剛縣。屬泰山郡。本魯之闡鄉。春秋齊人取讎及闡。是也。後漢屬濟北國。晉曰剛平。屬東平國。其後廢焉。故城在今縣東北。漢蛇丘縣。屬泰山郡。城下有水。卽魯之蛇淵。也。春秋爲鑄。遂二國地。鑄爲蛇丘治所。而遂在西北十里。後漢管屬濟北國。後廢。按水經注云。汶水又西。泲水出焉。又西逕蛇丘縣南。又云。蛇水西南逕下讎城南。蛇水卽讎水也。今泲水讎水在龔丘。則亦蛇丘地矣。

中下仙源縣。本壽丘。黃帝所生之地。亦爲少昊氏之虛。有大庭氏之庫。周封伯禽爲魯侯。宅曲阜。曲阜在城中。委曲長七八里。楚滅魯。以爲縣。秦置薛郡。漢高后元年。改爲魯國。後漢因之。晉爲魯郡。北齊改爲任城郡。隋開皇三年。郡廢。四年。改魯縣爲汶陽。十六年。改曰曲阜。屬魯郡。唐屬兗州。皇朝大中祥符元年。改爲仙源。有闕里。孔子所居。漢魯恭王殿階猶存。

中下萊蕪縣。漢屬泰山郡。後漢、晉因之。後廢。後魏於萊蕪故城置羸縣。隋屬魯郡。唐正觀元年。省入博城。

長安四年。復置萊蕪。屬兗州。嬴。本齊邑。春秋公會齊侯于嬴。是也。漢屬泰山郡。後漢晉因之。後廢。地入萊蕪。有原山。淄水汶水所出。淄水東北流。至千乘入海。汶水西南流。至中都入大野陂。有肅然山。漢武帝禪肅然。卽此。

下鄒縣。春秋時邾文公卜遷于繹。卽此。後改爲鄒。戰國時爲楚所滅。城北有孟子冢。二漢屬魯國。晉隋屬魯郡。唐屬兗州。嶧山在北。秦始皇上嶧山。命李斯勒石頌秦德焉。有鳧山。魯頌所謂保有鳧嶧。是也。南平陽縣。二漢屬山陽郡。晉屬高平國。後廢入鄒。

大都督府徐州。春秋屬宋。戰國時屬楚。秦屬泗水郡。項羽爲西楚霸王。都之。漢屬楚國。沛郡。後漢晉皆屬彭城。沛國。兼置徐州。宋因之。後魏亦屬彭城。沛郡。置徐州。後周廢沛郡。隋開皇初廢彭城郡。大業初復爲彭城郡。唐爲徐州。號武寧軍。今縣五。

望彭城縣。故大彭國。彭祖所封。春秋時宋封魚石爲采邑。周顯王四十二年。九鼎淪於泗水。秦始皇過彭城。使千人求之。不得。項羽都之。號西楚。漢高帝封弟友爲楚元王。後漢光武封其子英爲楚王。晉爲彭城國。兼置徐州。治此。爲重鎮。劉裕爲宋公。嘗居之。後宋將薛安都舉城歸魏。以爲彭城郡。兼置徐州。隋開皇初郡廢。大業初復置。唐爲徐州。

望沛縣。有沛澤。因以爲名。秦屬泗水郡。二漢屬沛郡。高帝縣人起兵於此。號沛公。後破黥布還。置泗沛宮。後劉備屯小沛。袁術遣紀靈攻備。呂布來救之。卽此。晉屬沛國。隋屬彭城郡。唐屬徐州。漢廣戚縣屬沛。

郡。後漢、晉屬彭城。後廢入沛。

望蕭縣。故國。春秋時。楚子滅之。漢屬沛郡。後漢、晉屬沛國。北齊改爲承高。隋開皇六年。改爲龍城。十八年。改爲臨沛。大業初。復改曰蕭。屬彭城郡。唐屬徐州。漢扶陽縣。沛郡。後漢省之。故城在縣西北。

緊滕縣。故國。漢地理志云。周懿王子錯叔繡所封。而左傳云。郟雍曹滕文之昭也。恐地理志誤。戰國時。爲

齊所滅。漢封夏侯嬰爲滕公。後爲公丘縣。屬沛郡。後漢屬沛國。晉屬魯郡。後廢。公丘入蕃縣。蕃縣。二漢

屬魯國。晉屬魯郡。後置蕃郡。北齊郡廢。隋改蕃縣曰滕。屬彭城郡。唐屬徐州。薛縣。故國。奚仲所封。戰國

時屬齊。謂之徐州。秦屬薛郡。二漢屬魯國。晉屬魯郡。後廢。故城在今縣東。昌慮縣。故小邾國。漢屬東海

郡。後漢、晉因之。後廢。故城在今縣東南。

緊豐縣。秦泗水郡沛縣之豐邑。漢高帝生於此。後以爲縣。屬沛郡。後漢、晉屬沛國。隋屬彭城郡。唐屬徐州。

大澤在西。高帝斬白蛇於此。

東輔拱州。春秋屬宋。陳戰國屬楚。魏秦屬三川。碭郡。漢屬陳留。淮陽。梁國。後漢屬陳留。濟陰。陳。梁國。晉屬

陳留。濟陽。梁國。隋屬梁郡。淮陽。唐屬宋。陳。曹州。梁屬開封。宋州。後唐復屬宋。陳。曹州。晉。漢。周。皆屬開封。宋

州。皇朝屬開封。應天府。崇寧四年。建名輔州。以爲東輔。又改爲拱州。治襄邑縣。今縣六。

畿襄邑縣。本宋承匡襄陵鄉也。襄公所葬。故曰襄陵。秦始皇以承匡卑濕。乃徙縣於襄陵。謂之襄邑。漢。晉

屬陳留郡。北齊廢之。隋開皇十六年。復置屬梁郡。唐屬宋州。梁開平元年。屬開封府。後唐同光初。還屬

晉天福中。又屬開封。皇朝崇寧四年。立拱州。

畿考城縣。本子姓戴國。春秋宋人蔡人衛人伐戴。是也。秦謂之穀縣。楚漢兵起。邑多遇火。因名菑縣。漢屬梁國。後漢屬陳留郡。章帝東巡。詔改曰考城。取越乃光烈考武王之義也。後魏曰考陽。置北梁郡。北齊並廢之。以爲城安縣。隋開皇十八年。復改曰考城。屬梁郡。唐屬曹州。梁開平元年。屬開封府。皇朝崇寧四年。來屬漢薄縣。屬山陽郡。故城在東北。湯都亳。卽此。水經注言梁有二亳。南亳在穀熟。北亳在蒙。皆爲湯所都。學者多謂亳在河洛之間。以今偃師城二十里。尸鄉爲是。皇甫謐以爲孟子言湯居亳。與葛爲鄰。今寧陵。古葛國也。湯地七十里。葛又伯耳。封域有限。而寧陵去偃師八百里。安能使亳衆往爲之耕。而童子饋食哉。乃知梁之二亳。爲湯都密矣。

畿太康縣。本陽夏縣。漢屬淮陽國。後漢屬陳國。晉屬梁國。後置淮陽郡。隋開皇初。郡廢。七年。改陽夏曰太康。屬淮陽郡。唐屬陳州。梁開平元年。屬開封府。皇朝崇寧四年。來屬。有後漢扶樂縣故城在北。

畿寧陵縣。古葛伯國。書所謂湯征自葛。是也。戰國屬魏。爲信陵君無忌所封。漢屬陳留郡。晉屬梁國。北齊廢之。隋開皇十六年。復置。屬梁郡。唐屬宋州。皇朝屬應天府。崇寧四年。來屬。

畿楚丘縣。春秋戎州己氏之邑。蓋昆吾之後。別在夷狄者。周襄入居于此。漢爲己氏縣。屬梁國。後漢屬濟陰郡。晉屬濟陽郡。後魏置北譙郡。北齊並廢之。隋開皇四年。復置己氏縣。六年。故曰楚丘。屬梁郡。唐屬宋州。皇朝屬應天府。崇寧四年。來屬。水經云。昔衛文公徙居卽此。非也。按衛爲狄所滅。東徙渡河。野處

曹邑。文公徙居楚丘。曹邑在今滑之白馬。楚丘在今澶之衛南。二邑相近。且不出邦域之內。宜文公之所徙也。今拱州楚丘在戎州之邑。迫近宋都。春秋所謂戎伐凡伯于楚丘是也。非衛之所遷也。然則今縣有景山京岡。乃後人附會而名之耳。

畿柘城縣。二漢爲柘縣。屬淮陽國。其後廢焉。隋開皇十六年。置柘城縣。屬梁郡。唐屬宋州。皇朝屬應天府。崇寧四年。來屬。

都督興仁府。周武王封弟叔振鐸爲曹國。其後爲宋所滅。戰國屬魏。秦屬碭郡。漢立彭越爲梁王。都之。景帝中六年。別爲濟陰國。甘露二年。更名定陶。又改爲濟陰郡。後漢因之。晉爲濟陽郡。後魏置沛郡及西兗州。北齊郡廢。後周改西兗爲曹州。隋復爲濟陰郡。唐復爲曹州。晉號爲威信軍節度。漢罷之。周改彰信軍。皇朝建中靖國元年。改爲興仁軍。後升興仁府。大觀三年。升都督。今縣四。

望濟陰縣。本漢定陶縣地。汜水西分濟瀆。東北逕縣南。又東北入于河瀆。高帝既定天下。卽位於汜水之陽。取其汜愛洪大而潤下也。二漢置濟陰郡。晉爲濟陽郡。後魏分定陶置濟陰縣。及沛郡。北齊郡廢。屬濟陰郡。隋開皇六年。分濟陰置黃縣。十八年。改爲蒙澤。大業初。省入焉。唐爲曹州。正觀元年。省定陶入焉。

望冤亭縣。本曰冤句。二漢屬濟陰郡。晉屬濟陽郡。隋屬濟陰郡。唐屬曹州。皇朝大觀二年。改爲冤亭。有故袁棗城。史記蘇秦說魏襄王曰。大王之地。東有淮潁袁棗。是也。有漆園。莊周爲蒙漆園吏。則冤句亦蒙

縣地矣。

緊乘氏縣。春秋魯莊公敗宋師于乘丘。卽此。二漢屬濟陰郡。晉屬濟陽郡。隋屬濟陰郡。唐屬曹州。二漢句陽縣屬濟陰郡。左傳桓十二年。公及宋公盟于句瀆之丘。是也。晉屬濟陽郡。其後廢焉。故城在今縣西。上南華縣。本漢離狐縣。屬東郡。後漢屬濟陰。晉屬濟陽。後魏置北濟陰郡。北齊郡縣並廢。唐復置離狐縣。屬曹州。天寶元年。更名南華。有濮水。莊子釣於濮水。是也。

東平大都督府鄆州。春秋爲須句國。及屬魯。戰國屬宋。秦屬碭郡。漢屬東郡。東平國。後漢因之。晉爲東平國。及屬濟北。隋爲鄆州。及屬濟州。後爲東平郡。及屬濟北。唐爲鄆州。及屬濟州。後廢濟州入焉。皇朝大觀元年。升大都督府。今縣六。

望須城縣。故須句國。風姓。太昊之後。春秋邾人滅須句。須句子奔魯。魯伐邾。取須句。反其君焉。秦置須昌縣。須昌在須句城北。蓋須句子所遷也。漢屬東郡。後漢屬東平。晉爲東平治所。北齊郡廢。隋開皇十六年。改須昌爲宿城。而於宿城西北三十二里別置須昌。屬東平郡。唐屬鄆州。正觀八年。州自鄆城移治須昌。後唐避廟諱。改爲須城。宿故風姓國。太昊之後。春秋及宋人盟于宿。二漢爲無鹽縣。東平國治焉。晉屬東平。其後廢之。隋置宿城縣。屬東平。唐屬鄆州。正觀八年。省入須昌。景雲三年。復置宿城。正元四年。改曰東平。移於郭下。大和四年。改曰天平。六年。省入須昌。有郕鄉亭。魯大夫郕伯食邑也。望陽穀縣。春秋齊侯宋公江人黃人會于陽穀。杜預云。齊地在須昌北。隋開皇十六年。置陽穀縣。屬濟北。

郡。唐屬濟州。天寶十三載。州廢。來屬。有盧縣。本齊地。漢屬泰山郡。後漢屬濟北國。晉因之。後魏置濟州。隋大業初。置濟北郡。唐武德四年。復置濟州。天寶十三載。州廢。來屬。其後省焉。有碭城。爲濟州治所。宋寧朔將軍王玄謨前鋒入河平。碭守之。其城臨水。西南圯于河。今濟州徙置鉅野。而盧縣廢久。唯碭。碭津在陽穀境。則亦盧地矣。

緊中都縣。本古厥國。漢爲東平陸縣。屬東平國。後漢及晉皆因之。北齊改曰樂平。隋開皇十六年。改爲平陸縣。屬魯郡。唐屬兗州。天寶元年。更名中都。貞元十四年。來屬中都。魯邑。孔子之所宰也。

緊東阿縣。本齊之柯邑。春秋莊十三年。公會齊侯盟于柯。曹沫劫盟于此。二漢曰東阿。屬東郡。晉屬濟北國。隋屬濟北郡。唐屬濟州。天寶十三載。州廢。來屬。有阿井。歲常煮膠以貢天府。穀城。齊地也。春公莊公七年。夫人姜氏會齊侯于穀。三十二年。魯城小穀以爲管仲私邑。城中有管仲井。後漢置穀城縣。屬東郡。晉屬濟北國。其後廢。人東阿。故城在縣東。有穀城山。漢張良得穀城山下黃石。取而寶祠之。卽此。上壽張縣。本春秋之良邑。漢置壽良縣。屬東郡。後漢光武叔父名良。改爲壽張。屬東平國。晉因之。隋屬濟北郡。唐屬鄆州。有蚩尤祠。

上平陰縣。本齊地。春秋襄十八年。公會諸侯。同伐齊。齊侯禦諸平陰。漢晉爲盧縣地。隋開皇十四年。置榆山縣。屬濟北郡。大業初。改曰平陰。唐屬濟州。天寶十三載。州廢。來屬。漢肥城縣。故肥子國也。屬泰山郡。後漢省之。其後復焉。宋置濟北郡。後魏因之。北齊郡廢。後周置肥城郡。隋開皇初。郡廢。縣屬濟北郡。唐

省之故城在平陰東南。

上濟州春秋屬魯戰國屬宋秦爲碭郡二漢屬山陽郡東平國晉屬高平任城國隋屬東平濟陰魯郡唐屬鄆兗二州舊濟州治盧唐廢入鄆州其地於今在陽穀西北周別置濟州於鄆州之鉅野皇朝因之今縣四。

望鉅野縣二漢屬山陽郡晉屬高平國其後廢焉隋開皇十六年復置屬東平郡唐屬鄆州周廣順二年

置濟州禹貢大野澤在東北左傳襄十四年西狩於大野獲麟以爲不祥仲尼曰麟也然後取之

望任城縣故任國太昊氏之後漢屬東平國後漢置任城國晉因之後置高平郡隋開皇初郡廢縣屬魯

郡唐屬兗州周廣順二年來屬漢亢父縣屬東平國後漢屬任城國晉因之其後廢焉故城在今縣南

望金鄉縣漢昌邑縣地縣所治名金鄉山漢司隸校尉魯恭嘗於山北鑿石爲冢得白兔白蛇不葬更葬

山南鑿而得金故曰金鄉山後漢置縣屬山陽郡晉屬高平國隋屬濟陰郡唐屬兗州周廣順二年來

屬昌邑故屬梁漢景帝中六年別置山陽國武帝天漢四年更名昌邑以封子昌邑哀王其後國除復

爲山陽郡後漢因之兼爲兗州刺史治晉爲高平國其後廢入金鄉隋開皇十六年分置昌邑大業初

省入焉唐武德五年又分置昌邑八年又省入焉故城在縣西有東緡縣本宋邑春秋僖二十三年齊

侯伐宋圍緡是也二漢屬山陽郡後省入昌邑今併入金鄉

望鄆城縣大魯西邑左傳成十六年晉人執季文子于茗丘公還待于鄆漢晉皆爲廩丘縣地後周置清

澤縣及高平郡。隋開皇初郡廢。改縣曰萬安。十八年改曰鄆城。大業初置東平郡。唐爲鄆州。正觀八年州徙治於須昌。周廣順二年來屬。

上單州。春秋屬宋魯。戰國屬宋。秦置碭郡。漢屬山陽。梁國。後漢屬濟陰。梁國。晉屬濟陽。梁國。隋屬濟陰。梁郡。唐屬宋。曹。兗州。唐末以宋州之碭山。梁太祖鄉里也。爲置輝州。已而徙治單父。後唐滅梁。改爲單州。其屬縣置徙。傳記不同。今領單父。碭山。成武。魯臺。四縣。

望單父縣。本魯邑。宓子賤爲宰。彈琴不下堂而治者也。漢屬山陽郡。後漢屬濟陰郡。晉屬濟陽郡。後魏曰離狐。置北濟陰郡。北齊並廢之。隋開皇六年更置曰單父。屬濟陰郡。唐屬宋州。後屬輝州。光化三年自碭山徙輝州來治。後唐改爲單州。

碭山縣。碭。文石也。山出文石。故以名之。秦置碭縣及碭郡。漢高帝隱於芒碭山。澤間有雲氣。呂后與人俱求。常得之。高帝五年置梁國。後漢屬焉。晉省入下邑。後魏置曰安陽。隋開皇十八年改名碭山。屬梁郡。唐屬宋州。朱全忠先縣人也。光化二年表置輝州。三年徙治單父。後唐屬單州。

緊成武縣。漢屬山陽郡。後漢屬濟陰郡。晉屬濟陽郡。北齊置永昌郡。隋開皇初郡廢。十六年置戴州。大業初州廢。縣屬濟陰郡。唐屬曹州。光化二年屬輝州。後唐屬單州。

上魚臺縣。本魯之棠也。春秋隱五年公矢魚于棠。二漢爲方與縣。屬山陽郡。晉屬高平國。元魏屬高平郡。北齊廢之。隋開皇十六年復置。屬彭城郡。唐屬兗州。寶應元年更名魚臺。以城北有魯侯觀魚臺故也。

其後來屬漢胡陵縣。屬山陽郡。後漢章帝改爲胡陸。晉屬高平國。其後廢焉。故城在今縣東。

上濮州。春秋戰國時皆屬衛。秦屬東郡。二漢屬濟陰。東郡。晉屬濮陽。濟陽。東平國。隋屬東平。濟北郡。唐爲濮州。今縣四。

望鄆城縣。本衛地。春秋莊十四年。單伯會諸侯于鄆。二漢爲鄆城縣。屬濟陰郡。曹公爲兗州刺史。創業始

於此焉。晉屬濮陽國。後置濮陽郡。隋開皇初郡廢。十六年置濮州。大業初州廢。縣屬東平郡。唐爲濮州。

緊雷澤縣。本成國。周武王弟成叔武所封。其後遷于成之陽。故爲成陽縣。二漢屬濟陰郡。晉屬濟陽郡。北

齊廢之。隋開皇十六年復置。曰雷澤。屬東平郡。唐屬濮州。禹貢雷夏澤在西北。廩丘本齊邑。左傳襄二

十四年。齊烏餘以廩丘奔晉。漢屬東郡。後漢屬濟陰郡。晉屬濮陽國。隋大業初省焉。故城在縣北。

上臨濮縣。漢濮陽。成陽縣地。隋開皇十六年分雷澤置。大業初省入焉。唐武德四年復置。屬濮州。春秋宣

十一年。晉人宋人衛人曹人同盟于清丘。杜預注云。清丘。衛地。在濮陽縣東南。其地今入臨濮。

上范縣。二漢屬東郡。晉屬東平國。北齊廢之。隋開皇十六年復置。屬濟北郡。唐屬濮州。春秋晉大夫士會

之邑也。

同下州廣濟軍。自唐虞以下。地理與興仁府同。皇朝置廣濟軍。今縣一。

上定陶縣。故三閼國。周封曹叔振鐸於此。范蠡變姓名寓居於陶。曰陶朱公。秦相魏冉以陶益封焉。梁王

彭越都之。漢宣帝封子爲定陶恭王。後爲濟陰郡。晉爲濟陽郡。後魏屬西兗州。後周屬曹州。隋屬濟陰

郡。唐正觀元年。省定陶入濟陰縣。皇朝太平興國三年。以定陶鎮置廣濟軍。熙寧四年。軍廢。屬曹州。元祐元年。復置禹貢陶丘在西南。荷澤在東北。

輿地廣記卷第八

京西南路

望襄州。春秋已來楚地。秦南郡之北界。二漢屬南陽南郡。魏置襄陽郡。晉因之。兼置荊州。東晉置雍州。宋文帝割荊州置雍州。襄陽去江陵步道五百。勢同唇齒。無襄陽則江陵受敵。自東晉庾翼爲荊州刺史。將謀北伐。遂鎮襄陽。齊梁皆因之。後梁蕭詧都此。西魏改曰襄州。隋開皇初郡廢。大業初州廢。復置襄陽郡。唐武德四年曰襄州。天寶元年曰襄陽郡。後爲山南東道節度。今縣六。

緊襄陽縣。二漢屬南郡。劉表爲荊州牧。鎮此。魏屬襄陽。爲重鎮。蜀將關羽攻沒于禁等兵。勢甚盛。徐晃屯守不下。曹公謂晃曰。全襄陽子之功也。後孫權帥兵向西。時曹仁鎮之。司馬懿曰。襄陽水陸之衝。禦寇要地。不可失也。晉因之。兼爲荊州刺史治。羊祜杜預皆鎮焉。東晉僑置雍州。宋齊梁皆因之。郡亦自宜。城徙治焉。後梁蕭詧都此。而爲西魏附庸。後周置襄州。隋開皇初郡廢。大業初復置。唐爲襄州。有峴山。羊祜與鄒湛等嘗登之。今墮淚碑在焉。有鹿門山。龐德公隱居之所。有望楚山。古馬鞍山也。晉劉弘山簡九日宴遊於此。武陵王愛其峯秀。改曰望楚山。

望鄧城縣。故鄧國。二漢爲鄧縣。屬南陽郡。晉曰鄧城。屬襄陽郡。其後廢入樊城。樊周仲山甫所封也。東漢建安中。關羽圍于禁於樊。後置樊城縣。後周省入安養。隋屬襄陽郡。唐屬襄州。天寶元年改安養曰臨

漢正元二十一年移治古鄧城。復改曰鄧城。有樊城鎮。

緊穀城縣。故穀國。二漢爲筑陽縣。屬南陽郡。晉屬順陽郡。其後廢焉。孝武置義城縣及義城郡。後周郡廢。隋開皇十八年改縣曰穀城。屬襄陽郡。唐屬襄州。

中下宜城縣。故鄢。楚之別都也。秦爲南郡之北部。漢惠帝三年改曰宜城。屬南郡。建安十三年魏武平荊州。分置襄陽郡。晉因之。宋曰華山縣。置華山郡。後魏改爲宜城郡。分華山置率道縣。西魏改華山縣曰漢南。後周郡廢。隋屬襄陽郡。唐屬襄州。正觀八年省漢南入率道。天寶七載改率道曰宜城。有黎丘城。後漢初秦豐阻兵於黎丘。卽此都縣。故都國。春秋時自商密遷此。爲楚附庸。楚滅之。昭王畏吳。自鄢遷焉。後復還鄢。二漢及晉屬南郡。隋屬襄陽郡。唐改爲樂鄉。武德四年置郟州。正觀八年州廢。屬襄州。周省入宜城。

中下中廬縣。故廬戎國。二漢爲中廬縣。屬南郡。晉屬襄陽。其後廢焉。梁置穰縣。西魏改爲義清。屬歸義郡。後周廢。隋屬襄陽郡。唐屬襄州。皇朝太平興國元年復改爲中廬。

中下南漳縣。本漢臨沮縣。屬南郡。晉屬襄陽郡。其後廢焉。西魏置重陽縣。後周改曰思安。隋開皇十八年改曰南漳。屬襄陽郡。唐屬襄州。武德二年析南漳置荆山。正觀八年省南漳入義清。開元十八年徙荆山于故南漳。禹貢荆山在東北。荆豫二州於是分境。楚卞和得玉之處。

上鄧州。本夏禹之國。春秋時中鄧二國之地。戰國屬韓。自後屬楚。秦置南陽郡。二漢因之。晉屬南陽國。及

順陽義陽二國之境。宋齊爲南陽郡。後魏兼置荊州。西魏爲重鎮。隋開皇初。改爲鄧州。大業初。州廢。復置南陽郡。唐武德二年。曰鄧州。天寶元年。曰南陽郡。梁升爲宣化軍節度。後唐改曰威勝。周改曰武勝。今縣五。

上穰縣。本楚別邑。秦取之。以封魏冉爲穰侯。後屬南陽郡。二漢因之。晉屬義陽郡。後魏爲南陽郡治。及荊州刺史治焉。隋開皇初。改爲鄧州。後爲南陽郡。唐復爲鄧州。二漢朝陽縣。屬南陽郡。晉屬義陽郡。其後廢焉。故城在今縣東南。二漢新野縣。屬南陽郡。晉置義陽郡。後曰棘陽。置新野郡。後周郡廢。隋開皇初。復改縣曰新野。屬南陽郡。唐乾元元年。省入穰。漢冠軍縣。本穰盧陽鄉。武帝以封霍去病。去病仍出征匈奴。功冠諸軍。故曰冠軍。屬南陽郡。後晉隋皆因之。唐正觀元年。省入臨瀨。漢涅陽縣。屬南陽郡。後漢及晉皆因之。隋開皇初。改曰課陽。唐正觀元年。省入穰。故臨瀨縣。本漢冠軍縣之北境。魏置新城縣。西魏改爲臨瀨。隋開皇初。復名新城。屬南陽郡。唐屬鄧州。天寶元年。復名臨瀨。漢改曰臨瀨。皇朝建隆初。省入穰。

中下南陽縣。故中國。戰國時。秦昭王以爲宛縣。置南陽郡。漢因之。王莽以宛爲南陽。後漢復爲宛。晉如之。後魏置上陌縣。後周併宛入焉。更名上宛。隋開皇初。改爲南陽郡。唐屬鄧州。博望鎮。漢博望縣也。武帝置以封張騫。屬南陽郡。後漢及晉皆因之。其後廢焉。安衆鎮。二漢安衆縣也。屬南陽郡。晉省之。漢杜衍縣。屬南陽郡。後漢省之。故城在今縣西。二漢育陽縣。屬南陽郡。晉因之。其後廢焉。故城在今縣南。漢雒

縣屬南陽郡。東漢及晉皆因之。元魏曰北雒。後省。卽陳倉人所逐二童子名寶鷄者。雒止陳倉爲石。雒止此縣。故名之。漢西鄂縣。屬南陽郡。東漢及晉皆因之。元魏省入北雒。西魏向城縣及雒陽郡。隋開皇初郡廢。屬清陽郡。唐屬鄆州。後省入南陽。

中下內鄉縣。本楚之白羽邑。春秋昭十八年。許遷于白羽。後改爲析。漢屬弘農郡。後漢屬南陽郡。晉屬順陽郡。後曰西浙。置浙陽郡。後周改縣曰中鄉。省浙川入焉。隋改中鄉曰內鄉。屬浙陽郡。唐屬鄆州。菊潭鎮。本漢酈縣。屬南陽郡。後漢及晉皆因之。隋開皇初。改爲菊潭縣。北有菊水。其旁悉生甘菊。水極甘馨。中有三十家不復穿井。仰飲此水。上壽至百二三十。唐屬鄆州。周省之。丹水鎮。漢丹水縣也。屬弘農郡。後漢屬南陽郡。晉屬順陽郡。後置丹川郡。後周郡廢。隋屬浙陽郡。其後廢焉。東有於村。張儀說楚絕齊。許以商於之地六百里。卽此。

中下浙川縣。本後漢南鄉縣。魏置南鄉郡。晉改爲順陽郡。後魏復爲南鄉郡。又分置浙川縣。後周省之。隋開皇初。郡廢。大業初。置浙陽郡。其後浙陽及南鄉縣皆廢焉。五代時。復置浙川縣。屬鄆州。

中下順陽縣。漢屬南陽郡。哀帝改爲博山。晉屬順陽郡。西魏析置鄭縣。尋改爲清鄉。後周省順陽入焉。隋開皇初。復改爲順陽。其後省入內鄉。爲鎮。皇朝太平興國六年。升爲縣。

上隨州。春秋隨國。戰國屬楚。秦屬南陽郡。二漢因之。晉屬義陽郡。惠帝置隨郡。宋齊因之。西魏置并州。後改曰隨州。隋開皇初。郡廢。大業初。州廢。置漢東郡。唐武德三年。曰隨州。天寶三年。曰漢東郡。皇朝乾德五

年升崇義軍節度太平興國元年改崇信軍今縣三

上隨縣故隨國左傳所謂漢東之國隨爲大者也其後楚滅之以爲縣二漢屬南陽郡晉屬義陽郡惠帝置隨郡宋齊因之西魏置隨州隋置漢東郡唐復爲隨州光化鎮本隨縣地南齊分置安化縣西魏改爲新化後周改爲光化隋屬漢東郡唐屬隨州皇朝熙寧元年省焉有斷蛇丘隋侯出而見大蛇中斷因舉而藥之後蛇御明珠報德故名

中下唐城縣故唐國屬楚漢爲上唐鄉屬舂陵縣晉屬安昌縣後置上唐縣後魏曰厥西置義陽郡西魏改縣曰下澆隋開皇初郡廢十六年改縣曰唐城屬漢東郡其後省入棗陽唐開元二十六年復置屬隨州梁改爲漢東後唐復故晉又改爲漢東漢又復故

中下棗陽縣本二漢蔡陽縣屬南陽郡晉屬義陽郡後廢焉置廣昌縣及廣昌郡後魏置南荊州西魏改曰昌州隋開皇初郡廢仁壽元年避太子名改廣昌縣曰棗陽大業初州廢置舂陵郡唐武德初郡廢五年改昌州爲唐州九年州徙治北陽正觀十年以棗陽來屬漢舂陵縣本蔡陽之白水鄉元朔五年以零陵冷道之舂陵鄉封長沙王子買爲舂陵侯至戴侯仁以舂陵地形下濕上書請徙南陽元帝許之以蔡陽白水鄉徙仁爲舂陵侯光武其後也故張衡賦云龍飛白水晉改爲安昌縣後復曰舂陵置安昌郡隋開皇初郡廢屬昌州大業初屬舂陵郡後省之故城在今縣東後漢襄鄉縣屬南陽郡後廢焉故城在今縣東北

上金州。春秋戰國皆屬楚。秦及二漢屬漢中郡。魏以漢中遣人在東陲者置魏興郡。晉宋齊皆因之。梁兼置南梁州。西魏改曰東梁州。以其地出金。又改爲金州。置金城郡。隋開皇初郡廢。大業三年州廢。置西城郡。唐武德元年曰金州。天寶元年曰安康郡。至德二載改曰漢陰郡。後復曰安康。石景升懷德軍。尋罷。皇朝乾德五年升昭化軍。今縣五。

下西城縣。本媯墟。舜常居之。二漢屬漢中郡。建安中置西城郡。劉備以申儀爲太守。儀據郡降魏。魏文帝改爲魏興郡。晉因之。後周省人吉安。隋大業三年改縣曰金川。復置西城郡。義寧二年縣復曰西城。唐爲金州。有伏羲山。

下平利縣。漢長利縣。屬漢中郡。東漢省之。晉復置。屬魏興郡。宋改爲錫縣。後廢。梁初置上廉縣。後改曰吉陽。西魏改曰吉安。後廢。唐武德元年置平利縣。大曆六年省。長慶初復置。皇朝熙寧六年省。元祐二年復置。有女媯山。

中洵陽縣。北山洵水所出。南入沔。故以名縣。漢屬漢中郡。後漢省之。晉復置。屬魏興郡。後置洵陽郡。隋開皇初郡廢。屬西城郡。唐屬金州。清陽鎮。本西魏清陽郡。後周郡廢。置黃土縣。隋屬西城郡。唐屬金州。天寶元年更名清陽。皇朝乾德四年省入洵陽。

中下漢陰縣。本漢安陽縣。屬漢中郡。東漢因之。晉改爲安康。屬魏興郡。後改曰寧都。南齊置安康。屬西城郡。唐屬金州。至德二載以安祿山姓改爲漢陰縣。

下石泉縣。南齊曰永樂縣。置晉昌郡。西魏改郡曰魏昌。改縣曰石泉。後周郡廢。隋屬西城郡。唐屬全州。
下房州。春秋時爲麋庸二國。戰國屬楚。秦二漢屬漢中郡。魏置新城郡。晉宋齊梁因之。西魏置光遷國。後
周國廢爲郡。隋開皇初郡廢。大業初改州爲房州。州廢。置房陵郡。唐武德元年曰遷州。正觀十年州廢。自
竹山徙房州。治此。天寶元年曰房陵郡。皇朝雍正三年升保康軍節度。今縣二。
上房陵縣。秦徙趙王。遷於房陵。卽此。二漢屬漢中郡。魏置新城郡。以孟達爲太守。達叛附蜀。司馬宣王討
平之。西魏置光遷國。後周郡縣並改爲光遷。隋置房陵郡。唐正觀十年改縣曰房陵。爲房州治焉。武后
廢中宗爲廬陵王。遷之於此。故永清縣。本房陵縣地。後魏分置大洪縣。後周改焉。隋屬房陵郡。唐屬房
州。皇朝開寶中省。

下竹山縣。故唐國。嘗從周武王伐紂。牧誓所謂庸蜀羌髳。二漢爲上庸縣。屬漢中郡。魏分置上庸郡。晉宋
因之。後廢。梁置安城縣。西魏改爲竹山。置羅州。隋開皇初改爲房州。大業初州廢。屬房陵郡。唐武德元
年置房州。正觀十年徙治房陵。故上庸縣。亦漢上庸縣地。梁置新豐縣。西魏改爲上庸。後周改曰孔陽。
隋開皇十八年復曰上庸。屬房陵郡。唐屬房州。皇朝開寶中省。有白馬塞山。孟達嘗登之。嘆曰。此金城
千里。

上均州。春秋時屬麋。戰國屬韓。二漢屬南陽。漢中二郡。魏屬南鄉郡。晉屬順陽郡。宋置始平郡。後置武當
郡。齊於此僑立始平郡。尋改爲齊興郡。梁兼置興州。後周改曰豐州。隋開皇初郡廢。改州爲均州。大業初

州廢。屬浙陽郡。唐武德元年置均州。天寶元年曰武當郡。今縣二。

上武當縣。二漢屬南陽郡。魏屬南鄉郡。晉屬順陽郡。後置武當郡。隋開皇初郡廢。置均州。大業初州廢。屬浙陽郡。唐復置均州。有古塞城在縣北。戰國時楚築以備秦。所據之山高峻嶮峭。今名大塞山。有武當山。

上郢鄉縣。本漢錫縣地。屬漢中郡。魏屬魏興郡。晉太康三年置郢鄉縣。宋因之。隋屬浙陽郡。唐屬均州。有錫穴。左傳文十一年楚潘崇伐麋。至于錫穴。是也。豐州縣。本漢長利縣地。屬漢中郡。梁置南上洛郡。西魏改郡曰豐利。而分錫置豐利縣。後周郡廢。隋以縣屬西城郡。唐屬均州。皇朝乾德六年省入郢鄉。

上郢州。春秋戰國皆屬楚。秦屬南郡。二漢屬江夏郡。晉宋爲竟陵郡。梁屬南司。北新二州。西魏屬安州。後周置石城郡。兼置郢州。隋開皇初郡廢。大業初州廢。置竟陵郡。唐武德四年曰郢州。正觀元年州廢。隸郢州。十七年復置。天寶元年曰富水郡。今縣二。

上長壽縣。本漢竟陵縣地。晉羊祜鎮荊州。立石城。因山爲固。惠帝元康九年分江夏西部置竟陵。治此。宋太始六年置長壽縣。後周置石城郡。隋大業初置竟陵郡。唐爲郢州。

下京山縣。晉置新陽縣。梁置新州。梁寧郡。西魏改縣爲角陵。隋開皇初郡廢。大業初州廢。改角陵曰京山。屬安陸郡。唐武德四年置温州。正觀十七年州廢。屬郢州。富水鎮。本後漢南新市縣地。屬江夏郡。晉因之。西魏改爲富水。置富人郡。隋開皇初郡廢。屬安陸郡。唐屬温州。正觀十七年來屬。

上唐州。春秋時屬楚。戰國屬韓。秦屬南陽郡。二漢及晉皆因之。後魏置東荊州。西魏改爲淮州。爲重鎮。置兵以備東魏。隋開皇五年改爲顯州。州廢。置淮安郡。唐武德四年曰顯州。正觀十年改爲唐州。天寶元年曰淮安郡。今縣五。

中下泌陽縣。漢湖陽、舞陰、平氏縣地。屬南陽郡。後魏置石馬縣。後語訛爲上馬。隋屬舂陵郡。唐屬唐州。正觀元年省入湖陽。開元十五年復置。天寶元年改爲泌陽。天祐二年州自比陽徙治於此。改爲泌州。後復故平氏鎮。本漢平義縣。晉爲西平氏。屬義陽郡。後置漢廣郡。隋開皇初郡廢。以平氏屬淮安郡。唐屬唐州。皇朝開寶五年省入泌陽。有泌水在縣南。卽後漢光武初起兵破王莽將甄阜、梁丘賜死處。

中下湖陽縣。故蓼國。二漢屬南陽郡。晉省入棘陽。後魏復焉。置西淮安郡及南襄州。後郡廢。改州爲南平州。西魏改曰昇州。後又改曰湖州。後周改置昇州郡。隋開皇初郡廢。仁壽初改曰昇州。大業初州廢。以湖陽屬舂陵郡。唐屬唐州。棘陽。故謝國。詩所謂申伯番番。旣入于謝者也。二漢爲棘陽縣。屬南陽郡。晉屬義陽郡。其後省焉。故城在今縣西北。

中下比陽縣。漢屬南陽郡。後漢及晉皆因之。後魏曰陽平。置東荊州。西魏改爲淮州。隋開皇五年又改爲顯州。七年改陽平縣爲饒良。大業初又改曰比陽。置淮安郡。唐屬唐州。方城。山自比陽相比連百里。號曰方城。亦曰長城。馬仁陂。在縣北。溉田萬頃。

下桐柏縣。漢平氏縣地。屬南陽郡。梁置淮安縣及華州。上川郡。西魏改州爲淮州。後改曰純州。尋廢。隋開

皇初郡廢更名縣曰桐柏屬顯州後屬淮陽郡唐屬唐州禹貢桐柏山淮水所出縣因山爲名

下方城縣本漢堵陽蒗縣地屬南陽郡後漢及晉皆因之其後廢焉西魏置方城縣及襄邑郡隋開皇初郡廢屬清陽郡唐屬唐州有方城山左傳所謂楚國方城以爲城者也水經注云方城邑西有黃城山是長沮桀溺耦耕之所有水出黃城山東流注濩水則子路問津處

同下州光化軍春秋戰國皆屬楚二漢屬南陽郡晉宋屬順陽郡西魏置鄴城郡後周郡廢隋屬襄陽郡唐屬襄州皇朝置光化軍今縣一

乾德縣本楚地陰國所遷卽春秋左傳云遷陰于下陰者也二漢爲陰縣屬南陽郡西魏置鄴城郡後周郡廢屬襄州隋曰陰城屬襄陽郡唐正觀八年省人穀城縣屬襄州皇朝乾德三年以陰城鎮置光化軍及置乾德縣熙寧五年廢軍改乾德爲光化縣屬襄州後復置漢鄴縣蕭何所封屬南陽郡後漢因之晉置順陽郡初治鄴焉西魏置鄴城郡後周廢入陰城故城在今縣東北

輿地廣記卷第九

京西北路

南輔潁昌府。春秋許國。戰國屬韓。秦置潁川郡。漢高帝爲韓國。尋復故。後漢因之。獻帝暫都之。魏晉並爲潁川郡。後魏亦同。西魏初得之。後入東魏。改曰鄭州。後周曰許州。隋開皇初。郡廢。大業初。州廢。復置潁川郡。唐武德四年。曰許州。天寶元年。曰潁川郡。後升忠武軍節度。梁改爲匡國軍。唐滅梁。復曰忠武。皇朝元豐三年。升潁昌府。崇寧四年。建爲南輔。今縣七。

次赤長社縣。本鄭長葛邑。其社中木暴長。因名長社。二漢及晉屬潁川郡。後魏爲郡治焉。酈道元爲郡守。於南城西側。修立客館。土下得一木根。甚壯大。疑是故社。惟長暴茂者也。隋開皇初。改爲潁川縣。唐武德四年。復爲長社。屬許州。許田鎮。本許國。二漢爲縣。屬潁川郡。獻帝都之。魏文帝改曰許昌。故城在今鎮南三十里。晉爲郡治焉。隋屬潁川郡。唐屬許州。後唐避諱。改曰許田。皇朝熙寧四年。省入長社。

次畿鄆城縣。戰國時爲魏邑。史記楚昭陽伐魏。取鄆。是也。二漢及晉屬潁川郡。其後廢焉。隋開皇初。置鄆城縣。屬潁川。唐始屬蔡州。長慶元年。屬許州。有漢召陵縣故城在東。春秋齊桓公伐楚。次于召陵。是也。後漢征羌縣故城在東南。

次畿陽翟縣。本夏禹之別都。後爲鄭櫟邑。戰國韓景侯自新鄭徙都此。秦置潁川郡。二漢因之。晉屬河南

郡東魏置陽翟郡。隋開皇初郡廢。屬襄城郡。唐始屬河南府。會昌三年屬許州。有鈞臺在南。左傳所謂夏后有鈞臺之饗。卽此。

次畿長葛縣。本漢許縣地。隋開皇六年分許昌置。取長葛舊名。屬潁川郡。唐屬許州。

次畿臨潁縣。漢舊縣。屬潁川郡。東漢至隋皆因之。唐屬許州。繁城鎮。本漢潁陰縣之繁陽亭。魏文帝受禪於此。置繁昌縣。帝旣受禪。自壇而降。曰舜禹之事。吾知之矣。壇前有二碑。後其碑六字生金。論者以爲司馬金行。故曹氏六世遷魏。西事晉。晉屬襄城郡。隋屬潁川郡。唐正觀元年省入臨潁。後唐避諱改爲繁城。

次畿舞陽縣。漢樊噲所封。二漢屬潁川郡。晉屬襄城郡。後改爲北舞。置定陵郡。隋開皇初郡廢。屬潁川。唐正觀元年屬許州。尋廢。開元四年復置。更名舞陽。有漢定陵縣故城。

中郊縣。春秋時爲楚邊邑。令尹子瑕城之。是也。漢屬潁川郡。後漢省之。魏復置。青龍元年有龍見于郊之摩陂。明帝幸陂觀龍。於是改摩陂曰龍陂。城曰龍城。晉屬襄城郡。其後廢之。置龍山縣。隋開皇初改曰汝南。十八年改曰輔城。大業初改曰郊城。屬襄城郡。唐屬汝州。皇朝崇寧四年來屬。

西輔鄭州。高辛氏火正祝融之墟。周武王封管叔鮮。及爲號郟之國。鄭武公與平王東遷。武公滅二國而徙都焉。後鄭爲韓所滅。韓又徙都之。秦屬三川郡。二漢及魏屬河南郡。晉置滎陽郡。後魏爲東恒農郡。東魏置廣武郡。後周置鄭州。隋開皇十六年曰管州。煬帝初復爲鄭州。尋廢。置滎陽郡。唐正觀元年州廢。自

武牢移鄭州治此。天寶元年，曰滎陽郡。皇朝景祐元年，號奉寧軍節度。崇寧四年，建爲西輔。今縣六望管城縣。故管國。周武王弟叔鮮所封。春秋，晉師救鄭，楚子次于管以待之。卽此。漢晉爲京縣地。隋開皇十六年，析內牟以置管城，屬滎陽郡。十八年，改內牟曰圃田，省人管城。唐正觀七年，自武牢移鄭州治此。東有圃田，爲豫州數行郟城，爲縣南。左傳晉楚戰處。

緊滎陽縣。故號國。所謂東號也。二漢屬河南郡。晉泰始二年，置滎陽郡。後魏因之。北齊改曰成臯郡。隋開皇初，郡廢屬鄭州。唐因之。有鴻溝在西。楚漢中分天下處。漢京縣故城在東。古鄭邑也。莊公弟叔段居之。謂之京城太叔。二漢屬河南郡。晉及後魏屬滎陽郡。北齊省人焉。又有索水。楚漢戰京索間。卽此。上新鄭縣。古有熊國。黃帝所都也。亦爲高辛氏火正祝融之墟。其後世爲郟國。亦作檜。詩之國風所謂檜。羔裘者也。鄭桓公始封在今華州之鄭。其子武公與平王東遷，乃取郟而徙居焉。是爲新鄭。戰國時鄭滅於韓。韓哀侯自平陽徙都之。二漢屬河南郡。晉以後不置。隋開皇十六年，復之。屬滎陽郡。大業初，省瓷陵縣入焉。唐屬鄭州。有溱洧二水。

中原武縣。二漢屬河南郡。晉以後不置。隋開皇十六年，復之。屬滎陽郡。唐屬鄭州。漢卷縣故城在東。中滎澤縣。禹貢所謂濟水溢爲滎者也。杜佑云：今濟水不復入滎。漢晉後魏爲滎陽縣地。隋開皇四年，置廣武縣。仁壽元年，更名滎澤。屬滎陽郡。唐屬鄭州。有廣武山。上有東西二城。中有絕澗。漢高帝項羽相與臨廣武之間而語。卽此。有敖山。商王仲丁自亳遷此。周宣王常狩其地。故詩言搏獸于敖。秦於此置

倉。所謂敖倉也。故王宮城在今縣西北。左傳作王宮於踐土。卽此。今故城內東北隅有踐土臺。是也。畿密縣。本鄭邑。春秋諸侯伐鄭。圍新密。二漢屬河南郡。晉屬滎陽郡。唐屬河南府。皇朝因之。崇寧四年。來屬。

輔滑州。古豕韋氏之國。春秋時屬衛。戰國時亦屬衛。其西境屬魏。秦屬東郡。二漢因之。晉爲陳留。濮陽二國。宋武帝平河南。置兗州。以爲邊鎮。後魏置東郡。隋置杞州。後爲滑州。又改爲兗州。後復爲東郡。唐復爲滑州。天寶元年。更名靈昌郡。大曆七年。升義成軍節度。後避梁王父諱。改曰宣義軍。後唐復故。而改靈昌曰靈河。皇朝太平興國四年。改武成軍。今縣三。

中白馬縣。本衛國曹邑。左傳閔二年。狄滅衛。立戴公。以廬于曹。卽此。二漢爲白馬縣。屬東郡。袁紹遣顏良攻東郡太守劉延於白馬。關羽爲曹公斬良以報焉。晉屬濮陽國。宋置兗州。後魏置東郡。隋開皇初。郡廢。置杞州。十六年。改爲滑州。大業二年。改爲兗州。後復爲東郡。唐又爲滑州。有黎陽津。一曰白馬津。酈生云。守白馬之津。是也。有靈河津。晉時石勒襲劉耀。途出於此。以河冰泮爲神靈之助。故號爲靈昌津。後唐改爲靈河津。靈河鎮。漢南燕縣地。隋開皇十六年。置靈昌縣。以津爲名。屬東郡。唐屬滑州。後唐改爲靈河縣。皇朝治平三年。省入白馬。有滑臺。本鄭之廩延邑。其城甚固。

望韋城縣。故豕韋氏國。商時爲伯焉。韋賢詩曰。肅肅我祖國。自豕韋是也。二漢爲白馬縣地。屬東郡。晉屬濮陽國。隋開皇六年。置韋城縣。屬東郡。唐屬滑州。

緊胙城縣。故南燕國。二漢爲南燕縣。屬東郡。晉省之。其後復置。曰東燕。隋開皇十八年。改曰胙城。屬東郡。唐屬滑州。胙城。周公諸子所封。左傳。富辰曰。凡蔣。邢。茅。胙。祭。周公之嗣也。杜預注。東郡燕縣西南有胙亭。而晉史地理志無此郡縣。豈永嘉喪亂。簡編失亡故耶。

望孟州。春秋。戰國。皆屬周。自漢晉至隋。皆屬河內郡。唐顯慶二年。割屬河南府。建中二年。乃以河南之河陽。河清。濟源。溫。四縣租稅入河陽三城使。又以汜水軍賦益之。會昌三年。遂以此五縣爲孟州。今縣六。望河陽縣。古孟津也。周武王伐紂。師度孟津。卽此。亦曰富平津。魏尙書杜君畿試船沉溺之所。浮橋卽晉杜預所立。自漢至隋。屬河內郡。唐屬河南府。置河陽三城使。後置孟州。今縣西南十三里有遮馬堤。舊爲河陰縣。地後魏爾朱榮害朝士千三百餘人於此。

望溫縣。本周畿內國。司寇蘇忿生所封也。春秋僖十年。狄滅溫。蘇子奔衛。於是襄王以賜晉文公。二漢屬河內郡。晉因之。其後廢焉。隋開皇十六年。復置屬河內郡。唐武德四年。屬懷州。顯慶二年。屬洛州。後屬孟州。

望濟源縣。周大夫蘇生之原邑。周襄王以賜晉文公。文公伐原以示信。二漢爲軹縣。地。晉爲沁水縣。地。俗以濟水重源所發。因謂之濟源城。隋開皇十六年。置濟源縣。屬河內郡。唐武德四年。屬懷州。顯慶二年。屬洛州。後屬孟州。漢軹縣。屬河內郡。後漢及晉皆因之。隋大業初。省入河內。後復置。唐正觀元年。省入濟源。故城在縣東南。有溴水。春秋襄十六年。公會諸侯于溴梁。卽此。

上汜水縣。本東魏國。鄭滅之。爲制邑。所謂制巖邑。卽此。有故虎牢城。周穆王獵於鄭圃。獲虎。命畜之。因名曰虎牢。二漢爲成臯縣。屬河南郡。晉因之。宋時。毛德祖戍虎牢。後魏晝夜攻圍。二百日。乃克。後魏置東中府。東魏置北豫州。後周置滎州。隋開皇初。曰鄭州。十八年。改成臯縣。曰汜水。大業初。置虎牢都尉府。屬滎陽郡。唐屬鄭州。顯慶二年。屬洛州。垂拱四年。曰廣武。神龍元年。復故。後屬孟州。有汜水關。皇朝大中祥符中。改爲行慶關。東南有成臯故關。西南有旋門故關。

中河陰縣。漢成臯。滎陽懷縣地。唐開元二十九年。割汜水。滎澤。武陟。三縣置。以便漣漕。屬河南府。領河陰倉。汴渠在縣南二百五十步。卽古萇蕩渠。今名通濟渠。首受黃河。後屬孟州。有三皇山。亦曰穀鄙山。山上有三城。卽劉項相持處。

中王屋縣。古召公之邑。漢垣縣。濩澤地。屬河東郡。晉屬河東。平陽郡。後魏置長平縣。後周改曰王屋。又置懷州。及平齊州。廢置王屋郡。隋開皇初。郡廢。屬河內郡。唐武德元年。更名邵伯。屬邵州。正觀元年。屬懷州。顯慶二年。復故名。屬洛州。皇朝慶曆三年。來屬。有禹貢王屋山。沆水所出。

緊蔡州。春秋時。屬沈蔡。戰國屬楚魏。秦屬潁川郡。漢置汝南郡。後漢及魏。晉皆因之。宋及後魏兼置豫州。以爲重鎮。東魏置行臺。後周置總管府。後改曰舒州。尋復曰豫州。後改曰蔡州。隋開皇初。郡廢。大業初。州廢。復置汝南郡。唐武德三年。曰豫州。天寶元年。曰汝南郡。寶應元年。改曰蔡州。皇朝景祐二年。升淮康軍節度。今縣十。

上汝陽縣。漢平輿、宜春、安城縣地。屬汝南郡。後漢及晉皆因之。後魏曰上蔡。置汝南郡。城之西北。汝水枝別左出而北流。又屈而東轉。又西南會汝。若垂瓠。故謂之懸瓠城。宋元嘉二十七年。後魏太武攻懸瓠。汝南太守陳憲拒守。四十餘日不拔。隋開皇初。郡廢。大業初。復置縣。曰汝陽。唐爲蔡州。漢有汝陽縣。在西華南頓之間。非今縣也。漢宜春縣。屬汝南郡。後漢曰北宜春。晉因之。後廢焉。故城在今縣西南。漢平輿縣。故沈國。漢高帝四年。置汝南郡。後漢因之。晉屬汝南郡。後徙焉。故城在今縣東。漢安城縣。屬汝南郡。後漢及晉皆因之。後廢焉。故城在今縣東南。

上上蔡縣。故蔡國。蔡叔始封地。秦爲上蔡縣。李斯。其邑人也。漢屬汝南郡。後漢及晉皆因之。後魏改爲臨汝。北齊廢之。隋開皇中。置曰武津。大業初。復改爲上蔡。屬汝南郡。唐屬蔡州。

中新蔡縣。古呂國。春秋時。蔡平侯自上蔡遷此。故曰新蔡。二漢屬汝南郡。魏晉屬汝陰郡。南齊置北新蔡郡。後魏曰新蔡郡。北齊曰廣寧郡。隋開皇初。郡廢。十六年。置廣寧縣。仁壽元年。改曰汝北。大業初。改曰新蔡。屬汝南郡。唐屬蔡州。漢鮑陽縣。屬汝南郡。後漢因之。晉屬汝陰郡。北齊廢之。隋開皇十一年。復置。屬淮陽郡。後廢焉。故城在今縣北。有葛陂。

中褒信縣。後漢舊縣。屬汝南郡。魏晉屬汝陰郡。宋改曰包信。隋大業初。復故名。屬汝南郡。唐屬蔡州。西南有白亭。楚王孫勝爲白公。卽此。

中平輿縣。漢舊縣。後廢。隋大業初。改新蔡爲平輿。屬汝南郡。唐屬蔡州。有葛陂。水經云。億水左迤爲葛陂。

方數十里。水物含靈。多所包育。後漢費長房投竹化成龍處。

中遂平縣。故房子國。國語所謂周昭王娶于房。曰房后。是也。楚靈王遷房於楚。而有其地。後以封吳王之弟夫槩。爲堂谿氏。故曰吳房。漢屬汝南郡。後漢及晉皆因之。後曰遂寧。隋大業初。改曰吳房。屬汝南郡。唐屬蔡州。元和十二年。平吳元濟。更名遂平。

中新息縣。故息國。二漢屬汝南郡。晉爲郡治焉。後魏置東豫州。梁曰西豫州。又改曰淮州。東魏復曰東豫州。後周曰息州。隋大業初。州廢。屬汝南郡。唐屬蔡州。漢安陽縣。故江國也。二漢及晉皆屬汝南郡。後廢焉。故城在今縣西。

中確山縣。本漢安昌縣。屬汝南郡。後漢省之。其後復置。隋開皇十八年。改爲朗山。屬汝南郡。唐屬蔡州。皇朝大中祥符五年。改爲確山。漢朗陵縣。屬汝南郡。後漢及晉皆因之。後廢焉。故城在今縣西南。有道城。故道國。左傳曰。江黃道柏。皆弦姻也。在漢爲陽安縣。後漢及晉皆因之。後廢焉。

中眞陽縣。本漢慎陽縣。屬汝南郡。慎字本作眞。音眞。永平五年。失印更刻。遂誤以水爲心也。後漢及晉皆因之。後魏置郢州。東魏廢州。置義陽郡。北齊廢郡。入保城縣。隋開皇十一年。廢保城。十六年。置眞丘縣。大業初。改曰眞陽。屬汝南郡。唐屬蔡州。漢新陽縣。屬汝南郡。後漢因之。晉省焉。故城在今縣西南。

中西平縣。故柏子國。漢舊縣。屬汝南郡。後漢及晉皆因之。後魏置襄城郡。北齊改曰文城郡。隋開皇初。廢。屬汝南郡。唐屬蔡州。

上陳州包犧氏都曰太昊之墟周封舜後媯滿於此以備三恪爲陳國楚滅爲縣楚頃襄王自郢徙郡此兼爲魏境秦屬潁川郡二漢屬淮陽國汝南郡後漢因之晉屬梁國汝南郡後魏置陳郡及北揚州北齊改爲信州隋爲陳州後置淮陽郡唐爲陳州晉開運二年置鎮安軍節度漢初軍廢周廣順二年復之今縣五

緊宛丘縣周時陳都楚頃襄王滅之自郢徙都焉陳勝反秦據陳自立爲張楚漢高帝置淮陽國章和二年改爲陳國晉併入梁國後魏曰項置陳郡隋開皇初改縣曰宛丘而郡廢焉大業初爲淮陽郡唐爲陳州爾雅曰丘上有丘曰宛丘今其地形則然有古固陵城項羽南走固陵卽此

上項城縣本項國戰國屬楚項羽世家世楚將封於項故姓項氏二漢屬汝南郡晉屬梁國後魏置楊州及秣陵縣梁改曰殷州東魏改曰北楊州後齊改曰信州後周改曰陳州隋開皇初改秣陵爲項城縣大業初州廢屬淮陽郡唐屬陳州

中商水縣本漢汝陽縣地屬汝南郡後漢及晉皆因之後魏置汝陽郡北齊郡廢隋開皇十六年置潁水縣大業初省汝陽入焉屬淮陽郡唐屬陳州皇朝建隆元年改爲商水漢地理志汝南有潁彊縣水經注云潁水出潁川陽城縣少室山東逕潁彊縣故城南又東逕西華縣故城南又東逕汝陽故城北東注于潁

中南頓縣故頓子國應劭曰頓迫於陳其後南徙故曰南頓二漢及晉屬汝南郡後魏置南頓郡北齊郡

廢。隋開皇六年改縣曰和城。太業初復改曰南頓。屬淮陽郡。唐屬陳州。皇朝熙寧六年省入商水。元祐元年復置。

中西華縣。二漢屬汝南郡。晉省之。後置長平縣。隋開皇十八年改曰鴻溝。大業初復改曰西華。屬淮陽郡。唐武德元年更名箕城。屬陳州。景雲九年復故名。長平鎮。漢爲長平縣。屬汝南郡。後漢屬陳國。晉屬梁國。北齊省入西華。

上潁州。春秋時爲胡國及楚地。秦爲潁川郡地。二漢屬汝南郡。魏置汝陰郡。晉因之。後魏置潁川郡。隋亦爲潁川。復爲汝陰郡。唐爲潁州。皇朝元豐二年升順昌軍節度。今縣四。

望汝陰縣。西北有胡城。故胡國。二漢爲汝陰縣。屬汝南郡。魏置汝陰郡。後廢。晉泰始二年復置。隋開皇初郡廢。大業初復置。唐爲潁州。二漢細陽縣。屬汝南郡。晉省之。故城在今縣西北。

緊萬壽縣。蓋二漢細陽縣地。皇朝開寶六年析汝陰之百尺鎮置萬壽縣。屬潁州。水經注云。百尺水承次塘細陂南流。注于潁。鎮實因水爲名。

緊潁上縣。本楚慎縣地。二漢屬汝南郡。晉屬汝陰郡。後廢焉。梁置下蔡郡。北齊郡廢。隋大業初置潁上縣。於故鄭城。屬汝陰郡。唐武德四年移於今治。屬潁州。慎縣故城在今縣西北。

緊沈丘縣。本漢項縣地。屬汝南郡。後置沈丘縣。隋開皇十六年置沈州。領沈丘、宛丘二縣。唐初州廢。以宛丘屬陳州。沈丘屬潁州。後省沈丘入汝陰。神龍二年復置。有武丘。本曰丘頭。魏王陵鎮壽春。欲興兵討

司馬宣王宣王自往征之。軍至丘頭。陵懼。面縛水次。故號爲武丘。卽此。

輔汝州。東周爲王畿。春秋爲戎蠻子邑。及屬楚鄭。戰國屬韓。秦屬三川郡。二漢屬河南。潁川郡。魏晉屬河南。襄城郡。後魏屬汝北。魯陽郡。東魏置北荊州。後周改曰和州。隋初置伊州。煬帝初改爲汝州。後廢州。以其地屬襄城。潁川二郡。唐爲汝州。天寶元年曰臨汝郡。今縣五。

中梁縣。本漢周承休邑。武帝元鼎四年。行幸至洛陽。詔封姬嘉爲周子南君。以奉周祀。初元五年。以周子南君爲周承休侯邑。屬潁川郡。後魏曰汝源縣。置汝北郡。後改曰汝陰郡。後周郡廢。隋大業初。改汝源爲承休。置襄城郡。唐爲汝州。正觀元年。改承休爲梁縣。梁本周南鄙之邑。在承休西南四十五里。有霍陽聚。左傳哀四年。楚人爲一昔之期。襲梁及霍。是也。戰國曰南梁。以別大梁。少梁焉。漢屬河南郡。後漢及晉皆因之。隋屬襄城郡。唐曰承休。正觀元年。省梁入承休。而更名承休曰梁。西有廣成澤。後漢作菀。爲遊獵之地。鄧太后臨朝。世士以爲文德可興。宜廢蒐狩之禮。於是馬融作頌以諷焉。後桓帝復校獵。廣成。今曰廣潤河。蓋避朱梁廟諱也。有罍狐聚。秦滅西周。徙其君於此。有陽人聚。秦滅東周。徙其君於此。臨汝鎮。唐先天元年置縣。屬汝州。正元八年。以梁縣西界二鄉益之。兼移縣於石城驛。後入梁。緊襄城縣。本鄭地。南有汜城。周襄王避叔帶之難。出適鄭。處于汜。是也。以襄王所居。因曰襄城。楚靈王築。又有古不羹城。在西北。二漢屬潁川郡。晉置襄城郡。隋開皇初。郡廢。屬汝州。大業初。州廢。屬潁川郡。唐武德元年。置汝州。正觀元年。州廢。屬許州。開元二十六年。來屬。

上葉縣。本楚地。惠王以封沈諸梁。謂之萊公。萊公好龍。神龍下焉。二漢屬南陽郡。明帝時。王喬爲萊令。每月望。常乘雙鳧入朝。今有墓在焉。晉屬南陽國。北齊置襄州。後周廢州。置南襄城郡。隋開皇初。郡廢。屬許州。唐開元三年。置仙州。二十六年。州廢。大歷四年。復置仙州。又析置仙晃縣。五年。州廢。省仙晃入葉。來屬。二漢父城縣。屬潁川郡。晉屬襄城郡。後廢入葉。有應鄉。故應國。桀汲冢古文。商時已有應國矣。周武王以封其子爲應侯。故左傳言邶。晉。應。韓。武之穆也。戰國爲秦所有。以封范雎。爲應侯。有方城。左傳所謂楚國方城以爲城。卽此。又有昆陽城。卽光武破王尋之所。

中魯山縣。在夏爲魯縣。陶唐氏旣衰。其後有劉累。爲御龍氏。以事夏孔甲。龍一雌死。潛醢以食。夏后旣而使之懼。而遷于魯縣。是也。漢爲魯陽。屬南陽郡。後漢及晉皆因之。後魏置荊州。尋廢。立魯陽郡。後置魯州。隋開皇初。郡廢。大業初。州廢。以魯縣屬襄城郡。唐爲魯山。武德四年。復置魯州。正觀九年。州廢。以魯山來屬。故雋縣。本鄭邑。漢屬南陽郡。後廢。故城在今縣東南。後周置三鷓鎮。在縣西南十九里。亦名平高城。以備齊。北齊置魯城。在縣東北十七里。以禦周。

中龍興縣。本湍陽縣。唐武德四年。置屬伊州。正觀元年。省。證聖七年。復置。曰武興。置汝州。神龍元年。更名爲中興。尋改曰龍興。皇朝熙寧四年。省入魯城。元祐元年。復置。

同下州。信陽軍。春秋時屬申。其後屬楚。秦屬南陽郡。二漢屬南陽。江夏郡。晉置義陽郡。宋置宋安郡。南齊置司州。梁因之。有三關之隘。北接陳汝。控帶許洛。宋以來。常爲邊鎮。後魏改曰郢州。後周改曰申州。隋開

皇初郡廢。大業二年改曰義州。尋爲義陽郡。唐爲申州。天寶元年曰義陽郡。皇朝開寶九年降爲義陽軍。太平興國元年改爲信陽。今縣二。

中下信陽縣。二漢平氏縣地。屬南陽郡。晉分置義陽縣。屬義陽郡。後廢焉。宋曰平陽縣。置宋安郡。隋開皇初郡廢。改平陽縣爲義陽。大業初置義陽郡。唐爲申州。皇朝爲義陽軍。太平興國元年改義陽縣爲信陽。漢鐘武縣。屬江夏郡。後漢省焉。故城在今縣東南。漢鄆縣。屬江夏郡。後漢及晉因之。北齊改爲齊安。置齊安郡。隋開皇初郡廢。改縣曰鐘山。屬義陽郡。唐屬申州。皇朝開寶九年省入義陽。有鐘山、桐柏山、淮水。

中下羅山縣。二漢鄆縣地。北齊置高安縣。隋開皇初廢。十六年復置。曰羅山。屬義陽郡。唐屬申州。皇朝屬信陽軍。有石城山。甚高峻。史記曰。魏攻冥阨。蓋謂此山也。呂氏春秋言九塞。冥阨其一焉。

輿地廣記卷第十

河北東路

北輔開德府春秋時屬衛國秦置東郡二漢屬東魏二郡晉屬濮陽國頓丘郡隋屬東武陽二郡唐屬澶濮魏三州晉天福中移濮陽於澶州南郭爲治所九年升鎮寧軍節度皇朝大觀元年升開德府崇寧四年建爲北輔今縣七

中濮陽縣本漢頓丘縣地其濮陽故城在今縣東帝顓頊之墟也謂之帝丘夏后相嘗居於此夏伯昆吾亦都之春秋時衛成公自楚丘徙焉夢康叔曰相奪予享公命祀相秦始皇東徙衛君角而置東郡二漢皆因之晉置濮陽國隋屬東郡唐屬濮州晉天福中移縣於澶州南郭爲治所有鮒鱖山帝顓頊所葬有瓠子曰漢元光中河決瓠子東南注鉅野

望觀城縣古觀國嘗叛命爲夏所伐左傳所謂夏有觀扈是也漢爲畔觀縣屬東郡光武更名衛國以封周後晉屬頓丘郡隋開皇六年更名觀城屬武陽郡唐屬澶州有臨黃縣漢畔觀縣地也後魏置隋因之屬武陽郡唐始屬魏州大歷七年來屬皇朝雍熙四年省入觀城有新臺衛宣公作

緊臨河縣漢黎陽縣地屬魏郡隋開皇六年析黎陽置臨河縣十六年置澶淵縣並屬汲郡春秋諸侯之大夫會于澶淵此其地也後避唐高祖諱改澶淵爲澶水武德四年於澶水置澶州正觀十年州廢省

澶水入臨河。屬魏州。五代來屬。

中清豐縣。漢頓丘縣地。唐大曆七年。析頓丘、昌樂、置清豐縣。以孝子張豐爲名。屬澶州。頓丘。本衛邑。在淇水南。故詩言送子涉淇。至于頓丘。二漢屬東郡。晉置頓丘郡。後郡廢焉。隋屬武陽郡。唐始屬魏州。大曆七年。於頓丘復置澶州。晉天福四年。移濮陽於澶州南郭。爲治所。而以頓丘爲德清軍。皇朝熙寧四年。省頓丘入清豐。

中衛南縣。本楚丘也。衛文公自曹邑徙此。始建城市。而營宮室。隋開皇十六年。置楚丘縣。屬東郡。大業初。以梁郡有楚丘。乃改爲衛南。唐屬滑州。五代時來屬。

畿朝城縣。本二漢東武陽縣。屬東郡。臧洪爲東郡太守。據此以拒袁紹。紹圍之。城陷。爲紹所殺。魏晉屬陽平郡。北齊廢之。後周復置武陽縣。隋屬武陽郡。唐屬魏州。正觀十七年。省。永昌元年。復置武聖縣。開元七年。更名朝城。晉屬大名府。皇朝崇寧四年。來屬。

畿南樂縣。漢東郡之樂昌也。宣帝封王武爲樂昌侯。後漢省之。晉置昌樂縣。水經。樂昌縣故城東。而注引漢書表志。以爲東郡之屬縣。漢宣帝封王稚君爲侯國。此則以樂昌爲昌樂矣。隋屬武陽郡。開皇六年。置繁水縣。大業初。廢昌樂縣入繁水。唐置昌樂。廢繁水入焉。後唐避諱。改爲南樂。晉屬大名府。皇朝崇寧四年。來屬。

次府河間府。春秋時屬晉。戰國時屬趙。秦屬上谷郡。漢屬涿郡。後漢爲河間國。晉因之。後魏爲河間郡。孝

文帝置瀛州。隋廢郡而州如故。大業初，州廢。置河間郡。唐爲瀛州。皇朝大觀二年，升河間府。瀛海軍節度。今縣二。

望河間縣。本漢州鄉。武垣縣地。屬涿郡。後漢省州鄉入武垣。屬河間國。晉因之。後分置河間縣。郡徙治此。隋開皇初，郡廢爲瀛州。大業初，復置郡。省武垣人焉。唐爲瀛州。東城鎮。本漢東州縣。屬勃海郡。後漢屬河間國。晉屬章武國。北齊廢之。隋開皇十六年，置曰東城。屬瀛州。大業初，屬河間郡。唐屬瀛州。皇朝熙寧六年，省入河間。

望樂壽縣。本漢樂成縣。爲河間國治焉。後漢及晉皆因之。隋開皇十八年，改爲廣城。屬瀛州。仁壽初，改爲樂壽。屬河間郡。唐屬瀛州。後屬深州。景城鎮。本漢景成。成平縣地。屬勃海郡。後漢省。景成入成平。屬河間國。晉因之。隋開皇十八年，改爲景城。屬瀛州。大業初，屬河間郡。唐屬瀛州。皇朝熙寧六年，省入樂壽。上滄州。春秋戰國時，爲齊趙二國之境。秦屬鉅鹿。上谷郡。漢置渤海郡。後漢、晉因之。宋文帝置樂陵郡。孝武分置渤海郡。後魏因之。太武初，改渤海爲滄水。孝文時，復舊。孝明帝分瀛、冀二州，置滄州及浮陽、樂陵二郡。隋置棣州。後改爲滄州。尋爲渤海郡。唐爲滄州。天寶元年，改爲景城郡。今縣五。

望清池縣。本漢浮陽縣。在浮水之陽。高帝置渤海郡。治此。後漢及晉皆屬焉。隋開皇十八年，改曰清池。屬渤海郡。唐屬滄州。正觀元年，州自胡蘇徙治於此。長蘆鎮。以水爲名。本漢參戶縣地。屬渤海郡。後省焉。隋開皇初，置長蘆縣及漳河郡。尋廢。十六年，置景州。大業初，州廢。屬河間郡。唐武德四年，又置景州。正

觀元年州廢屬滄州。周省入清池。饒安鎮本漢千童縣屬渤海郡。靈帝改曰饒安。晉因之。後置滄州及浮陽郡。隋開皇初郡廢。大業初州廢屬渤海郡。唐屬滄州。皇朝熙寧五年省入清池。乾符寨本二漢章武縣屬渤海郡。晉屬章武郡。後省焉。隋開皇十六年置魯城縣屬瀛州。大業初屬河間郡。唐正觀元年屬滄州。乾符元年生野稻水穀二千餘頃。燕魏飢民就食之。因改名曰乾符。周省入清池。有徒駭河。禹貢九河之一也。

望無棣縣本齊地。昔周成王賜齊太公履。北至于無棣是也。漢爲陽信縣地。隋開皇六年置無棣縣屬渤海郡。取縣南無棣溝爲名。唐屬滄州。正觀元年省入陽信。八年復置無棣溝通海。隋末廢。唐永徽元年薛大鼎開之。百姓歌曰。新河得通舟楫利。直達滄海魚鹽至。昔日徒行今駟騶。美哉薛公德。滂被皇朝治平二年徙治保順軍。有鬲津河。禹貢九河之一也。

緊鹽山縣二漢高城縣屬渤海郡。故城在今縣南。晉以後皆因之。隋開皇十八年改爲鹽山屬棣州。大業初屬渤海郡。唐屬滄州。有鹽山。

緊樂陵縣二漢屬平原郡。故城在今縣東。晉屬樂陵國。後爲樂陵郡。治焉。隋開皇初郡廢屬棣州。大業初屬渤海郡。唐屬滄州。有漢重合縣。故城在縣東。皇朝熙寧二年徙治咸平鎮。有鉤盤河。禹貢九河之一也。

中有皮縣。漢屬渤海郡。章武有北皮亭。故此云南皮。後漢爲渤海郡治焉。建安中曹公破青州刺史袁譚

於此。晉因之。隋屬渤海郡。唐屬景州。臨津鎮。本漢東光縣地。隋開皇十六年。於胡蘇亭置胡蘇縣。屬平原郡。唐更名臨津。屬景州。皇朝熙寧六年。省入南皮。有潔河。禹貢九河之一也。

上冀州。春秋時屬晉。戰國屬趙。秦屬鉅鹿郡。漢置信都國。景帝改爲廣川。宣帝復故。後漢明帝更名樂安。安帝改曰安平。後兼置冀州。晉因之。後魏爲長樂郡。兼置冀州。北齊後周皆因之。隋初郡廢。而冀州如故。大業初州廢。復置信都郡。唐爲冀州。皇朝慶歷八年。升武安軍節度。今縣六。

望信都縣。漢爲信都國治。後漢爲安平國治。晉因之。後魏以來。爲長樂郡治。隋開皇初郡廢。分信都置長樂縣。大業初省信都入焉。置信都郡。唐爲冀州。改長樂縣爲信都。有禹貢降水。漢昌城縣。屬信都國。後漢改爲阜城。後徙焉。故城在今縣北。漢扶柳縣。屬信都國。後漢屬安平國。晉因之。北齊省焉。故城在今縣西。

上脩縣。本漢脩縣。屬信都國。後漢屬渤海郡。晉因之。隋開皇五年。改爲脩縣。屬冀州。大業初。屬信都郡。唐屬德州。永泰元年。屬冀州。漢觀津縣。故城在東北。

上南宮縣。漢舊縣。屬信都國。呂后封張敖子偃爲南宮侯。卽此。後漢屬安平國。晉省之。後復置。元魏屬長樂郡。北齊省之。隋開皇六年。復置。屬冀州。大業初。屬信都郡。唐屬冀州。堂陽鎮。本漢堂陽縣。屬鉅鹿郡。後漢屬安平國。晉省之。後復置。北齊省之。隋開皇十六年。復置。屬冀州。大業初。屬信都郡。唐屬冀州。皇朝皇祐四年。省入南宮。

上棗彊縣。漢舊縣。屬清河郡。後漢省之。後復置。隋屬冀州。大業初。屬信都郡。唐屬冀州。漢廣川縣。屬信都國。後徙焉。故城在今縣東北。

上武邑縣。漢屬信都國。後漢屬安平國。晉因之。後齊廢。隋開皇六年。復置。屬冀州。大業初。屬信都郡。唐屬冀州。觀津鎮。本趙地。樂毅自燕降趙。封之於此。號爲望諸君。漢爲觀津縣。屬信都國。後漢及晉因之。後省。有衡水石隄。唐顯慶元年築。

中衡水縣。隋開皇十六年。分信都北界。武邑西界。下博南界。置衡水縣。屬冀州。大業初。屬信都郡。唐屬冀州。

上博州。春秋爲齊之西境。戰國屬齊。趙衛三國之交。秦屬東郡。漢屬東郡。平原、清河三郡。後漢屬東郡。平原二郡。晉屬平原國。宋分置魏郡。後魏置南冀州及平原郡。隋初。郡廢。改州。爲博州。大業初。州廢。屬武陽郡。唐爲博州。天寶元年。曰博平郡。今縣四。

望聊城縣。本齊西鄙之邑。水經注云。聊城縣東北三十里有攝城。左傳所謂聊攝以東是也。戰國時。燕將保聊城。齊田單攻之。歲餘不下。魯仲連乃爲書約之。矢以射城中。燕將見書。乃自殺。二漢屬東郡。魏晉屬平原國。後爲平原郡。治焉。隋開皇初。郡廢。十六年。置博州。大業初。州廢。以聊城屬武陽郡。唐武德四年。置博州。漢在平縣。屬東郡。後漢屬濟北郡。魏晉屬平原國。昔石勒耕於在平。聞鼓角鞞鐸之聲。其母以爲作勞耳鳴。卽此。後廢焉。唐武德四年。析聊城置平在縣。正觀八年。省入。

望高唐縣。春秋齊邑。漢屬平原郡。後漢及晉皆因之。後魏置南清河郡。北齊郡廢。隋開皇初屬貝州。大業初屬清河郡。唐武德四年屬博州。

望堂邑縣。本漢清陽縣地。爲清河郡治焉。隋開皇六年分置堂邑縣。屬武陽郡。唐武德四年屬博州。

緊博平縣。漢屬東郡。魏晉屬平原國。元魏屬長樂郡。隋開皇初屬貝州。大業初屬清河郡。唐屬博州。漢靈

縣。屬清河郡。後漢及晉因之。後廢。隋開皇初復置。大業初省入博平。唐武德三年復置。四年省入焉。

上棣州。春秋戰國皆屬齊。秦屬齊郡。漢屬渤海平原。千乘郡。後漢屬北海平原郡。樂安國。晉屬樂安。樂陵

二國。宋爲樂陵郡。後魏又爲樂安。樂陵二郡。隋初屬棣州。後屬渤海郡。唐武德三年置棣州。天寶元年曰

樂安郡。今縣三。

望厭次縣。本漢陽信縣地。屬渤海郡。後漢因之。晉屬樂陵國。後爲渤海郡治。元魏屬樂陵郡。隋開皇六年

置棣州。大業初爲渤海郡。後郡徙治清地。唐武德四年以陽信置棣州。八年州廢。屬滄州。正觀十七年

復置於厭次。皇朝大中詳符八年徙州城及厭次於陽信縣地。

中滴河縣。本漢枋縣。屬平原郡。後漢省之。隋開皇十六年置滴河縣。屬棣州。大業初屬渤海郡。唐屬棣州。

漢濕沃縣。屬千乘郡。後漢省之。晉復置。屬樂陵國。北齊省之。後入滴河。

下陽信縣。本漢富平縣。後改爲厭次。屬平原郡。後漢永平五年復故。晉爲樂陵國治焉。元魏屬樂陵郡。北

齊廢之。隋開皇十六年復置。屬棣州。大業初屬勃海郡。唐武德四年屬棣州。八年州廢。屬滄州。正觀十

七年復置屬棗州。皇朝大中祥符八年徙州城及厭次縣於陽信。而徙陽信於故厭次焉。

上莫州。漢爲鄴縣。屬涿郡。後漢屬河間國。晉因之。隋屬四間郡。唐武德四年屬蒲州。正觀元年屬瀛州。景雲二年置鄴州。開元十三年以鄴鄆文相類。更名莫州。今縣一。

上任丘縣。本漢鄴縣地。平帝時使中郎將任丘築城。因以爲名。後置任丘縣。隋省之。唐武德五年復屬蒲州。景雲二年屬鄴州。開元十三年改鄴縣爲莫。皇朝熙寧六年省莫縣入焉。長豐縣。本利豐。唐開元十年析文安。任丘置屬鄴州。是年更名長豐。皇朝熙寧六年省。

中雄州。春秋戰國皆屬燕。秦屬六合郡。唐屬涿。易二郡。晉時入于契丹。周克復之。置雄州。皇朝政和三年爲易陽郡。今縣二。

中歸信縣。本漢易縣地。屬涿郡。後漢屬河間國。公孫瓚有幽州。並謠曰。燕南垂。趙北際。中央不合大如礪。唯此中可避世。瓚自以爲易地當之。遂徙鎮焉。易京故城在縣南十八里。晉亦屬河間國。北齊省入鄴縣。隋屬河間郡。唐武德五年置歸義縣。屬幽州。正觀元年省之。八年復置。景雲二年屬漢州。是年還屬幽州。大歷四年屬涿州。晉時入于契丹。周顯德六年世宗克瓦橋關。置雄州。治歸義縣。皇朝太平興國元年改爲歸信。有易水。

中容城縣。漢屬涿郡。後漢省之。晉復置。屬范陽國。隋開皇初改爲遼縣。屬土谷郡。唐武德五年置北義州。正觀元年州廢。以縣屬易州。聖歷二年契丹入寇。固守不陷。因改名全忠。神龍二年復名遼。天寶元年。

改爲容城。周顯德六年屬雒州。尋廢。皇朝建隆四年復置。

中霸州。漢屬渤海郡。後漢屬廣陽國。河間郡。晉屬燕國。章武。後屬河間。燕郡。隋屬河間。涿郡。唐屬幽州。莫州。晉時入于契丹。周克復之。置霸州。皇朝政和三年爲永清郡。今縣二。

上文安縣。漢屬渤海郡。後漢屬河間國。晉屬章武國。隋初屬瀛州。大業初屬河間郡。唐屬瀛州。景雲二年屬莫州。周顯德六年屬霸州。皇朝景祐元年省永清入焉。永清本漢安次縣地。屬渤海郡。唐如意元年析置武降縣。屬幽州。景雲元年曰會昌。天寶元年曰永清。晉時入于契丹。周世宗克益津關。置霸州。治永清縣。後省入文安。

上大城縣。五代時置。屬瀛州。周顯德六年屬霸州。

上德州。春秋戰國皆屬齊。秦屬齊郡。漢置平原郡。後漢因之。晉爲平原國。宋屬平原郡。後魏後周皆因之。隋初置德州。後復爲平原郡。唐爲德州。天寶元年曰平原郡。今縣二。

望安。德縣。漢屬平原郡。後漢及晉皆因之。後爲郡治焉。隋開皇初郡廢。九年置德州。大業初復置平原郡。唐爲德州。天寶末安祿山反。河北皆陷。獨顏真卿爲平原太守。帥衆討賊。漢鬲縣屬平原郡。後漢及晉因之。北齊省入。故城在縣西北。漢重平縣屬渤海郡。後漢省之。後魏復置。北齊省之。故城亦在縣西北。德平鎮。蓋漢平昌縣屬平原郡。後漢省之。晉爲西平昌。屬平原國。後魏置東安郡。北齊郡廢。隋開皇初屬德州。大業初屬平原郡。唐屬德州。後謂之德平。疑後唐避諱更名。皇朝熙寧六年省入安德。

緊平原縣。齊之西邑。韓信夜渡平原。襲擊齊。歷下軍。卽此。漢高帝六年。置平原郡。故城在今縣西南。後漢及晉皆因之。後郡徙治安德。隋屬平原郡。唐屬德州。漢鄆縣屬清河郡。後漢及晉因之。北齊省入平原。故城亦在縣西南。

上濱州。自唐虞以下。地理與涿州同。初五代之際。置權監務於海傍。後置贍國軍。周世宗顯德三年。置以其濱海爲名。割棣州之渤海。蒲臺爲屬縣。而治渤海。今領縣二。

望渤海縣。唐垂拱四年。析蒲臺。厭次置屬棣州。周顯德三年。置濱州。治此。蒲臺鎮。本漢鬲縣地。屬平原郡。臺高八丈。方二百步。昔秦始皇東遊海上。於臺下繫蒲繫馬。至今蒲生猶有繫繫之狀。隋開皇十六年。置蒲臺縣。屬渤海郡。唐屬淄州。景龍元年。屬棣州。周屬濱州。皇朝大中祥符三年。省入渤海。

緊招安縣。皇朝慶歷六年。析渤海縣地置。

下恩州。春秋時屬齊。其後屬晉。戰國屬趙。秦屬鉅鹿郡。漢置清河郡。後漢爲清河國。桓帝改曰甘陵。魏復故。晉因之。後魏爲清河郡。北齊後周皆因之。兼置貝州。隋初郡廢。後廢州。而後復置郡。唐爲貝州。天寶元年。曰清河郡。皇朝慶歷八年。改恩州。今縣三。

望清河縣。本漢厓縣。屬清河郡。後漢安帝以孝德皇后葬于厓。改曰甘陵。爲清河國。治焉。桓帝時周福。其縣人也。晉改曰清河縣。後曰武成縣。置清河郡。隋開皇初。郡廢。改武成縣爲清河。大業初。復置清河郡。唐屬貝州。故清陽縣。漢爲清河郡。治。後漢省之。徙治甘陵。後復置。曰清河縣。北齊省貝丘入焉。改爲貝

丘。隋開皇六年。復名清陽。屬清河郡。唐屬貝州。皇朝熙寧四年。省入清河。

望武城縣。在趙時曰東武城。平原君勝封於此邑。漢屬清河郡。後漢及晉皆因之。隋爲武城。屬清河郡。唐屬貝州。

緊歷亭縣。漢東陽縣地。隋分武城。鄒置歷亭縣。屬清河郡。唐屬貝州。漳南鎮。本漢東陽縣。屬清河郡。後漢省之。隋分棗強。清平。復置於古東陽城。改爲漳南縣。屬清河郡。唐屬貝州。皇朝至和元年。省入歷亭。清州。自唐虞以下。地理與滄州同。五代時。置乾寧軍。後入契丹。周顯德六年。世宗北伐。取乾寧軍。御龍舟樓舡戰艦。首尾數十里。至益津關。後廢焉。皇朝太平興國七年。以滄州永安縣復置。大觀二年。河清七晝夜。因改爲清州。政和二年。爲乾寧郡。今縣一。

乾寧縣。本永安縣之董橋鎮。皇朝太平興國七年。置。熙寧六年。省爲鎮。後復置縣。崇寧三年。又省之。同下州。永靜軍。自唐虞以下。地理與滄、德、冀州同。唐置景州。周降爲定遠軍。屬滄州。皇朝太平興國六年。以軍直隸京師。景德元年。改爲永靜。今縣三。

緊東光縣。二漢屬渤海郡。隋開皇初。郡廢。九年。置觀州。大業初。州廢。屬平原郡。唐屬滄州。正元三年。屬景州。周顯德元年。爲定遠軍治所。弓高鎮。本漢縣。屬河間國。後漢因之。晉省焉。隋開皇十六年。復置。屬平原郡。唐置景州。治此。周顯德二年。州廢。省弓高入東光。

望將陵縣。漢重丘縣地。隋開皇十六年。於重丘故城置。屬平原郡。唐屬德州。後屬景州。周顯德二年。州廢。

還屬。皇朝慶歷七年，屬永靜軍。安陵鎮，本漢脩市縣地，屬渤海郡。晉置安陵縣。隋大業初，省入東光。唐武德四年，復置，屬觀州。正觀十七年，州廢，屬德州。景福二年，屬景州。周復屬。後省入將陵。

中阜城縣，漢屬渤海郡。後漢屬安平國。晉屬渤海郡。隋屬信都郡。唐屬冀州。皇朝淳化元年，屬永靜軍。

同下州信安軍。自唐虞以下，地理與霸州同。五代時，地入契丹。周顯德六年，世宗北伐，取淤口關，置寨，屬霸州。皇朝太平興國六年，以淤口寨爲破虜軍。景德二年，改爲信安軍。

同下州保定軍。自唐虞以下，地理與雄州同。皇朝太平興國六年，以涿州歸信縣，新鎮置平戎軍。景德元年，改爲保定軍。

輿地廣記卷第十一

河北西路上

次府真定府。春秋時屬鮮虞。爲晉所滅。戰國時屬趙。秦屬鉅鹿郡。漢高帝置恆山郡。後避文帝名。改曰常山。亦屬真定國。東漢屬常山國。魏、晉、復爲郡。元魏因之。後周兼立恆州。隋開皇初郡廢。大業初州廢。復立常山郡。唐武德初。復曰恆州。後升爲成德軍節度。元和十五年。避穆宗諱。曰鎮州。五代時曰真定府。梁以諱改曰武順。後唐復曰成德。晉曰順德。漢復曰成德。周及皇朝因之。今縣九。

次赤真定縣。本中山國之東垣邑。漢十一年。代相陳豨反。其將趙利守東垣。高帝攻拔之。改曰真定。元鼎四年。立真定國。東漢併入常山。魏、晉、爲郡治。在今縣南。元魏道武移郡治於此。今府城是也。自唐寶應後。叛將李寶臣。王武俊。王廷湊等相繼據之。有漳沱水。

次畿橐城縣。漢屬真定國。北齊立鉅鹿郡。後周因之。隋開皇初。郡廢。十年。立廉州。大業初。廢。義寧元年。復立鉅鹿郡。唐武德元年。改曰廉州。正觀元年。州廢。來屬九門縣。二漢屬常山郡。魏、晉、元魏、因之。北齊省。隋開皇六年。復置。皇朝開寶六年。省入。

次畿欒城縣。春秋晉大夫欒氏之邑。漢爲平棘縣地。東漢置欒城縣。北齊省。隋開皇十六年。復置。屬欒州。大業初。州廢。屬趙郡。唐本屬趙州。大歷三年。來屬。

次畿元氏縣。本趙公子元之封邑。漢高帝立恆山郡。治此。故城在焉。東漢爲國。魏、晉、元魏屬趙國。北齊省。隋開皇六年。復置。唐屬趙州。五代時來屬。

次畿井陘縣。漢屬恆山郡。東漢、魏、晉、元魏皆因之。後省。北齊廢石邑。以置井陘。隋開皇六年。復石邑。分置井陘。有陘山。其道險隘。李左車所謂車不得方軌。騎不得成列。是也。有綿蔓水。韓信攻趙。背水爲陣。卽此。

次畿獲鹿縣。漢石邑縣地。隋開皇十六年。分置鹿泉縣。唐天寶十五載。更名獲鹿。石邑鎮。本漢縣。皇朝開寶六年。省。有井陘口。亦曰土門。秦始皇興兵。塞井陘口。漢韓信出井陘。破陳軍。唐李光弼出土門。破史思明軍。皆在此地。有葦山、潭池水。

次畿平山縣。本晉之蒲邑。二漢爲蒲吾縣。屬常山郡。魏、晉皆因之。後徙焉。隋開皇十六年。置房山縣。唐天寶十五載。改爲平山。

次畿行唐縣。二漢曰南行唐。屬常山郡。魏、晉以後皆因之。隋曰行唐。屬恆山郡。唐屬鎮州。五代屬眞定府。有禹貢恆水。

次畿靈壽縣。漢屬常山郡。魏、晉以後皆因之。後周立蒲吾郡。隋開皇初。郡廢。唐屬鎮州。五代時屬眞定府。皇朝熙寧八年。省。元祐二年。復置焉。有禹貢衛水。

望相州。商王河亶甲居相。此其地也。春秋時屬晉。戰國時屬魏。後屬趙。秦屬邯鄲郡。二漢爲魏郡。曹公爲

魏王都此。晉亦爲魏郡。後趙石季龍前燕慕容儁皆都之。後魏置相州。東魏北齊又都焉。改爲清都尹。後周復置相州及魏郡。隋初郡廢。大業初州廢。復置魏郡。唐爲相州。天寶元年曰鄴郡。故屬天雄軍節度。梁分置昭德軍。而天雄軍亂。遂入于晉。莊宗滅梁。復屬天雄。晉高祖置彰德軍。今縣四。

緊安陽縣。漢爲侯國。曹魏時併入鄴。徐廣晉紀曰。石遵自孚城北入。斬張豹於安陽。後周移鄴縣及相州於安陽故城。遂改爲安陽縣。魏郡治焉。唐爲相州。有韓陵山。高歡破爾朱兆於此。永和鎮。本漢內黃縣地。隋開皇十四年置長樂縣。十八年改曰堯城。屬魏郡。唐屬相州。天祐三年改曰永定。皇朝天聖七年改曰永和。熙寧六年省入安陽。

緊湯陰縣。本二漢蕩陰縣。屬河內郡。晉屬魏郡。後廢焉。隋開皇六年復置。屬汲郡。唐屬相州。正觀元年改爲湯陰。有姜里城。商紂囚問文王之所。

緊臨漳縣。本漢鄴縣地。東魏天平初析置臨漳縣。屬魏郡。後周及隋因之。唐屬相州。魏文侯七年始封此地。以西門豹爲鄴令。民不敢欺。至襄王時。史起爲鄴令。引漳水溉鄴。民賴其用。漢高十二年置魏郡。治此。漢末袁紹爲冀州牧。鎮鄴。曹公取之。以爲鄴都。作三臺。皆因城爲基。晉亂。胡作石季龍慕容儁皆都之。後魏置相州。東魏北齊又都焉。後周平齊。復置相州。隋文輔政。摠管尉遲迥舉兵不順。韋孝寬討平之。乃焚燒鄴縣。徙其居民南遷四十里。以安陽城置鄴縣。屬魏郡。唐屬相州。皇朝熙寧六年省入臨漳。中林慮縣。本漢隆慮縣。屬河內郡。後漢避殤帝名。改曰林慮。晉屬汲郡。後魏置林慮郡。北齊廢之。後復置。

隋開皇初。又廢之。大業初。屬魏郡。唐屬相州。

次府中山府。堯始封於此。春秋時。爲鮮虞。戰國初。爲中山國。後爲魏所并。後又屬趙。秦屬上谷、鉅鹿二郡。漢高帝置中山郡。景帝三年。改爲國。後漢、晉。皆因之。後燕慕容垂移都於此。置中山尹。後魏爲中山郡。兼置安州。大唐改爲定州。升義武軍節度。皇朝太平興國元年。改定武軍。政和三年。改中山府中山郡。今縣七。

緊安喜縣。古中山國。魏文侯使樂羊伐取之。以封太子擊。漢爲盧奴縣。城內西北隅有水。淵而不流。色正黑。或云黑水曰盧。不流曰奴。故以取名。後魏皇始二年。滅慕容寶。立安州。道武帝天興三年。改曰定州。北齊改爲安喜。後周置鮮虞郡。隋開皇初。郡廢。置鮮虞縣。大業初。廢安喜入焉。屬博陵郡。唐屬定州。武德四年。改鮮虞曰安喜。故陘邑縣。本漢苦陘。屬中山國。後漢章帝改曰漢昌。魏改曰魏昌。晉、元魏。因之。北齊廢焉。隋開皇十六年。復置曰隋昌。屬博陵郡。唐武德四年。改曰唐昌。屬定州。天寶元年。改曰陘邑。皇朝康定元年。省入安喜。

緊無極縣。二漢爲母極。屬中山國。晉省之。後魏復置。隋屬博陵郡。唐屬定州。武后改母極爲無極。景福二年。置祁州。周徙治蒲陵。皇朝景德元年。來屬。

上曲陽縣。漢爲上曲陽。屬常山郡。後漢屬中山國。晉屬常山郡。北齊去上字。隋開皇六年。改爲石邑。屬博陵郡。七年。改曰恆陽。唐屬定州。元和十五年。改爲曲陽。有北岳常山在西。

中唐縣。昔堯爲唐侯。國於此。春秋時屬北燕。昭十二年。齊高偃納北燕伯款于唐。是也。漢屬中山國。後漢及晉皆因之。北齊廢焉。隋開皇十六年。復置。屬博陵郡。唐屬定州。舊治中人城。縣西四十里有中人亭。左傳昭十三年。晉荀吳侵鮮虞。及中人。大獲而歸。是也。聖曆元年。徙治今所。

中望都縣。昔堯母慶都所居。有堯山在北。慶都山在南。登堯山見慶都山。故以望都名縣。漢屬中山國。後漢及晉皆因之。北齊省入北平。唐武德四年。復置。屬定州。初治安險故城。正觀八年。徙治今所。

中新樂縣。古鮮虞國子姓。漢爲新市縣。屬中山國。後漢及晉皆因之。後廢焉。隋開皇十六年。置曰新樂縣。屬博陵郡。唐屬定州。

中下北平縣。漢屬中山國。後漢及晉皆因之。後魏置北平郡。北齊郡廢。隋屬博陵郡。唐屬定州。萬歲通天二年。契丹攻之。不下。更名徇忠。神龍元年。復舊。漢曲逆縣。濡水於城北。曲而西流。故曰曲逆。左傳哀四年。齊國夏伐晉。取曲逆。是也。漢高帝過之。曰壯哉。吾行天下。唯洛陽與是耳。詔封陳平爲曲逆侯。屬中山國。後漢章帝醜其名。改曰蒲陰。晉因之。北齊廢入北平。

上邢州。春秋時爲邢國。衛人滅之。戰國時屬趙。秦屬鉅鹿。邯鄲郡。常山王張耳都焉。漢屬趙國。廣平。鉅鹿。常山郡。後漢因之。晉屬鉅鹿。趙國。後趙石勒亦都焉。後魏爲鉅鹿郡。隋置邢州。後爲襄國郡。唐復爲邢州。天寶元年。爲鉅鹿郡。梁升保義軍節度。後唐改爲安國軍。今縣八。

上龍岡縣。故邢國。秦時謂之信都。項羽立張耳爲常山王。居此。更名曰襄國。漢屬趙國。後漢因之。晉省焉。

石勒陷冀州。張賓曰：襄國因山憑險，形勝之地，可都也。太和二年，勒僭號於襄國，其後爲慕容儁所滅。隋開皇九年，改爲龍岡縣。襄國郡漢焉。唐爲邢州理。夷儀嶺在縣北一百五十里。春秋僖五年，邢遷于夷儀，卽此。

上沙河縣。漢襄國縣地。隋開皇十六年，置沙河縣，屬襄國郡。唐武德元年，置溫州，四年，州廢，來屬。有湯水。上鉅鹿縣。本漢南縣，屬鉅鹿郡。後漢因之。晉省焉。隋於南縣故城置鉅鹿縣，屬襄國郡。唐武德四年，屬趙州。正觀元年，來屬。有禹貢大陸澤。

上平鄉縣。本鉅鹿縣。秦始皇二十五年，滅趙，以爲鉅鹿郡。秦將王離圍趙王歇於此。漢因之。後漢及晉，徙治廩陶，而鉅鹿屬焉。北齊縣廢。隋置平鄉縣，屬襄國郡。唐屬邢州。皇朝熙寧六年，入省鉅鹿。元祐元年，復置。

上內丘縣。本中丘縣。漢屬常山郡。後漢屬趙國。晉因之。元魏屬南趙郡。隋曰內丘，屬襄國郡。唐武德四年，屬趙州。五年，來屬。有干言山。詩所謂出宿于干，飲餞于言，是也。

中堯山縣。本柏人。春秋晉邑也。漢屬趙國。高帝過趙，欲宿，心動，問縣名何。曰柏人。上曰柏人者，迫於人也。去弗宿。趙相貫高等果有逆謀。後漢及晉皆屬趙國。元魏屬南趙郡。隋屬襄國郡。唐屬邢州。天寶元年，改爲堯山。皇朝熙寧六年，省入內丘。元祐元年，復置。

中南和縣。漢屬廣平國。後漢屬鉅鹿郡。晉省之。後復置。後周置南和郡。隋開皇初，郡廢，屬襄國郡。唐屬邢

州。

中任縣。春秋晉邑也。鄭皇頡奔晉，爲任大夫。漢屬廣平國。後漢屬鉅鹿郡。晉省之。隋開皇十六年，復置，屬襄國郡。大業初，省入南和。唐武德四年，復置，屬邢州。皇朝熙寧五年，省入南和。元祐元年，復置。

雄懷州。禹貢覃懷之地。太行山在焉。春秋時，周襄王以陽樊溫原攢茅之國，賜晉文公。晉於是始啓南陽。又云，武王克商，蘇忿生以溫爲司寇，其田有隕懷，是也。戰國時，屬魏，兼屬衛。秦滅衛，徙其君角於野王。二世廢角爲庶人，以其地屬三川郡。項羽立司馬邛爲殷王，都此。漢初，爲殷國，尋更名河內郡。後漢因之。晉分屬汲郡。後魏置懷州，兼置河內郡。隋初，郡廢，而懷州如故。煬帝初，州廢，復置河內郡。唐爲懷州。天寶初，曰河內郡。今縣三。

緊河內縣。本野王。秦始皇徙衛君角於此，阻其山而保之。漢屬河內郡。後漢因之。晉爲郡治。後魏兼置懷州。隋開皇十六年，改野王爲河內。唐爲懷州。西北三十里有邗城，故邗國也。周武王子所封。太行山在西北。武德鎮，本秦縣。始皇東巡，自以武德定天下，因以名縣焉。二漢屬河內郡。晉爲郡治。後置武德郡。隋開皇初，郡廢。十八年，改州縣爲邢丘。大業初，又改曰安昌，屬河內郡。唐武德二年，復名武德，屬懷州。皇朝熙寧六年，省入河內。漢射犬縣故城在北。平臯縣故城在西。

中武陟縣。本漢懷縣地。隋開皇十六年，析置武陟。大業初，省焉。唐武德二年，置陟州，及修武縣。四年，州廢，改修武爲武陟。屬懷州。故懷縣，本禹貢覃懷之地。後爲晉邑。春秋時，赤狄伐晉，圍懷，是也。二漢爲河內。

郡。晉屬河內。隋大業初廢之。後復置。唐正觀元年省入武陟。故城在今縣之西。

上修武縣。本商之寧邑。周武王伐紂。勒兵於寧。更名修武。晉始啓南陽。卽此。故有南陽城。二漢屬河內郡。晉屬汲郡。隋屬河內郡。唐武德四年改修武爲武陟。而別置修武縣於隋修武故城。屬懷州。漢山陽縣。屬河內郡。後漢、晉皆因之。魏阮籍。嵇康等同居山陽。時人號竹林七賢。後縣廢。故城在今縣西北。有雍城。故雍國。周文王子所封。左傳僖二十四年。富辰曰。郟、雍、曹、滕。文之昭也。有濁鹿城。漢獻帝爲山陽公。居此。

望衛州。春秋時分屬於晉、衛。戰國時屬魏。秦屬三川郡。二漢屬河內郡。魏置朝歌郡。晉改爲汲郡。後魏因之。東魏置義州。後周改爲衛州。又置修武郡。隋初郡廢。煬帝初州廢。復置汲郡。唐爲衛州。天寶元年曰汲郡。今縣四。

中汲縣。故商都牧野之邑。水經注云。太公生於汲城北三十里。有太公泉。泉上有太公廟。相傳云太公之

故居也。二漢屬河內郡。魏屬朝歌郡。晉爲汲郡治焉。太康初縣人有發魏安釐王冢。大得古書。皆簡編

科斗文字。所謂汲冢書也。北齊置五城郡。後周廢爲五城縣。隋開皇六年復改爲汲。屬汲郡。唐屬衛州。

上獲嘉縣。本漢汲縣地。武帝時南越相呂嘉反。發兵討之。元鼎六年行幸至汲。新中鄉得呂嘉首。因以爲

獲嘉縣。屬河內郡。後漢因之。晉屬汲郡。後周置修武郡。隋開皇初郡廢。十六年置殷州。大業初州廢。屬

河內郡。唐屬衛州。

緊新鄉縣。隋開皇初析汲獲嘉二縣於古新樂城置。屬河內郡。唐屬衛州。皇朝熙寧六年省入汲。元祐三年復置。東北有故臨清關。東南有故延津關。

中共城縣。故共國。左傳隱元年鄭太叔出奔共是也。二漢屬河內郡。晉屬汲郡。北有共山。隱者孫登所處。北齊縣廢。隋開皇六年復置曰共城。屬河內郡。唐屬衛州。

望洛州。春秋時爲赤狄所有。後屬晉。戰國時屬趙。秦屬邯鄲郡。漢置廣平國。後漢國廢爲鉅鹿郡之西部。魏置廣平郡。晉及後魏皆因之。後周置洛州。隋大業初置武安縣。後爲洛州。天寶元年曰廣平郡。今縣五。上永年縣。本曲梁。左傳宣十五年晉荀林父敗赤狄于曲梁是也。漢屬廣平國。後漢屬魏郡。魏晉屬廣平郡。北齊省曲梁入廣平縣。廣平漢爲國治。自魏至隋皆爲郡。隋仁壽元年避太子名改廣平曰永年。爲武安郡治。唐爲洛州。漢廣平縣故城在今縣北臨洛鎮。本漢易陽縣。屬趙國。後漢因之。晉屬廣平郡。東魏屬魏郡。隋開皇六年改易陽曰邯鄲。十年改邯鄲爲臨洛。屬武安郡。唐屬洛州。皇朝熙寧六年省入永年。

望肥鄉縣。漢爲邯溝縣地。屬魏郡。曹魏置肥鄉縣。屬廣平郡。晉因之。東魏省焉。隋開皇十六年復置。屬武安郡。唐屬洛州。漢列入縣。屬廣平國。後漢屬鉅鹿郡。晉屬廣平郡。故城在今縣東北。

緊平恩縣。本漢館陶之別鄉。元帝分置平恩。以封后父許伯爲侯國。屬魏郡。後漢因之。晉及元魏屬廣平郡。隋屬武安郡。唐屬洛州。

中雞澤縣。春秋襄三年公會諸侯同盟于雞澤。漢爲曲梁縣地。隋開皇初置雞澤縣。屬洺州。大業初省入永年。唐武德四年復置。杜預注左傳云。雞澤在曲梁西南。曲梁今永年也。此縣在永年東北。疑非古雞澤地矣。

上曲周縣。漢武帝建元四年置。屬廣平國。東漢屬鉅鹿郡。晉省之。唐武德四年復置。屬洺州。皇朝熙寧三年省入雞澤。元祐四年復置。洺水鎮。本漢斥漳縣。屬廣平國。後漢屬鉅鹿郡。魏晉屬廣平郡。北齊省入平恩。隋復置。改曰洺水。屬武安郡。唐屬洺州。會昌三年省入曲周。

望深州。春秋時屬晉。戰國時屬魏。秦屬鉅鹿郡。漢屬信都國。後漢屬安平國。魏晉爲博陵國。後魏北齊後周爲博陵郡。隋開皇初郡廢。十六年置深州。大業初廢。屬博陵郡。唐武德四年置深州。正觀十七年州廢。先天二年復置。天寶元年曰饒陽郡。今縣五。

望靜安縣。本下博。漢屬信都國。後漢屬安平國。光武避王郎。自饒陽南出。至下博城西。惶惑不知所之。有白衣老父在道旁。指曰。努力。信都爲長安守。去此八十里。光武卽馳赴之。晉亦屬安平國。隋屬信都。唐初屬冀州。後來屬。後周爲州治焉。皇朝太平興國八年置靜安軍。雍熙二年軍廢。還屬。三年縣省。四年復置。改爲靜安。故陸澤縣。本鄆。漢屬鉅鹿郡。後漢作鄆。晉屬趙國。唐先天二年析饒陽鹿城於故鄆城。置陸澤縣。爲深州治所。後周徙治靜安。皇朝雍熙四年省入焉。有禹貢大陸澤。

望東鹿縣。本漢鄆縣地。屬鉅鹿郡。北齊改郡曰安國。隋開皇六年改曰安定。十八年改曰鹿城。屬信都郡。

唐屬深州。天寶十五載改曰東鹿。五代時屬真定國。皇朝淳化元年來屬。漢貫縣故城在西南。

望安平縣。漢屬涿郡。後漢屬安平國。魏晉爲博陵國治焉。北齊置博陵郡。隋開皇初郡廢。十六年置深州。

大業初州廢。屬博陵郡。唐武德四年屬深州。正觀十七年還故屬。先天二年來屬。

望饒陽縣。漢屬涿郡。後漢屬安平國。魏晉屬博陵國。後魏屬博陵郡。隋開皇中分置安平、蕪蕪二縣。大業

初省入焉。屬河間郡。唐武德四年置深州治此。正觀十七年州廢。屬瀛州。先天二年置州。復來屬。而州

徙治陸澤焉。東北有無萋亭。漢光武避王郎於此。

望武彊縣。本武隧。秦破趙將扈輒於武隧。卽此。漢屬河間國。後漢屬安平國。晉因之。後分置武彊縣。元魏

屬武邑郡。隋開皇初郡廢。省武遂入焉。屬信都郡。唐初屬冀州。正觀元年屬深州。十七年屬冀州。先天

二年復來屬。開元二年屬冀州。永泰元年又來屬。唐末屬冀州。五代時又來屬。

輿地廣記卷第十二

〔原闕二十五行每行二十四字〕屬趙州。唐初屬定州。大曆三年屬恆州。皇朝端拱元年來屬。

中深澤縣。漢曰南深澤。屬涿郡。後漢屬安平國。晉屬博陵國。元魏屬博陵郡。北齊廢之。隋開皇六年復置。曰深澤。屬博陵郡。唐屬定州。景祐二年屬祁州。皇朝熙寧六年省入鼓城。元祐元年復置。

望趙州。春秋時屬晉。戰國屬趙。秦屬邯鄲郡。漢屬恆山。鉅鹿郡。後漢因之。兼置冀州。晉爲趙國。後魏爲趙郡。明帝兼置殷州。北齊改爲趙州。隋改爲欒州。後復爲趙郡。唐爲趙州。天寶元年曰趙郡。皇朝崇寧四年升慶源軍節度。今縣五。

望平棘縣。二漢屬常山郡。晉屬趙國。後魏爲趙郡治焉。隋開皇初郡廢。大業初復置。唐屬趙州。宋子縣。昔秦高漸離匿作於宋子。擊筑而歌。卽此地。漢屬鉅鹿郡。後漢省之。元魏復置。屬鉅鹿郡。隋大業初省人平棘。故城在今縣北。

望寧晉縣。本廩陶縣地。漢屬鉅鹿郡。後漢、晉、元魏爲郡治焉。隋屬趙郡。唐屬趙州。天寶元年改爲寧晉。上臨城縣。本晉邑。左傳哀四年趙稷奔臨是也。二漢爲房子縣。屬常山郡。晉爲趙國治焉。元魏屬趙郡。北齊省之。隋開皇六年復置。屬趙郡。唐屬趙州。天寶元年改爲臨城。有泚水。韓信斬成安君於此。

中隆平縣。本廣阿。漢屬鉅鹿郡。後漢省之。元魏復置。屬趙郡。兼置殷州。後改爲趙州。隋開皇十六年置欒

州仁壽元年改廣阿爲象城。大業初州廢。改縣爲大陸。屬趙郡。唐屬趙州。武德四年復改爲象城。天寶元年改爲昭慶。以有建初啓運二陵故也。皇朝開寶五年改爲隆平。熙寧六年省入臨城。元祐元年復置。

中高邑縣。本曰鄆。晉邑也。左傳哀四年齊國夏伐晉取鄆。卽此。漢屬常山郡。後漢光武卽位於此。更名高邑。爲冀州刺史治焉。晉屬趙國。元魏及隋屬趙郡。唐屬趙州。栢鄉鎮。漢縣。屬鉅鹿郡。後漢省之。隋開皇十六年復置。屬趙郡。唐屬趙州。皇朝熙寧五年省入高邑。贊皇鎮。隋開皇十六年置。取贊皇山爲名。屬趙郡。唐屬趙州。皇朝熙寧五年省入高邑。

下保州。五代以上地理與莫州同。皇朝置保塞軍。後升爲保州。政和三年爲清苑郡。縣一。望保塞縣。本漢涿郡之樊輿。中山之北新城地。後廢置不常。北齊省入永寧縣。改爲樂鄉。隋開皇十八年改爲清苑。屬河間郡。唐屬瀛州。景雲二年屬莫州。皇朝建隆元年以縣地置保塞軍。太平興國六年升爲保州。改清苑爲保塞縣。

同下州安肅軍。自五代以上地理與易州同。皇朝置靜戎軍。後改爲安肅軍。今縣一。

中安肅縣。本易州遂城縣地。皇朝太平興國六年以遂城之宥戎。改置靜戎軍及靜戎縣。景德元年改軍與縣皆爲安肅焉。

同下州永寧軍。自五代以上地理與中山府同。皇朝置寧邊軍。後改爲永寧軍。今縣一。

望博野縣。本蠡吾。漢屬涿郡。後漢屬中山國。桓帝父蠡吾侯葬此。追尊爲孝崇皇。其陵曰博陵。因分置博陵縣。晉改曰博陸。爲高陽國治。後魏改爲博野。北齊省蠡吾入焉。隋屬河間郡。唐武德四年。置蠡州。正觀元年。州廢。屬瀛州。永泰中。屬深州。周屬定州。皇朝熙寧四年。以博野縣地置寧邊軍。景德元年。改永定。天聖四年。改永寧。

同下州廣信軍。自五代以上。地理與易州同。皇朝置威虜軍。後改爲廣信軍。今縣一。

中遂城縣。本北新城。漢屬中山國。後漢屬涿郡。晉屬高陽國。後曰武遂。北齊改曰新昌。隋開皇十八年。改曰遂城。屬上谷郡。唐屬易州。皇朝太平興國六年。置威虜軍。景德元年。改曰廣信。

中下州順安軍。自唐以上。地理與瀛州同。如意元年。析河間縣置武興。屬瀛州。神龍元年。更名唐興。景雲二年。屬莫州。五代時屬瀛州。後廢焉。皇朝太平興國七年。以廢唐興縣地置唐興寨。淳化三年。升爲順安軍。今縣一。

中高陽縣。漢屬涿郡。後漢屬河間國。晉屬高陽國。後置高陽郡。隋開皇初。郡廢。十六年。置蒲州。大業初。州廢。屬河間郡。唐武德四年。置蒲州。正觀元年。州廢。屬瀛州。皇朝至道三年。屬順安軍。

河北路化外州

安東上都護府。春秋戰國。屬燕。秦立遼東。二漢因之。漢末。爲公孫度所據。魏晉。亦爲遼東郡。後慕容廆居之。後魏時。高麗國都其地。唐總章元年。李勣平高麗。得城百七十六。分其地爲都督府九州四十二縣。一

百置安東都護府於平壤城以統之。用其會渠爲都督刺史縣令。上元三年徙遼郡故城。儀鳳二年又徙新城。聖曆元年更名安東都督府。神龍元年復故名。開元二年徙于平州。天寶二年又徙于遼西故郡城。至德後廢。領羈縻州十四。

新城州都督府

遼城州都督府

哥勿州都督府

建安州都督府

南蘇州

木底州

蓋牟州

代那州

倉巖州

磨米州

積利州

黎山州

延津州

安市州

大都督幽州。武王封召公奭於燕。都此。及秦滅燕。以爲上谷郡。漢高帝分立燕國。昭帝元鳳元年爲廣陽郡。宣帝太始元年更爲國。東漢建武中併入上谷郡。永平八年復立爲郡。兼立幽州。魏晉爲燕國。前燕慕容儁初都其地。元魏立幽州及燕郡。北齊置東北大道行臺。後周平齊置摠管府。隋開皇初郡廢。大業初府廢。立涿郡。唐武德元年爲幽州。天寶元年曰范陽郡。升爲盧龍軍。領縣九。

望薊縣。周武王克商封帝堯之後於薊。又封召公於北燕。其後燕國都薊。與六國俱稱王。爲秦所滅。屬上谷郡。二世時韓廣自立爲燕王。項氏封臧荼。漢高帝封盧綰。相繼爲王。皆都其地。後改爲廣陽國。東漢爲郡。兼立幽州。魏晉爲燕國。前燕慕容儁自和龍徙都於此。後又徙鄴。元魏亦爲幽州及燕郡。隋煬帝

立涿郡。唐爲幽州。

望幽都縣。本薊縣地。隋於營州之境。汝羅故城。置遼西郡。以處粟末靺鞨降人。武德元年。曰燕州。領遼西、盧河、懷遠三縣。是年。省盧河。六年。自營州遷于幽州城中。以首領世襲刺史。正觀元年。省懷遠。開元二十五年。徙治幽州北桃谷山。天寶元年。曰歸德郡。建中二年。爲朱滔所滅。因廢爲縣。與薊分治郭下。在府北一里。

上廣平縣。天寶元年。析薊置。三載。省。至德後。復置。

上潞縣。二漢屬漁陽郡。晉屬燕國。元魏屬漁陽。後爲郡治。隋開皇初。郡廢。屬涿郡。唐武德二年。自無終徙漁陽郡於此。置玄州。正觀元年。州廢。來屬。

上武清縣。本雍奴。二漢屬漁陽郡。晉屬燕國。隋屬涿郡。唐屬幽州。天寶元年。更名。

緊永清縣。本武隆。唐如意元年。析安次置。景雲元年。曰會昌。天寶元年。更名。

上安次縣。漢屬渤海郡。東漢屬廣陽郡。晉屬燕國。元魏屬燕郡。隋屬涿郡。唐屬幽州。

望良鄉縣。漢屬涿郡。晉屬范陽國。元魏屬燕郡。隋屬涿郡。唐屬幽州。聖曆元年。改曰固節。神龍元年。復故名。有大防山。

望昌平縣。漢屬上谷郡。東漢屬廣陽郡。晉屬燕國。元魏省。後置東燕州及平昌郡。後周州郡皆廢。後又置平昌郡。隋開皇初。郡廢。屬涿郡。唐因之。北十五里有軍都陁。西北三十五里有納款關。卽居庸故關。亦

謂之軍都關。其北有防禦軍。古夏陽川也。有狼山。

上涿州。歷代地理與幽州同。漢高帝立涿郡。東漢因之。魏文帝更名范陽郡。晉武帝改爲范陽國。以封宣帝弟子綏爲王。元魏北齊後周復爲郡。隋開皇初郡廢。屬涿郡。唐大曆四年節度使朱希彩表分幽州置後曰涿郡。領縣四。

上范陽縣。本涿縣。漢屬涿郡。魏范陽郡。晉曰范陽國。元魏以後復爲郡。隋開皇初廢。屬涿郡。唐武德七年改涿縣曰范陽。屬幽州。後分置涿州。

上固安縣。本漢方城縣地。屬廣陽國。東漢屬涿郡。晉屬范陽國。元魏屬范陽郡。□□唐正觀元年。自章信城移固安縣治此。屬幽州。後來屬。

上新昌縣。漢屬涿郡。東漢省之。唐大曆四年析固安復置。

上新城縣。本漢涿縣地。唐大和六年析范陽置。有督亢陂溉田。號爲膏腴。燕太子丹使荆軻以督亢地圖獻秦王。卽此。

上易州。歷代地理與幽州同。秦屬上谷郡。二漢屬涿郡。魏屬范陽郡。晉屬范陽國。元魏復屬范陽郡。隋開皇初立易州及黎郡。尋廢。大業初州廢。立上谷郡。唐爲易州。天寶元年曰上谷郡。領縣四。

上易縣。本漢故安縣。屬涿郡。魏晉元魏屬范陽郡。北齊省故安縣。隋立易州及易縣。又立上谷郡。唐因之。漢故安縣故城在今縣南。易水所出。燕太子丹送荆軻入秦。祖道於水上。軻起爲壽歌曰。風蕭蕭兮易

水寒壯士一去兮不復還卽此

上涑水縣本二漢灑縣屬涿郡晉屬范陽國元魏屬范陽郡後周省之隋開皇元年置范陽縣屬易州六年改曰固安八年省十年置永陽縣十八年改爲涑水唐因之

中滿城縣漢北平縣地屬中山國元魏置永樂縣爲樂浪郡僑治北齊屬黎郡隋開皇三年郡廢屬易州唐天寶元年更名滿城有郎山

中下五回縣唐開元二十三年析易縣置并置樓亭板城二縣天寶後二縣省

下檀州歷代地理與幽州同秦爲漁陽右北平二郡地二漢因之元魏立密雲廣陽安樂三郡兼立安州北齊廢密雲廣陽二郡人安樂後周改州爲玄州隋開皇初郡廢十六年州徙尋立檀州大業初州廢復爲安樂郡唐武德元年復爲檀州天寶元年曰密雲郡領縣二

中密雲縣本二漢庠奚縣地屬漁陽郡後省元魏立密雲郡及密雲縣北齊郡廢屬安樂郡省白檀要陽二縣入焉隋屬檀州後屬安樂郡唐自燕樂徙檀州治焉元魏又立安樂郡領安市土垠二縣北齊省土垠入安市後周省安市人密雲隋開皇初郡廢故白檀要陽二縣漢屬漁陽郡東漢省之元魏復置分屬故土垠縣二漢及晉屬右北平郡元魏屬漁陽郡後分屬

中燕樂縣元魏置屬廣陽郡兼立安州北齊郡廢屬安樂郡省廣興方城二縣入焉後周改州曰玄州隋徙玄州尋立檀州後爲安樂郡唐屬檀州

下薊州。歷代地理與幽州同。秦爲漁陽、右北平二郡地。漢因之。後廢。隋文帝徙玄州於此。并立摠管府。煬帝初置漁陽郡。唐武德元帝郡廢入幽州。開元十八年分立薊州。天寶元年曰漁陽郡。領縣三。

中漁陽縣。漢舊縣。屬漁陽郡。晉省之。復置。元魏屬漁陽郡。後又省。隋末復置。唐屬幽州。開元十八年析置薊州。有鮑丘水。

中三河縣。唐開元四年析潞州置。

中玉田縣。本無終。春秋無終子國也。二漢及晉屬右北平郡。元魏屬漁陽郡。後省。北齊復置。隋爲漁陽郡。治。後省。唐武德二年復置。屬幽州。正觀元年省。乾封二年復置。萬歲通天元年更名神龍元年屬營州。開元四年還屬幽州。八年屬營州。十一年又屬幽州。十八年來屬。搜神記曰。雍伯。雒陽人。性至孝。父母沒。葬之於無終山。山高八十里。而上無水。雍伯置飲焉。有人就飲。與石一斗。令種之。□□於種石處。名曰玉田。後因以名縣。故徐無縣。二漢及晉屬右北平郡。元魏屬漁陽郡。後周廢人無終。

上媯州。歷代地理與幽州同。秦立上谷郡。二漢因之。晉太康中分立廣寧郡。元魏曰廣寧郡。北齊立北燕州。及長寧、永豐二郡。後周去北字。隋開皇初郡廢。大業初州廢。入涿郡。唐武德七年平高開道。立北燕州。正觀八年更名天寶元年曰媯川郡。領縣一。

上懷戎縣。本二漢潘縣。屬上谷郡。晉屬廣寧郡。北齊改置懷戎縣。及立北燕州。後周曰燕州。唐爲北燕州。後改曰媯州。天寶中析置媯川縣。尋省。媯水貫中。故涿鹿縣。二漢屬上谷郡。晉屬廣寧郡。後省。昔黃帝

與蚩尤戰於涿鹿。卽此涿鹿城東一里有阪泉。黃帝與炎帝戰於阪泉。卽此東北五十里有居庸塞。東連盧龍。碣石。西屬太行。常山。實天下之險。有鐵門關。有磨笄山。趙襄子滅代。其姊磨笄自殺。因爲名。代人憐之。爲立祠。

下平州。商時爲孤竹國。春秋時山戎。肥子。二國地。戰國屬燕。秦爲遼西。右北平。二郡地。二漢因之。晉屬遼西郡。元魏屬遼西。北平。二郡。兼立平州。北齊廢遼西。入北平。隋開皇初。郡廢。大業初。州廢。復爲北平郡。唐武德二年。曰平州。天寶元年。曰北平郡。領縣三。

中盧龍縣。本肥如。春秋晉滅肥。肥子奔燕。受封於此。故曰肥如。二漢及晉屬遼西郡。元魏爲郡治。兼立平州。北齊屬北平郡。隋開皇六年。省肥如。入新昌。十八年。改新昌曰盧龍。爲郡治焉。唐爲平州。故令支縣。二漢屬遼西郡。晉省之。有孤竹故城。伯夷叔齊讓國於此。漢靈帝時。遼西太守廉翻夢人謂己曰。余孤竹君之子。伯夷之弟也。遼海漂吾棺槨。聞君仁善。願見藏覆。明日視之。水上有浮棺。吏笑者無疾而死。於是改葬之。爲立祠焉。有盧龍塞道。自無終縣東出。渡濡水。向林蘭陁。東越清陁。至凡城。二百許里。自凡城東北出。趨平疋故城。可百八十里。向黃龍則五百里。故魏志言田疇引軍出盧龍塞。逕白檀。歷平疋。登白狼。望柳城。是也。有濡河。

中石城縣。本臨渝。二漢屬遼西郡。晉省入陽樂。隋末。復置。唐武德七年。省。正觀十五年。復置。萬歲通天二年。更名。故桑縣。漢屬遼西郡。故驪成縣。漢屬右北平郡。東漢皆省焉。有禹貢碣石山。秦皇漢武皆登之。

以望巨海。其石碣然而立。在海旁。故名之。晉太康地志云。秦築長城。所起自碣石。在今高麗界。非此碣石也。有臨渝關。

中馬城縣。本海陽縣地。二漢及晉皆屬遼西郡。唐開元二十八年。置馬城縣。以通水運。

上都督府營州。商時孤竹國地。春秋時屬山戎。戰國屬燕。秦屬遼西郡。二漢及晉因之。前燕慕容皝自徒河之青山徙都于此。後燕慕容寶。北燕馮跋。亦都焉。元魏立營州。領昌黎、建德、遼東、樂浪、冀陽、營丘、六郡。北齊廢昌黎、遼東、樂浪、營丘併入建德、冀陽二郡。後周平齊。其地爲高寶寧所據。隋開皇初克之。大業初州廢。立遼西郡。唐武德元年。曰營州。萬歲通天元年。爲契丹所陷。聖曆二年。僑治漁陽。開元五年。又還治柳城。天寶元年。曰柳城郡。領縣一。

中柳城縣。漢屬遼西郡。爲西部都尉治。東漢省。慕容皝以柳城之北。龍山之南。福德地也。乃營建都邑。改柳城曰龍城。而徙居於此。時有黑龍自龍各一。闕於龍山。皝親觀之。祭以太牢。二龍交首嬉翔。解角而去。皝悅。號新宮曰和龍宮。後慕容寶馮跋相繼都焉。元魏立營州。及昌黎郡。北齊廢郡。隋開皇初。改龍城縣曰龍山。十八年。復改曰柳城。後立遼西郡。唐曰營州。漢交黎縣。屬遼西。故城在東南。徒河縣。屬遼西。故城在東北。青山。慕容廆所據。在東百九十里。棘城。高陽氏之墟。在東南百七十里。鮮卑山。在東南二百里。有鷄鳴山、白狼水。

輿地廣記卷第十三

陝西永興軍路上

次府京兆府。本周室所居。謂之宗周。平王東遷。地入于秦。至孝公徙都焉。始皇置內史。漢元年。尉蹇國。二年。爲渭南郡。高帝都此。九年。復爲內史。武帝建元六年。分爲右內史。太初元年。更爲京兆尹。王莽旣敗。更始赤眉相繼據之。後漢都洛陽。仍以此爲京兆尹。獻帝亦嘗都此。魏改尹爲太守。後改爲秦國。復爲京兆國。晉爲京兆郡。兼置雍州。愍帝亦都之。其後爲劉曜符堅姚興所據。後魏亦爲京兆郡。兼置雍州。後周復爲京兆尹。隋初置雍州。後改爲京兆郡。唐初爲雍州。開元元年。改爲京兆府。後周、隋、唐皆爲帝都。昭宗遷洛。廢爲佑國軍。梁初改京兆府曰大安。佑國軍曰永平軍。後唐復爲西京。晉廢爲晉昌軍。漢改曰永興軍。今縣十五。

次亦長安縣。本周周之地。文王作豐。今縣西北靈臺鄉豐水上是也。武王作鎬。今昆明池北鎬陂是也。秦爲咸陽縣地。漢高帝五年置長安縣。惠帝元年城之。經緯各長十五里。城中皆屬長安。今長安故城是也。後漢因之。晉及後魏爲京兆郡。後周都焉。隋開皇三年。自漢長安故城東南移二十里。置新都。前直子午谷。後枕龍首山。左臨灞岸。右抵澧水。唐因之。有終南山、澧水、鎬水。

次亦萬年縣。本漢長安縣地。後周始於長安城中置萬年縣。取漢縣爲名。隋文帝龍潛。封號大興。開皇三

年改曰大興縣。唐武德元年復故名。漢杜陵縣。故杜伯國。周成王滅唐而遷之於此。宣王以無罪殺杜伯。杜伯之神射王于緡。故有周右軍將杜主祠。秦武公十一年縣之。漢宣帝以杜東原上爲初陵。故更名杜爲杜陵。屬京兆尹。後漢及晉因之。後魏改曰杜城。後周廢之。故城在今縣南。漢霸陵縣。本秦芷陽。文帝葬其上。改曰霸陵。陵在霸水之西。霸水故滋水也。秦穆公更名以顯霸功。晉曰霸城。後魏曰西霸城。後周廢之。故城在今縣東南。漢南陵縣。故城在今縣東南。有白鹿原。長樂陂。本滻坡。隋文帝更名。有灑水。滻水。

次畿鄠縣。古有扈國。有甘水。出南山甘谷。北入渭。秦孝文王起萇陽宮於此。二漢屬右扶風。晉屬始平郡。隋屬京兆郡。唐因之。

次畿藍田縣。漢屬京兆尹。後漢、晉皆因之。後周置藍田郡。尋廢。隋屬京兆郡。唐因之。南有藍田關。故嶢關也。漢高帝自武關攻秦。用張良計破秦於此。

次畿咸陽縣。秦孝公十二年作咸陽。築冀闕。自櫟陽徙都之。其後始皇以爲咸陽人多。先王之宮庭小。吾聞鑄之間。帝王之都也。乃營作朝宮。渭南上林苑中。先作前殿阿房。東西五百步。南北五十丈。爲複道。自阿房渡渭。屬之咸陽。以象天極。閣道絕漢。抵營室。云後項籍屠咸陽。燒其宮室。漢高帝元年更名新城。七年罷屬長安。武帝元鼎三年別爲渭城縣。屬右扶風。後漢省之。唐武德元年析涇陽。始平。置咸陽縣。屬京兆府。秦咸陽故城在縣東十五里。漢渭城故城在今縣東北。故杜郵也。秦白起遷陰密。出咸

陽西門十里至杜郵。賜死卽此地。漢長陵縣。高帝所葬。屬左馮翊。後漢屬京兆尹。晉省之。故城在今縣境。

次畿醴泉縣。漢谷口縣。屬左馮翊。故城在今縣北。鄭子真其縣人也。後漢省之。後魏置寧夷縣。西魏置寧夷郡。後周改爲秦郡。後廢。隋開皇十八年改縣曰醴泉。屬京兆郡。唐因之。有九畹山。

次畿涇陽縣。本秦故縣。昭王封其弟涇陽君於此。二漢及晉爲池陽縣地。後置涇陽縣及咸陽郡。隋開皇初郡廢。屬京兆郡。唐因之。有焦護澤。謂之瓠中。

次畿櫟陽縣。秦獻公自雍徙居櫟陽。而天雨金。周太史儋見獻公曰。周故與秦國合而別。別五百歲復合。七十歲而霸王出焉。項羽立司馬欣爲塞王。都此。漢高帝初取。亦嘗居之。太上皇葬櫟陽。起萬年陵。因分置萬年縣。後漢省櫟陽入萬年。晉屬京兆郡。後周徙萬年置於長安城中。而移廣陽縣置於故萬年城。隋開皇三年改萬年爲大興。而復改廣陽爲萬年。屬京兆郡。唐武德元年復改大興爲萬年。而改萬年爲櫟陽。屬京兆府。

次畿高陵縣。本秦故縣。昭王封弟高陵君於此。二漢屬左馮翊。魏文帝改曰高陸。晉屬京兆郡。隋大業初復改曰高陵。屬京兆郡。唐屬京兆府。

次畿興平縣。本周犬丘。懿王都之。秦改曰廢丘。項羽立章邯爲雍王。都此。漢高帝三年更名槐里。屬右扶風。晉置始平郡。後置扶風郡。而改槐里曰始平縣。隋開皇初郡廢。屬京兆郡。唐屬京兆府。景龍四年中。

宗送金城公主入蕃。別於此。因改曰金城縣。至德二年。改曰興平。

次畿臨潼縣。驪山在南。故驪戎國。周幽王遇犬戎之禍於此。秦曰驪邑。漢高帝七年。太上皇思東歸。高帝於是改築城寺街里。以象豐徙豐民以實之。命曰新豐。屬京兆尹。後漢及晉皆因之。唐屬京兆府。垂拱二年。改曰慶山。神龍元年。復故名。三年。析新豐。萬年。置會昌縣。七年。省新豐入焉。改曰昭應。屬京兆府。皇朝大中祥符八年。改曰臨潼。唐置宮在驪山下。咸亨二年。始名溫泉宮。天寶元年。更名驪山曰會昌山。六年。更名溫泉曰華清宮。宮治湯井爲池。環山列宮室。又築羅城。置百司及十宅焉。有鴻門。漢高帝會項羽於此。有戲水。陳涉遣將周章西入關。至戲是也。

次畿武功縣。本部邑。后稷所封。郃亦作獮。漢屬右扶風。後漢省入郿。武功亦漢縣。本在渭南。屬右扶風。後漢因之。晉屬始平郡。後周置武功郡。建德中郡廢。而置武功於故獮城。今縣是也。隋屬京兆郡。唐屬京兆府。漢美陽縣。屬右扶風。後漢及晉皆因之。後周省入武功。故城在今縣北七里。有太壹山。禹貢所謂終南。有垂山。禹貢所謂敦物也。

次畿乾祐縣。本安業縣。唐萬歲通天元年。析商州之豐陽置。景龍三年。屬雍州。景雲元年。屬商州。乾元元年。改爲乾元縣。漢曰乾祐。屬京兆府。

次畿奉天縣。唐文明元年。析醴泉。始平。好畤。武功。永壽置。以奉乾陵。陵在北五里。屬京兆府。德宗避涇卒之亂。出居於此。爲朱泚所圍。賴渾瑊扞城。得以不陷。乾寧二年。以縣置乾州。皇朝熙寧五年。州廢。復來。

屬。

次畿終南縣。本漢蓋屋縣地。唐武德二年。析置終南縣。正觀八年。省。後爲清平鎮。皇朝大觀二年。復置。次府河中府。周時爲魏國。春秋時屬晉。以封大夫畢萬。戰國時魏惠王徙都大梁。而其地入秦。後置河東郡。二漢。晉皆因之。兼置雍州。後魏改爲秦州。後周改爲蒲州。隋初郡廢。煬帝初州廢。復置河東郡。唐初爲蒲州。開元八年。置中都。爲府。是年罷都爲州。乾元三年。復爲河中府。尋罷。後爲河中節度。皇朝太平興國七年。改爲護國軍。今縣八。

次赤河東縣。故蒲坂。舜之所都。有歷山。媯汭水。春秋文十二年。晉人秦人戰于河曲。在縣南。戰國屬魏。秦昭襄王四年。取蒲坂。後屬河東郡。二漢及晉因之。後魏。後周皆爲郡焉。隋開皇初郡廢。十六年。析置河東縣。大業初。復置郡。省蒲坂入焉。唐初爲蒲州。後爲河中府。

次畿臨晉縣。本桑泉。左傳僖二十四年。晉公子重耳濟河入桑泉。是也。漢爲解縣地。隋開皇十六年。析猗氏置桑泉縣。屬河東郡。唐屬河中府。天寶十三年。改爲臨晉。解本春秋時解梁。二漢及晉屬河東郡。後徙焉。故城在今縣東南。

次畿猗氏縣。本令狐。左傳僖二十四年。晉公子重耳濟河。圍令狐。是也。縣南對澤。卽猗頓之故居。頓魯之窮士。聞朱公富。往問術焉。朱公曰。子欲速富。當畜五特。於是乃適西河。大畜牛羊。十年之間。其畜不可計。費擬王公。故遂以猗氏名縣。漢屬河東郡。後漢。晉皆因之。西魏改曰梁泉。後周復故。隋屬河東郡。唐

屬河中府。有郇城。周文王子所封。詩所謂郇伯勞之者也。

次畿虞鄉縣。本漢解縣地。元魏分置虞鄉縣。隋因之。唐武德元年。改虞鄉爲解縣。而於解西五十里別置虞鄉縣。屬蒲州。後屬河中府。

次畿萬泉縣。唐武德三年。析稷山、安邑、猗氏、汾陽、龍門置。屬絳州。大順二年。來屬。

次畿龍門縣。古耿國。商祖乙自相徙居之。春秋時。晉獻公滅耿。以賜大夫趙夙。戰國時屬魏。爲皮氏縣。秦惠王渡河取皮氏。二漢屬河東郡。魏晉屬平陽郡。後魏改爲龍門。兼置郡。隋開皇初。郡廢。屬河東郡。唐武德二年。秦州徙治此。正觀十七年。州廢。屬絳州。元和初。來屬。有龍門山。禹貢所謂導河積石。至于龍門。是也。

次畿榮河縣。本魏之汾陰縣。秦惠王渡河取汾陰。卽此。漢屬河東郡。武帝立后土祠於汾陰。雒上。親望拜。如上帝禮。後漢亦屬河東郡。晉省之。後魏復置。兼置汾陰郡。隋開皇初。郡廢。屬河東郡。唐武德元年。改曰秦州。正觀十七年。州廢。來屬。開元十年。明皇祀后土。獲寶鼎。因改爲寶鼎縣。皇朝大中祥符四年。改寶鼎縣曰榮河。置慶成軍。熙寧元年。廢軍。以榮河來屬。

永樂縣。古魏國。詩序所謂魏地狹隘者也。春秋時。晉獻公滅魏。以賜大夫畢萬。漢爲河北縣。屬河東郡。魏晉皆因之。後縣東徙焉。唐武德元年。分芮城置永樂縣。以永樂澗爲名。屬芮州。州廢。屬鼎州。正觀八年。來屬。後又屬絳州。神龍元年。復來屬。禹貢雷首山在北。山南曰首陽。伯夷叔齊隱居其下。

大都督府陝州。昔周召分陝之所。春秋虢國之地。所謂北虢也。戰國屬韓。秦屬三川郡。二漢及晉皆屬弘農郡。後魏置弘農郡。兼置陝州。隋開皇初郡廢。大業初州廢。屬河南郡。義寧元年置弘農郡。唐武德元年曰陝州。天寶元年更曰陝郡。天祐元年昭宗居陝。升爲興唐府。哀帝初復故號曰保義軍。皇朝太平興國元年改保平軍。今縣八。

上陝縣。古虢國。所謂上陽也。故城在今縣東。漢屬弘農郡。後漢及晉皆因之。後魏置陝州及弘農郡。後周因之。隋屬河南郡。唐復爲陝州。有焦國。周武王封炎帝之後於此。有莘原。魯莊公三十二年有神降于莘。卽此石壕鎮。本崤縣。後魏置。唐武德八年來屬。正觀十四年改爲硤石縣。姚崇其邑人也。皇朝熙寧六年省爲鎮。有禹貢底柱山。山有三門。河所經。唐太宗勒銘於此。

上平陸縣。本虞虢之地。吳山在西。上有虞城。舜始封於此。至周武王時封太子仲雍之後。是爲虞公。春秋時晉所滅。虢下陽邑在東北。漢爲太陽縣。屬河東郡。後漢及晉皆因之。後廢焉。而置河北縣及河北郡。隋開皇初郡廢。屬蒲州。唐正觀元年來屬。天寶元年太守李齊物開三門以利運漕。得古刃。有篆文曰平陸。因更名。有傅巖在北。卽傅說築處。有茅津在西南。對陝城。魯文公時秦伯伐晉。晉人不出。遂自茅津濟。卽此。

上夏縣。本夏禹之都。漢爲安邑縣地。後置夏縣及安邑郡。隋開皇初郡廢。屬虞州。唐正觀十七年屬絳州。乾元三年來屬。有巫咸山。蓋神巫所遊。故山得其名。

上靈寶縣。古函谷關。秦人恃之以爲險固。漢武帝徙關于新安。而以故關置弘農郡及弘農縣。東漢晉因之。元魏置弘農郡。隋開皇十六年。置桃林縣。屬洛州。唐武德元年。來屬天寶元年。得天寶靈符於古函谷關。因改元。兼改縣。靈寶關在縣西南十里。老子西遊至關。關令尹喜先見其氣。知真人當過。物色而得之。曰子將隱矣。強爲我著書。孟嘗君自秦逃歸。夜半至關。其客效鷄鳴。遂得出關。戰國時。九國仰關而攻秦。秦人開關延敵。九國之師。逡巡而不敢進。曹陽亭在縣東十三里。秦章邯敗陳涉將周文於此。漢獻帝歸至此。爲李傕郭汜所逼。遂露次焉。曹公改爲好陽縣。西南境卽古桃林之野。東北有桑田亭。春秋。虢公敗戎于桑田。卽此。

中下芮城縣。本魏國地。魯桓公時。芮伯萬爲母姜氏所逐。自今馮翊縣界出居于魏。卽此地也。漢爲河北縣地。後周改曰芮城。置永樂郡。郡後廢焉。隋屬河東郡。唐武德二年。置芮州。正觀元年。州廢。來屬。

中下湖城縣。本曰湖。黃帝采首山之銅。鑄鼎於荆山下。鼎旣成。有龍垂胡鬚。下迎黃帝。後世因名其處曰鼎湖。漢武帝改曰湖。屬京兆尹。辰太子敗亡。至此自殺。後漢屬弘農郡。晉因之。後曰湖城。隋改爲闕鄉縣。唐屬虢州。皇朝太平興國三年。來屬縣之南境諸山。東北連函谷。西北連潼關。皆古桃林之地。

中下闕鄉縣。本漢湖縣之闕鄉。後湖城縣徙此焉。隋開皇十六年。改爲闕鄉。屬河南郡。唐武德元年。屬鼎州。正觀八年。屬虢州。皇朝太平興國三年。來屬。漢辰園在今縣東南。

中都督府延安府。春秋白狄之地。秦屬上郡。漢初爲翟國。尋復爲上郡。後漢因之。漢末。羌胡大擾。戶口流

散郡縣皆廢焉。後魏置東夏州。西魏改曰延州。置總管府。隋置延安郡。唐復爲延州。梁號忠義軍。後唐改彰曰武。皇朝升延安府。今縣七。

中膚施縣。秦屬上郡。二漢因之。後廢焉。隋大業三年。置延安郡。唐爲延州。豐林鎮。本漢臨河縣地。元魏置廣武縣。隋改曰豐林。屬延安郡。唐屬延州。皇朝熙寧五年。省入膚施。金明寨。本秦高奴縣。項羽立董翳爲狄王。都高奴。卽此。漢屬上郡。東漢因之。漢末廢焉。元魏置廣樂縣。隋改曰金明。屬延安郡。後廢焉。唐武德二年。析膚施復置。以縣置北武州。正觀二年。州廢。來屬。皇朝熙寧五年。省入膚施。

中延川縣。漢臨河縣地。屬朔方郡。東漢省之。西魏置縣。曰文安。及置郡。隋開皇初。郡廢。改縣爲延川。屬延安郡。唐屬延州。延水鎮。本安民縣。唐武德二年。析延川置。皇朝熙寧八年。省入延川。

中延長縣。漢膚施縣地。西魏置延安縣。隋屬延安郡。唐屬延州。廣德二年。改爲延長。

中門山縣。後周置。隋大業初。省入汾川。唐武德三年。復置。屬丹州。廣德二年。來屬。

中臨真縣。漢高奴縣地。元魏置臨真縣。西魏又置酋水郡。真川縣。後周郡廢。隋大業初。省真川入臨真。屬

延安郡。唐屬延州。

中敷政縣。本因城。元魏置。後周廢。尋又置。隋屬延安郡。唐武德二年。徙治金城鎮。更名金城。正觀八年。屬延州。天寶元年。更名敷城。

中下甘泉縣。唐武德元年。分洛交置。伏陸。屬鄜州。天寶元年。改爲甘泉。後屬延州。

望同州。周爲芮伯韓侯國。春秋時屬秦晉。戰國時屬秦魏。秦屬內史。項羽分屬塞國。漢高帝置河上郡。景帝分爲左內史。武帝改爲左馮翊。東漢因之。魏除左字。但爲馮翊郡。晉及元魏皆因之。兼置華州。西魏改曰同州。取禹貢所謂漆沮旣從。澧水攸同。以名焉。隋初郡廢。大業州廢。復置馮翊郡。唐武德元年曰同州。天寶元年曰馮翊郡。梁曰忠武軍。皇朝太平興國七年升定國軍。今縣六。

緊馮翊縣。本芮國。漢爲臨晉縣地。屬左馮翊。元魏置華陰縣。西魏改曰武鄉里。及郡。隋開皇初郡廢。大業初改縣曰馮翊。置郡。唐爲同州。有沙苑。周文帝敗齊神武于此。有洛水。商原。所謂商顏。

緊澄城縣。漢徵縣地。屬左馮翊。左傳所謂取北徵是也。徵澄音相近。東漢省之。元魏置澄城縣及澄城郡。隋開皇初郡廢。屬馮翊郡。唐屬同州。

緊朝邑縣。故荔戎國。秦厲共公獲之。更名臨晉。以築高壘。臨晉國故也。漢屬左馮翊。東漢因之。晉爲馮翊郡。治焉。元魏置南五泉縣。西魏改曰朝邑。隋屬馮翊郡。唐屬同州。臨晉縣故城在今縣西南。

上郃陽縣。古莘國。其女太妀爲周文王后。詩所謂在郃之陽是也。漢爲郃陽縣。屬左馮翊。東漢、晉、隋皆因之。唐屬同州。夏陽鎮。故梁國。秦取之。更名夏陽。二漢屬左馮翊。後省焉。今入郃陽。

中白水縣。二漢衙縣地。屬左馮翊。故城在今縣東北。後省焉。元魏置白水縣。隋屬馮翊郡。唐屬同州。春秋文二年。晉侯及秦師戰于彭衙。卽此。亦漢栗邑縣地。屬左馮翊。東漢及晉皆因之。後省焉。

中韓城縣。故韓國。漢爲夏陽縣地。屬左馮翊。隋開皇十八年置韓城縣。屬馮翊郡。唐屬同州。有禹貢梁山。

詩韓奕篇。弈弈梁山。卽此有韓原。魯僖公時。秦伯伐晉。戰于此。有龍門山。卽禹導河至于龍門也。魚集其上卽爲龍。

望華州。本鄭國。春秋時屬晉。戰國屬秦。魏秦屬內史。漢屬京兆尹。東漢屬京兆。弘農郡。晉因之。元魏置華山郡及東雍州。西魏改曰華州。隋初郡廢。大業初州廢。屬京兆。馮翊郡。唐武德元年改曰華州。垂拱二年避武氏諱。改曰太州。神龍元年復故名。天寶元年曰華陰郡。乾寧四年升興德府。梁爲感化軍。後唐改爲鎮國軍。皇朝皇祐五年改鎮漳軍。今縣五。

上鄭縣。鄭桓公始封此。至子武公。東徙新鄭。漢屬京兆尹。後漢及晉皆因之。元魏置華山郡及東雍州。西魏改曰華州。隋屬京兆郡。唐屬華州。郭子儀其邑人也。有少華山。

望下邳縣。秦武公伐邳戎。取其人來。置此縣。以有上邳。故曰下邳。漢屬京兆尹。東漢屬弘農郡。晉屬馮翊郡。後置延壽郡。隋開皇初郡廢。屬馮翊郡。唐垂拱元年來屬。漢蓮勺縣。屬左馮翊。東漢及晉皆因之。隋大業初省人焉。故城在今縣東北。

望蒲城縣。西魏置。隋屬馮翊郡。唐屬同州。開元四年更名奉先。屬京兆府。天祐三年復屬同州。皇朝開寶四年復爲蒲城。天禧四年來屬。有金粟山。

緊華陰縣。禹貢華陰之地。戰國時曰陰。晉屬魏。秦得之。惠文王五年更名寧秦。漢高帝八年更名華陰。屬京兆尹。東漢及晉屬弘農郡。元魏置華山郡。隋屬京兆郡。唐屬華州。禹貢太華山在縣東。水經注云。河

水有流。潼激關山。因謂之潼關。漢末。曹公西征。與韓遂馬超相持於此。

上渭南縣。漢新豐縣地。蓋符秦時置。元魏置渭南郡。後周郡廢。隋屬京兆郡。唐因之。周顯德三年。來屬。

輿地廣記卷第十四

陝西永興軍路下

緊耀州。春秋戰國屬秦。秦屬內史。項氏分屬寒國。漢初屬河上郡。後屬左馮翊。東漢及晉皆因之。元魏置北雍州。西魏改爲宜州。及置北地郡。尋改爲通川郡。隋開皇初郡廢。大業初州廢。屬京兆郡。義寧二年置宜君郡。唐武德四年改曰宜州。正觀十七年州廢。天授二年復置宜州。大足元年又廢。天祐三年岐王李茂貞壘制置耀州。仍升義勝軍節度。梁末帝時茂貞養子溫韜以州降梁。梁改爲崇州。靜勝軍。後唐同光元年爲耀州。以爲順義軍。皇朝開寶五年爲感義軍。太平興國元年改感德軍。今縣七。

上華原縣。隋屬京兆郡。唐因之。垂拱二年改華原曰永安。神龍元年復故名。唐末李茂貞據鳳翔。僭行墨制。建爲耀州。以溫韜爲節度使。唐諸陵在其境內者悉發掘之。郭崇韜以爲刼陵賊。有土門山。

望富平縣。本漢懷德地。東漢省之。元魏置富平縣。及北地郡。後周改爲中華郡。尋廢。隋屬京兆郡。唐因之。後屬耀州。有荆山。

望三原縣。漢池陽縣地。屬左馮翊。東漢因之。晉爲扶風郡治。後省焉。苻秦於鞏薛山北置三原護軍。元魏罷護軍。置三原縣。後周置建忠郡。尋廢。隋屬京兆郡。唐因之。後屬耀州。

上雲陽縣。漢屬左馮翊。秦有林光宮。漢曰甘泉宮。武帝立泰畤以祠太一。東漢因之。晉省焉。後復置。元魏

屬北地郡。後周置雲陽郡。隋開皇初郡廢。屬京兆郡。唐因之。後屬耀州。

上同官縣。本漢葭沓縣。屬左馮翊。東漢因之。晉省焉。苻秦於葭沓城東北銅官川置銅官護軍。元魏罷護軍。置銅官縣。屬北地郡。隋曰同官。屬京兆郡。唐因之。梁開平三年。屬同州。後唐同光初。屬耀州。

中美原縣。本頻陽縣。秦厲公置。在頻水之陽。漢屬左馮翊。東漢。晉。元魏。皆因之。景明元年。析置土門縣。隋大業初。省入華原。唐咸亨二年。析富平。華原。蒲城。於故土門縣置美原縣。屬京兆郡。天祐三年。李茂貞置鼎州。梁改爲裕州。屬順義軍節度。後不見其廢時。唐同光三年。割屬耀州。

中淳化縣。本雲陽縣之梨園鎮。皇朝淳化四年。置縣。屬耀州。

緊邠州。古豳國。春秋。戰國。皆屬秦。秦屬內史。漢屬右扶風。安定。北地郡。漢末。置新平郡。兼屬安定。晉因之。西魏置豳州。後周及隋皆因之。煬帝初。州廢。屬安定。北地郡。義寧二年。復置豳州。唐開元十三年。以字類幽。改作邠焉。天寶三載。以爲新平郡。後升爲靜難軍節度。今縣四。

望新平縣。本二漢漆縣。屬右扶風。漢末。置新平郡。晉因之。後改漆縣爲白土。西魏置豳州。隋開皇四年。改縣爲新平。大業初。州廢。義寧二年。復置。苻堅墓在此。

望宜祿縣。漢鶡觚縣地。屬北地郡。後魏置宜祿縣。以宜祿川爲名。後周省入鶡觚。屬安定郡。唐正觀二年。析新平。保定。靈臺。復置。屬豳州。

上三水縣。漢三水。拘邑。二縣地。三水屬安定郡。東漢因之。晉省焉。後復置。西魏置恆州。尋廢。隋屬北地郡。

義寧二年屬豳州。漢之拘邑。卽故豳國。周之先公劉所居。屬右扶風。東漢因之。鄧禹遣馮愔宗歆守拘邑。二人爭權。愔遂殺歆。卽此晉省焉。故城在今縣東北。有萬壽湫。唐大曆八年。因風雷而成。

下永壽縣。唐武德二年。分新平置。神龍元年。屬雍州。唐隆元年。來屬。

上鄜州。春秋屬白翟。秦屬上郡。漢爲上郡及左馮翊。東漢屬上郡。魏武帝省焉。晉陷于戎狄。元魏置東秦州。後改爲北華州。西魏改爲敷州。隋爲鄜城郡。尋改爲上郡。唐爲鄜州。天寶元年。爲洛交郡。後升保大軍節度。今縣四。

緊洛交縣。本漢雕陰縣地。屬上郡。東漢因之。魏晉廢焉。隋開皇三年。置洛交縣。大業三年。置上郡。唐置鄜州。三川鎮。本漢翟道縣。屬左馮翊。東漢省之。苻秦於長原城置長城縣。元魏改爲三川。以華池水黑水。洛水所會爲名。隋屬上郡。唐屬鄜州。皇朝熙寧七年。省入洛交。

上洛川縣。本漢鄜縣地。元魏置洛川縣。隋屬上郡。唐屬鄜州。

上鄜城縣。昔秦文公夢黃蛇。自天下屬地。其口止於鄜衍。史敦曰。此上帝之祥。君其祠之。於是作鄜時。祭白帝焉。漢屬左馮翊。東漢省之。元魏置敷城縣。隋大業初。改爲鄜城。屬上郡。唐屬坊州。唐末。置翟州。梁改爲禧州。改鄜城曰昭化。後唐同光元年。復改爲鄜城。屬鄜州。

中下直羅縣。本漢雕陰縣地。唐武德三年。分三川。洛交。於直羅城置縣。以城枕羅川水。其川平直。故中解州。自唐以上。地理與河中府同。漢乾祐元年。割河中之聞喜。安邑。解。三縣置解州。皇朝因之。今縣三。

中解縣。春秋時謂之解梁。晉惠公因秦返國。許賂秦以河外列城五。內及解梁城。是也。漢屬河東。後漢及晉皆因之。元魏分置虞鄉縣。後省解入焉。唐武德元年。改虞鄉曰解縣。而於解西五十里別置虞鄉。皆屬河中府。漢乾祐元年。置解州。有鹽池。左傳成六年。晉人謀去故絳。諸大夫皆曰。必居郇瑕氏之地。沃饒而近鹽。是也。

望聞喜縣。本曲沃。晉文侯封其弟成師。謂之曲沃桓叔。秦改爲左邑。屬河東郡。漢武帝元鼎六年。將幸緄氏。至左邑桐鄉。聞南越破。以爲聞喜縣。東漢及晉因之。元魏置正平郡。隋屬終郡。唐屬絳州。後屬河中府。漢乾祐元年。來屬。

緊安邑縣。夏禹所都。春秋時。魏絳自魏徙此。武侯二年。城安邑。蓋增廣之耳。秦昭王二十一年。魏獻安邑。以爲河東郡。二漢及晉皆因之。元魏曰北安邑。屬河北郡。隋開皇十六年。置虞州。大業初。州廢。屬河東郡。唐屬河中府。漢乾祐元年。來屬。有鳴條陌。湯與桀戰于鳴條。卽此。有鹽池。

中府慶州。周之先不窋所居。春秋時。爲義渠之戎。秦滅之。屬北地郡。二漢因之。魏晉以後荒廢。西魏置朔州。後周廢焉。隋文帝置慶州。煬帝初置弘化郡。唐爲慶州。天寶元年。曰安化郡。至德元載。曰順化郡。升定安軍節度。後唐降之。皇朝乾德二年。復爲安化郡。今縣三。

中安化縣。本漢郁郅縣地。屬北地郡。東漢省之。後置弘化縣。隋開皇十六年。置弘州。大業初。州廢。屬弘化郡。唐爲慶州治焉。天寶元年。曰安化。至德元載。曰順化。皇朝乾德二年。復曰安化。有不窋城。同川縣。本

三泉。隋義寧二年，析彭原郡之彭原置。唐武德三年，改名同川，屬慶州。皇朝乾德二年，省入安化。望合水縣。本合川。唐武德元年置。是年，又析置蟠交縣。正觀元年，省合川入弘化。天寶元年，更蟠交曰合水。後廢焉。皇朝熙寧四年，復置華池鎮。本西魏置蔚州。後周廢之。隋仁壽初，置華池縣，屬弘化郡。唐屬慶州。皇朝熙寧四年，省入合水。故樂蟠縣。本漢略畔道，屬北地郡。後省焉。隋義寧二年，析合水置樂蟠縣。略畔與樂蟠音相近，故訛耳。唐屬慶州。皇朝熙寧四年，省入合水。

緊彭原縣。本漢彭陽縣，屬安定郡。東漢因之。元魏置西北地郡。隋開皇初，郡廢。十八年，改縣曰彭原，屬北地郡。唐武德元年，置彭州。正觀元年，州廢，屬寧州。皇朝熙寧三年，來屬。

雄虢州。春秋時，爲虢之南境。虢亡，屬晉。戰國時，屬秦。魏二國。秦平天下，爲三川郡。漢屬弘農郡。東漢及晉皆因之。元魏置西弘農郡。後周廢之。隋煬帝置弘農郡。恭帝改爲鳳林郡。唐初，置鼎州。因鼎湖爲名。後爲虢州。今縣三。

中虢略縣。左傳，晉惠公許賂秦伯，以河外列城五。東盡虢略。是也。漢爲弘農縣地，屬弘農郡。東漢及晉皆因之。隋大業中，自湖城縣界與郡俱徙於弘農川，卽今治也。唐武德元年，置鼎州。正觀八年，廢。自盧氏移虢州於此。神龍初，避孝敬皇帝諱，改曰恆農。開元十六年，復故名。皇朝建隆元年，避廟諱，改曰常農。至道元年，又改曰虢略。玉城鎮，故玉城縣。西魏廢之。唐屬虢州。皇朝熙寧四年，省入虢略。

中盧氏縣。漢屬弘農郡。東漢因之。晉屬上洛郡。元魏置洛安郡。西魏改爲義川郡。隋開皇初，郡廢，置虢州。

大業初州廢屬弘農郡。義寧元年復置虢郡。唐武德元年改爲虢州。正觀八年州徙治弘農。有禹貢熊耳山洛水所出。

中朱陽縣。元魏時置。兼置朱陽郡。後周郡廢。隋屬弘農郡。唐屬虢州。

望商州。商契始封於此。春秋時屬晉。戰國時屬秦。爲內史地。漢屬弘農郡。東漢屬京兆尹。晉初爲京兆南部。後置上雒郡。元魏因之。西魏兼置洛州。後周改爲商州。隋初郡廢。大業初州廢。復爲上洛郡。唐復爲商州。天寶元年曰上洛郡。今縣五。

中上洛縣。本晉地。竹書紀年。晉烈公三年。楚人伐我南部。至于上洛。是也。漢屬弘農郡。東漢屬京兆郡。晉泰始二年。置上洛郡。隋開皇初郡廢。大業初復置。唐爲商州。商山在縣西南。秦四皓所隱也。州界有七盤十二繞。其道隘險。王莽命王級曰。繞雷之固。南當荆楚。蓋謂此地也。有雄耳山。

中下商洛縣。古商邑。契之所封。秦以封衛鞅。號曰商君。漢屬弘農郡。東漢屬京兆尹。晉屬上洛郡。隋曰商洛。亦屬焉。唐屬商州縣。東有少習。左傳哀四年。楚司馬使謂晉陰地之大夫曰。晉楚有盟。好惡同之。不然。將通於少習。以聽命。秦謂之武關。漢高帝游酈。攻武關。以入秦。

中下洛南縣。漢上雒縣地。元魏置拒陽縣。及拒陽郡。隋開皇初郡廢。改縣爲洛南。屬上洛郡。唐屬商州。

中下豐陽縣。後周置。隋屬上洛郡。唐屬商州。舊治吉川城。麟德元年移治豐陽川。

中下上津縣。漢長利縣地。屬漢中郡。宋置北上洛郡。梁改爲南洛州。西魏爲上州。隋大業初州廢。屬上洛

郡。唐屬商州。

望寧州。夏公劉之邑。春秋時爲義渠戎國地。築城郭以自守。而秦稍蠶食之。戰國時戎王與秦昭王母宣太后亂。有二子。宣太后詐而殺戎王於甘泉。遂起兵滅義渠。始皇初。屬北地郡。漢屬北地。上郡。東漢屬北地。安定郡。晉國之後。沒于戎狄。元魏獻文置華州。孝文改曰班州。後爲豳州。西魏改爲寧州。後周分置趙興郡。隋改寧州曰豳。尋廢州。而改趙興爲北地郡。唐復爲寧州。天寶元年。曰彭原郡。今縣四。

緊定安縣。漢泥陽縣地。屬北地郡。後周置趙興郡。隋開皇初。郡廢。大業初。置北地郡。唐爲寧州。

緊定平縣。漢泥陽縣地。唐武德二年。析定安置。屬寧州。唐末。置衍州。周顯德五年。州廢。屬鄜州。後來屬。

上襄樂縣。漢襄洛縣也。屬上郡。元魏改洛爲樂。置襄樂郡。西魏置燕州。後周並廢。隋屬北地郡。唐屬寧州。

泥陽鎮。本泥陽縣。二漢屬北地郡。晉爲郡治。元魏復置。後省焉。

下真寧縣。漢陽周縣。屬上郡。東漢省之。後復置。西魏置顯州。後周廢焉。隋開皇中。改陽周縣爲羅川。屬北。

地郡。唐屬寧州。天寶元年。獲玉真人像二十七。因改羅川縣爲真寧。有橋山。黃帝所葬。

上坊州。自隋以前。地理與鄜州同。後周天和。中。元皇帝爲敷州刺史。於此地爲馬坊。武德二年。分鄜州置。

坊州。因故馬坊爲名。天寶元年。曰中部郡。今縣二。

緊中部縣。漢翟道縣地。屬左馮翊。後秦姚興置中部縣。元魏因之。置中部郡。隋避廟諱。改曰內部。開皇中。

郡廢。屬上郡。唐置坊州。有杏城。姚萇置。在今縣西。

中宜君縣。漢祿祿縣地。屬左馮翊。元魏置宜君縣。後置宜君郡。隋開皇初郡廢。屬京兆郡。唐初屬宜州。正觀二十年屬雍州。龍朔三年來屬。有玉華宮。在今縣北。唐正觀二十年置。

上丹州。春秋時爲白翟。戰國時屬秦。秦屬上郡。二漢因之。晉亂沒于戎狄。西魏置汾州及義川郡。後改州爲丹州。隋開皇初郡廢。大業初州廢。屬延安郡。義寧元年置丹陽郡。唐爲丹州。天寶元年曰咸寧郡。今縣一。

中宜川縣。本義川。西魏置義川郡。後周改縣爲丹陽。隋開皇初復爲義川。義寧元年置丹陽郡。唐爲丹州。皇朝太平興國元年改縣曰宜川。故咸寧縣。本永寧。西魏改爲太平。隋開皇中改爲咸寧。屬延安郡。唐屬丹州。皇朝太平興國三年省焉。汾川鎮。本安平縣。元魏置。後周改曰汾州。隋屬延安郡。唐屬延州。皇朝熙寧三年省入宜川。雲巖鎮。本雲巖縣。唐武德元年析義川置。屬丹州。皇朝熙寧七年省入宜川。

下環州。自元魏以上地理與靈州同。後周置會州。隋改曰環州。以大河環曲爲名。大業初州廢。屬靈武郡。唐武德二年復置會州。正觀六年更置環州。九年州廢。還屬靈州。咸亨三年置安樂州。以居吐谷渾部落。至德後沒吐蕃。大中三年收復。更名威州。後廢焉。晉天福四年復置威州。割靈州之方渠。寧州之馬嶺。木波。三鎮爲屬。而治方渠。周廣順二年改曰環州。顯德四年廢爲通遠軍。皇朝淳化五年復爲環州。今縣一。上通遠縣。本方渠。漢屬北地郡。東漢省之。隋開皇十九年置鳴沙縣。屬靈武郡。唐置威州。晉以方渠鎮復置威州。周改爲環州。後廢州爲通遠軍。而改方渠爲通遠縣。皇朝天聖四年復改爲通遠。馬嶺鎮。本馬

領縣。西漢爲北地郡治。東漢徙治富平。而省馬嶺焉。

下府銀州。春秋爲白狄。戰國屬秦。後屬上郡。二漢屬西河郡。魏晉荒廢。元魏立開光郡。後周立真鄉郡。兼立銀州。隋開皇初。二郡皆廢。大業初。州廢。人雕陰郡。唐正觀二年。平梁師都。立銀州。天寶元年。曰銀川郡。唐末。陷爲拓跋氏。皇朝崇寧四年。收復。舊領縣四。

中儒林縣。二漢。圖陰縣地。屬西河郡。苻秦有驄馬城。土俗呼驄馬爲乞銀。因號乞銀谷。後周於是立銀州。隋開皇三年。置儒林縣。大業初。州廢。屬雕陰郡。唐復立銀州。東北有無定河。卽圖水也。圖與銀音同。而漢志作圖陰。顏師古注云。圖本作圖。縣在圖水之陰。因以爲名。王莽改爲方陰。則是當時已誤爲圖字。今有銀州銀水。卽是舊名。猶存。但字變耳。以此考之。則九域圖所載乞銀之說。未可據也。

中下真鄉縣。西魏置。後周立真鄉郡。隋開皇初。郡廢。後屬雕陰郡。唐正觀二年。來屬。西北有茹盧水。中開光縣。元魏立開光郡。後周因之。隋開皇三年。郡廢。屬雕陰郡。後省。唐正觀二年。平梁師都。復置。隸綏州。八年。隸柘州。十三年。州廢。來屬。

中下撫寧縣。西魏置。隋屬雕陰郡。唐初。隸綏州。正觀八年。來屬。

同下州。綏德軍。春秋時爲白狄。戰國時屬秦。屬上郡。漢初屬翟國。後屬上郡。東漢因之。西魏置安樂郡。兼置綏州。隋開皇初。郡廢。大業初。廢綏州。而置上郡。尋改爲雕陰郡。唐復爲綏州。末年。陷于西戎。皇朝熙寧二年。收復。廢爲綏德城。屬延州。後升爲軍。唐治龍泉縣。統縣五。

中龍泉縣。漢膚施縣地。元魏置上縣。西魏以爲安寧郡。隋爲雕陰郡。唐爲綏州。天寶元年改縣爲龍泉。漢上郡故城在縣西南。

中下延福縣。本延陵。西魏置。隋開皇中改曰延福。屬雕陰郡。唐屬綏州。

中下綏德縣。西魏置。隋屬雕陰郡。後廢之。唐武德二年復置。屬綏州。

中下城平縣。西魏置。隋屬雕陰郡。唐屬綏州。

中下大斌縣。唐武德七年置。治魏平。取稽胡懷化文武雜半以爲名。正觀二年移治今所。

同下州保安軍。自五代以上地理與延州同。皇朝太平興國二年以延州永安鎮置保安軍。統寨二。

德靖寨。天禧四年置。建子城。天聖元年改爲德靖寨。

順寧寨。慶曆四年置。

輿地廣記卷第十五

陝西秦鳳路上

次府鳳翔府。春秋以來爲秦都。始皇時屬內史。漢初屬雍國。後分爲中地郡。九年復屬內史。建元六年分爲右內史。太初元年更名主爵都尉。爲右扶風。東漢因之。魏晉爲扶風郡。元魏爲秦平郡。兼置岐州。西魏改郡爲岐陽。隋開皇初郡廢。大業初州廢。復置扶風郡。唐復爲岐州。至德二載肅宗自順化幸扶風。是年克復兩京。置鳳翔府。號爲西京。後罷京名。今縣十。

次赤天興縣。故雍縣。秦德公旣立卜居雍。曰後子孫飲馬於河。遂都雍。至孝公乃徙焉。二漢屬右扶風。有五時以祠上帝。說者以爲四面積高曰雍。宜爲神明之隩。故立羣祠云。晉屬扶風郡。元魏置秦平郡。及岐州。隋爲扶風郡。唐爲岐州。至德二年改雍曰鳳翔。仍析置天興縣。寶應元年省鳳翔入天興。有臺泉宮。秦孝公起。有祈年宮。秦惠公起。有鳳臺。秦穆公時有簫史者善吹簫。能致白鳳。穆公女弄玉好之。公爲作鳳臺以居之。一旦乘鳳而去。秦回中宮在縣西。漢文帝十四年匈奴入蕭關回中宮。候騎至雍。卽此。

次纔岐山縣。漢雍縣地。後周三龍縣。隋開皇十六年改爲岐山。屬扶風郡。唐屬鳳翔府。有禹貢岐山。有五將山。苻堅爲姚萇將吳忠所執於此。

次畿扶風縣。漢美陽縣地。後周置燕州。唐武德二年。置鞏川縣。正觀八年。更名扶風。屬岐州。岐陽鎮。昔周太王去邠。踰梁山。邑于岐山之下。卽此詩所謂居岐之陽也。文王始亦治焉。二漢爲美陽縣地。屬右扶風。晉因之。唐正觀七年。置岐州。元和三年。省入扶風。

次畿鞏屋縣。漢武帝置。屬右扶風。山曲曰整。水曲曰屋。因山水之曲以爲名。東漢省之。元魏復焉。後周置周南郡及恆州。尋並廢。隋屬京兆郡。唐因之。天寶元年。改爲宜壽。至德二載。復故名。天復元年。來屬。有略谷關。司竹園。

次畿郿縣。二漢屬右扶風。晉因之。元魏改爲平陽縣。西魏復曰郿城。後周廢入周城。隋開皇十八年。改周城爲渭濱。大業二年。又改渭濱曰郿。屬扶風郡。唐屬岐州。有郿塢。漢末董卓所築。號曰萬歲塢。斜水出縣西南。衝嶺山。北歷斜谷。徑五丈原。東又北流入渭。蜀諸葛亮帥師攻魏軍五丈原。與司馬宣王對壘。卽此。

次畿寶雞縣。故陳倉。昔秦文公遊獵於陳倉北阪。獲若石云。其色如肝。寶而祠之。故曰陳寶。其神來常以夜。光輝若流星。從東南來。集于祠城。形若雄鷄。其聲若雷。野鷄夜雊。說者曰。此寶夫人祠也。歲歲與葉君合。葉神來時。天爲之雷鳴。雉爲雊。漢屬右扶風。東漢及晉皆因之。元魏改曰宛川。西魏復曰陳倉。後周置顯州。尋州縣俱廢。隋開皇十八年。復置陳倉縣。屬扶風郡。唐屬岐州。至德二載。更名寶鷄。陳倉故城在今縣東。魏爲重鎮。明帝太和二年。蜀諸葛亮圍魏將郝昭於此。不克而退。大散關在西南。有渭水。

汧水。

次畿號縣。本周號叔之國。謂之西號。秦武公十一年。滅小號。是也。漢屬右扶風。東漢省之。後復置。元魏置武都郡。西魏改縣曰洛邑。後周置翔州。州尋廢。隋開皇初。郡廢。大業初。復改縣曰號。屬扶風郡。唐屬鳳翔府。平陽鎮。秦寧公二年。徙居平陽。是也。漢爲郿縣地。礪溪水。出南山茲谷。北流。注于渭。卽呂氏春秋所謂太公釣茲泉者也。其投竿踞餌。兩膝遺跡猶存。

次畿麟遊縣。隋義寧元年。於仁壽宮置鳳棲郡及麟遊縣。二年。以仁壽宮中獲白麟。更郡曰麟遊。唐武德元年。曰麟州。正觀元年。州廢。縣屬岐州。改仁壽宮爲九成宮。

次畿普潤縣。二漢杜陽縣地。隋大業初。置屬扶風郡。唐屬鳳翔府。有杜水。漆水。岐水。

次畿好時縣。祭天之所曰時。封禪書曰。雍旁故有吳陽武時。皆廢無祠。蓋黃帝時常用事。雖晚周亦郊焉。後以爲縣。漢屬右扶風。東漢省之。元魏復置。爲扶風郡治。隋大業三年。省入上宜。唐武德二年。析醴泉置好時。屬雍州。正觀八年。省上宜人。岐陽二十一年。省好時。岐陽復置上宜。更上宜曰好時。乾寧二年。屬乾州。皇朝熙寧五年。來屬。

下府秦州。周孝王封非子於此。春秋。戰國。屬秦。秦平天下。屬隴西郡。漢武帝分置天水郡。東漢建武中。更名漢陽郡。兼爲涼州刺史治焉。魏爲重鎮。晉屬天水。略陽二郡。兼置秦州。元魏因之。又置漢陽郡。隋開皇初。郡廢。大業初。復置天水郡。唐爲秦州。升雄武軍節度。今縣四。

上成紀縣。包羲氏生於此。漢屬天水郡。東漢屬漢陽郡。晉屬天水郡。後廢焉。後周復置。隋屬天水郡。唐屬秦州。本治上邽。而成紀本治小抗川。開元二十二年地震。州自上邽徙治成紀之敬親川。縣亦移入新城。天寶元年州還治上邽。寶應元年陷吐蕃。大中三年復故地。徙治成紀。而上邽廢。有禹貢朱圜山、邽山、渭水、瓦亭山。

上天水縣。漢上邽縣地。屬隴西郡。唐時陷吐蕃。後收復。置天水縣。屬秦州。唐末廢之。後唐長興三年復置。以赤砂鎮爲治所。有龍馬泉。

中隴城縣。漢爲隴縣。屬天水郡。東漢屬漢陽郡。隋開皇六年改曰隴城。屬秦州。唐因之。漢略陽道故城在今縣西北。阿陽縣故城亦在縣西北。有大隴山、瓦亭山、街泉亭。秦非子始封於此。

中清水縣。漢屬天水郡。東漢省之。晉復置。屬略陽郡。元魏因之。後置清水郡。隋開皇初郡廢。屬秦州。唐因之。有小隴山、清水、伏羌城。本冀戎地。秦武公十年伐冀戎。縣之。漢屬天水郡。王莽末隗囂自稱西伯。據此。東漢爲漢陽郡治焉。晉屬天水郡。兼置秦州。元魏改曰當亭縣。後周改曰冀城。隋屬天水郡。唐屬秦州。武德二年更名伏羌。後陷吐蕃。唐朝建隆二年置伏羌寨。熙寧二年以爲城。有黃瓜縣。元魏置。及置漢陽郡。後廢。

上涇州。春秋戰國屬秦。秦屬北地郡。漢武帝分置安定郡。東漢晉因之。元魏太武兼置涇州。蓋以涇水爲名。隋爲安定郡。唐爲涇州。天寶元年曰安定郡。後升彰義軍節度。皇朝太平興國元年改彰化軍。今縣四。

望保定縣。本安定。漢屬安定郡。東漢省之。後復置。爲郡治焉。元魏爲涇州。隋爲安定郡。唐爲涇州。至德元載。更名保定。漢烏氏縣故城在今縣東。

上靈臺縣。本鶉觚。漢屬北地郡。東漢屬安定郡。晉因之。後置趙平郡。後周郡廢。隋屬安定郡。唐屬涇州。天寶元年。更名靈臺。亦商時密國之地。周文王所伐者也。秦爲陰密縣。白起被遷於此。漢。晉屬安定郡。元魏屬平涼郡。後省。隋大業初。以其地置靈臺縣。二年。省入鶉觚。蓋取文王伐密而民始附之意。故以靈臺名縣焉。

上良原縣。隋大業初置。屬安定郡。唐屬涇州。

長武縣。唐爲長城。隸邠州。宜祿。皇朝咸平四年。置保定縣。來屬。五年。省爲寨。大觀二年。復置。

上熙州。春秋。戰國。皆爲西羌。秦置隴西郡。二漢。晉。因之。惠帝分置狄道郡。前涼張駿置武始郡。元魏置臨洮郡。隋開皇初。廢武始郡。屬蘭州。唐因之。天寶三載。分置臨州。後陷吐蕃。號武勝軍。皇朝熙寧五年。收復。置熙州。臨洮郡。升鎮洮軍節度。今縣一。

中下狄道縣。秦。漢。爲隴西郡。晉爲狄道郡。張駿置武始郡。元魏置臨洮郡。及龍城縣。唐置臨州。皇朝置熙州。有白石山。在東。渭源堡。漢首陽縣地。屬隴西郡。東漢及晉皆因之。元魏改首陽曰渭源。隋屬隴西郡。唐上元二年。復改曰首陽。而於渭源故城別置渭源縣。屬渭州。儀鳳三年。省首陽入渭源。沒蕃。後廢。皇朝熙寧五年。置渭源堡。屬熙州。有禹貢鳥鼠同穴山。渭水所出。今謂之青雀山。

上隴州。春秋戰國屬秦。秦屬內史。二漢屬右扶風。晉屬扶風郡。西魏置隴東郡。兼置東秦州。後改爲隴州。隋開皇三年郡廢。大業三年州廢。屬扶風郡。唐復爲隴州。天寶元年曰汧陽郡。今縣四。

望汧源縣。本汧縣。漢屬右扶風。後漢及晉皆因之。西魏曰汧陰縣。後改曰杜陽。後周復曰汧陰。隋改曰汧源。屬扶風郡。唐爲隴州治焉。有馮貢峽山。汧水所出。有龍山。弦蒲藪。

緊汧陽縣。二漢隴東縣地。屬右扶風。晉省之。元魏置汧陽縣及汧陽郡。後周郡廢。隋屬扶風郡。唐屬隴州。有隴東澤。

中吳山縣。漢汧縣地。元魏孝文置長蛇縣。隋開皇末省入南田。唐武德元年復置。屬隴州。正觀元年更名吳山。有吳岳。故南田縣。元魏置。屬武都郡。隋屬扶風郡。唐元和三年省。

中隴安縣。皇朝開寶元年析汧陽置。有秦領山。

中下成州。秦以前爲白馬氏。漢屬武都郡。東漢及晉爲郡治焉。後爲楊茂搜所據。楊氏數世皆封仇池公。元魏置南秦州。西魏改爲成州。隋開皇初郡廢。大業初州廢。置漢陽郡。唐復爲成州。天寶元年更名同谷郡。今縣二。

中同谷縣。本漢下辨道。屬武都郡。東漢及晉皆爲郡治焉。元魏屬修武郡。後爲白石縣。置廣業郡。西魏改縣曰同谷。後周兼置康州。隋開皇初郡廢。大業初州廢。屬河池郡。唐武德元年以縣置西康州。正觀六年州廢。屬成州。州初治上祿。本漢縣。屬武都郡。東漢因之。晉省焉。後置仇池縣。曰上祿。唐改郡曰成州。

寶應元年沒吐蕃。後廢。咸通十三年復置。徙治同谷。有仇池山。其上方百頃。四面壁立。峭絕險固。自然有樓櫓卻敵之狀。高七里餘。蟠道三十六回。上有豐水泉。煮土成鹽。漢末爲氏楊茂搜所據。

中粟亭縣。元魏蘭倉縣地。置漢陽郡。後唐清泰三年置粟亭縣。屬成州。有雷牛山。粟亭川。

下鳳州。春秋時爲氏羌所居。秦屬隴西郡。二漢屬武都郡。晉因之。惠帝時沒于氏。楊茂搜。元魏置道郡。兼置南岐州。西魏改郡曰歸真。後周郡廢。改州曰鳳州。隋大業初州廢。置河池郡。唐爲鳳州。天寶元年曰河池郡。今縣三。

上梁泉縣。本故道。秦文公時伐南山大梓。化爲牛。入水。秦爲立怒特祠於故道。卽此。漢王引兵從故道襲雍。後屬武都郡。東漢及晉因之。元魏置固道郡及梁泉縣。隋置河池郡。唐爲鳳州。

緊河池縣。漢屬武都郡。東漢及晉因之。後廢焉。元魏置廣化縣及廣化郡。隋開皇初郡廢。仁壽初改縣曰河池。屬河池郡。唐屬鳳州。皇朝徙治固鎮。

上兩當縣。本漢故道縣地。元魏置兩當縣及兩當郡。隋開皇初郡廢。屬河池郡。唐屬鳳州。皇朝徙治廣鄉鎮。廣鄉卽水經所謂廣香川也。有兩當水。出陳倉縣之大散關。西南流入故道。

下岷州。秦屬隴西郡。二漢及晉因之。西魏置岷州及同和郡。隋開皇初郡廢。大業初州廢。屬臨洮郡。唐復爲岷州。天寶元年曰和政郡。後陷吐蕃。皇朝熙寧六年收復。今縣三。

祐川縣。本臨洮縣地。二漢晉屬隴西郡。西魏置溢樂縣及同和郡。隋改溢樂爲臨洮。唐武德元年復爲溢

樂。置岷州。又置基城縣。先天元年。改基城爲祐川。沒蕃。後並廢。皇朝崇寧四年。復置祐川。
中大潭縣。漢冀縣地。屬天水郡。皇朝建隆三年。以良恭、大潭、二鎮置大潭縣。屬秦州。熙寧六年。來屬。有禹
貢朱圜山。

緊長道縣。本漢上祿縣地。屬武都郡。元魏分置長道縣。隋屬漢陽郡。唐屬成州。天寶末。廢。咸通十三年。復
置。屬秦州。皇朝熙寧六年。來屬。有祁山。蜀諸葛亮率諸軍攻祁山。南安、天水、安定郡。叛魏。應亮。卽此。

輿地廣記卷第十六

陝西秦鳳路下

下府渭州秦屬北地郡。二漢屬安定郡。晉因之。元魏屬太平郡。隋初屬原州。後屬平涼郡。唐屬原州。寶應元年。渭州沒吐蕃。元和四年。以原州之平涼縣置行渭州。廣明元年。爲吐蕃所破。中和四年。復置。後曰隴西郡。今縣五。

中平涼縣。漢朝那。涇陽。二縣地。屬安定郡。後周置平涼縣。屬原州。隋屬平涼郡。唐屬原州。元和四年。置行渭州。今因之。有笄頭山。禹貢涇水所出。西有隴山。有六盤關。西北五里有吐蕃會盟壇。唐貞觀五年。築中潘原縣。本陰槃。二漢屬安定郡。晉省之。後復置。元魏置平涼郡。隋開皇初。郡廢。屬安定郡。唐屬涇州。天寶元年。改爲潘原縣。周顯德六年。來屬。

中安化縣。故屬儀州。皇朝熙寧五年。州廢。來屬。

中崇信縣。皇朝乾德元年。以舊崇信軍地置崇信縣。屬鳳翔府。淳化中。屬儀州。熙寧五年。州廢。來屬。中下華亭縣。隋大業初。置屬安定郡。唐元和三年。省入汧源。後復置。兼置儀州。皇朝熙寧五年。州廢。來屬。望原州。自唐已上。地理與涇州同。廣德元年。原州沒吐蕃。置行原州於靈臺之百里城。正元十九年。徙治平涼。元和三年。又徙治臨涇。大中三年。收復關隴。歸治平高。廣明後。沒吐蕃。又僑治臨涇。元屬涇州。後唐

清泰三年割屬原州。後曰平涼郡。今縣二。

中臨涇縣。漢屬安定郡。東漢及晉爲郡治焉。元魏亦屬安定。後廢之。隋大業初置湫谷縣。尋改曰臨涇。屬安定郡。唐屬涇州。後爲原州治。所有漢朝那縣故城。

中彭陽縣。二。漢屬安定郡。晉省之。後復置。元魏置西北地郡。隋改縣爲彭原。唐武德二年析彭原置豐義縣。屬寧州。皇朝太平興國元年改曰彭陽。至道三年來屬。

中下階州。古爲白馬氏國。西戎之別種也。漢武帝開之。置武都郡。東漢晉因之。後沒于氏。楊茂搜。元魏置武街郡。西魏置武州。隋開皇初郡廢。大業初州廢。置武都郡。唐武德元年置武州。天寶元年曰武都郡。因沒吐蕃。廢。大曆二年復置爲行州。咸通中始得故地。龍紀初遣使招葺之。景福元年更名階州。今縣二。

中下福津縣。漢武都縣地。元魏置翫當縣。及武街郡。西魏又於今縣東北三十里萬郡故城置覆津縣。後周省翫當入覆津。隋開皇初武階郡廢屬武州。唐因之。景福元年改覆津曰福津。後爲州治。故盤堤縣。本西魏置南五部縣。後改名。隋屬武都郡。唐屬武州。沒蕃後不復置。

中下將利縣。故白馬氏國。漢爲武都縣。爲郡治焉。天池大澤在其西。東漢及晉皆因之。元魏改武都縣曰石門。西魏改曰安育。置武州。後周改安育曰將利。仍置武都郡。隋開皇初郡廢。大業初復置。唐爲武州治。後徙福津。

上河州。古西羌地。秦屬隴西郡。漢屬金城。隴西二郡。東漢屬隴西郡。漢末未建。自稱河首平漢王。據此。曹

公遣夏侯淵討平之。晉惠帝時置晉興郡。前秦苻堅置河州。西秦乞伏乾歸又據於此。元魏亦置河州。後周置枹罕郡。隋開皇初郡廢。大業初州廢。復置枹罕郡。唐武德二年平李軌置河州。天寶元年曰安昌郡。領縣三。

中下枹罕縣。本罕羌侯邑。漢爲枹罕縣。屬金城郡。東漢省之。晉屬晉興郡。苻秦置河州。元魏因之。後周置枹罕郡。隋因之。唐爲河州。

中下大夏縣。漢屬隴西郡。東漢因之。晉屬晉興郡。前涼張駿置大夏郡。隋屬枹罕郡。唐屬河州。正觀元年省入枹罕。五年復置。

中下鳳林縣。本白石縣。漢屬金城郡。東漢屬隴西郡。張駿改白石爲永固。屬晉興郡。唐正觀七年於縣置烏州。十一年州廢。置安昌縣。來屬。天寶元年更名鳳林。廣德元年州沒吐蕃。皇朝熙寧六年收復。置枹罕縣。七年省之。今日安鄉郡。縣一。

寧河縣。本寧河寨。皇朝崇寧四年升爲縣。

下蘭州。古西羌地。秦屬隴西郡。漢屬金城。隴西二郡。東漢魏晉因之。前涼張寔分置廣武郡。張駿又分置武始郡。後爲西秦乞伏國仁。南涼禿髮烏孤所分據。元魏後周屬武始郡。隋開皇初郡廢。置蘭州。大業初州廢。復置金城郡。唐武德二年平薛舉置蘭州。以臯蘭山爲名。天寶元年曰金城郡。領縣二。

下五泉縣。本金城縣。漢屬金城郡。爲拜羌所據。東漢及晉因之。有故苑川城。西秦乞伏國仁據此。後日子

域縣置金城郡。隋開皇初郡廢。置蘭州。大業初州廢。置金城郡。復改縣曰金城。後改曰五泉。唐咸亨二年復曰金城。天寶元年復曰五泉。

下金城縣。本漢允吾縣。爲金城郡治所。張駿置廣武郡。南涼禿髮烏孤據此。隋廢郡爲廣武縣。唐屬蘭州。乾元二年更名金城。漢沿寧允吾二縣故城在西南。廣德元年州陷吐蕃。皇朝元豐四年收復。今縣一蘭泉縣。

鞏州古雍州地。春秋時屬羌戎。秦屬隴西郡。二漢因之。靈帝分立南安郡。晉屬隴西、南安二郡。元魏爲隴西、南安、安陽三郡。兼置渭州。後周併爲南安郡。隋開皇初郡廢。大業初州廢。復置隴西郡。唐武德元年置渭州。天寶元年曰隴西郡。寶應元年沒吐蕃。後廢。皇朝皇祐四年以渭州地置古渭寨。熙寧五年改通遠軍。崇寧三年改爲鞏州。今縣三。

隴西縣。本襄武縣地。二漢屬隴西郡。晉爲郡治焉。元魏置渭州。隋爲隴西郡。唐渭州沒吐蕃。廢。皇朝爲通遠軍。元祐五年於郭下置隴西縣。隋舊有隴西縣。本源道縣。漢屬天水郡。在襄武之東。靈帝置南安郡。晉因之。又置中陶縣。後省源道入中陶。隋開皇初南安郡廢。改中陶爲內陶。又改爲武陽。十年又改爲隴西。唐因之。沒蕃後廢。

永寧縣。本永寧寨。皇朝升爲縣。

寧遠縣。本寧遠寨。皇朝崇寧四年升爲縣。

會州古爲西羌秦屬隴西郡漢屬金城安定二郡地後漢屬金城武威二郡西魏置會州後周廢之隋屬平涼郡唐武德二年平李軌置會州天寶元年曰會寧郡領縣二

上會寧縣本漢枝陽縣地屬金城郡晉張寔分屬廣武郡西魏置會州後周廢之隋開皇十六年置會寧縣屬平涼郡唐置會州

上烏蘭縣本漢祖厲縣地屬安定郡東漢屬武威郡晉省之後周置烏蘭關唐武德九年置縣後周沒吐蕃皇朝收復今縣一

敷川縣

西安州秦漢屬北地郡唐屬靈州皇朝置西安州

西寧州古西羌所居漢武帝西逐諸羌乃度河湟築令居塞昭帝時屬金城郡東漢末置西平郡晉因之永嘉後禿髮烏孤初稱西平王其弟利鹿孤復都西平卽此地也後魏置鄯州後周置樂都郡隋開皇初郡廢大業初州廢置西平郡唐武德二年平薛舉置鄯州天寶元年曰西平郡領縣三

中湟水縣二漢破羌縣地屬金城郡建安中改爲西平郡晉因之元魏置鄯州後周置樂都郡隋開皇十八年改西都曰湟水大業初爲西平郡唐爲鄯州破羌縣故城在縣西

中龍支縣漢充吾縣地東漢爲龍耆縣元魏改曰北金城西魏改曰龍支隋屬枹罕郡唐屬鄯州

中鄯城縣唐儀鳳三年置屬鄯州漢西平郡故城在西有土樓山上元二年州沒于吐蕃皇朝收復改爲

西寧州隴右節度加號賓德軍。

湟州古雍州地漢晉後屬西平郡唐屬鄯州皇朝置湟州有湟水東入河

廓州古西羌地東漢延嘉中護羌校尉段熲追燒河大豪至河首積石山出塞二千餘里卽此地也漢末

屬西平郡前涼置湟河郡元魏屬鄯州後周武帝遂吐谷渾置廓州及洮河郡隋開皇初州郡並廢大業

初置澆河郡唐武德二年置廓州天寶元年曰寧塞郡領縣三。

下廣威縣本燒當羌地元魏置廣威縣隋仁壽初改爲化隆縣屬西平郡唐置廓州先天元年改化隆曰

化成天寶元年曰廣威。

下達化縣後周置達化郡并縣隋開皇初郡廢屬澆河郡有故澆河城晉時吐谷渾主阿豺所築在縣西

一百二十里。

下米川縣漢枹罕縣地屬金城郡唐正觀五年置米州及米川縣十年州廢屬河州永徽六年來屬廣德

元年州沒吐蕃皇朝收復。

下洮州古爲諸羌之地後爲吐谷渾所據至後周武帝遂吐谷渾置洮陽郡兼置洮州隋開皇初郡廢大

業初州廢置臨洮郡唐武德二年置洮州天寶元年曰臨洮郡領縣一。

中臨潭縣本吐谷渾地後周置美相縣唐正觀四年徙治洪和城以故地置旭州五年又置臨潭縣八年

州廢以臨潭屬洮州徙州來治復遷于洮陽城仍於舊洪和城置美相縣天寶中省美相併入有禹貢

西傾山。後名西強山。吐谷渾主阿豺嘗升西強山。觀墊江源。問於羣僚曰。此水東流。更有何名。由何郡國入何水也。其長史曾和曰。此水經仇池。過晉壽。出宕渠。始號墊江。至巴郡入江。度廣陵。會於海。阿豺曰。水尙知歸。吾雖塞表小國。而獨無所歸乎。遣使通宋。獻其方物。宋少帝封爲澆河公。西傾之北。則洮水所出。北流入河。寶應元年。州陷吐蕃。皇朝收復。

同下州鎮戎軍。秦屬北地郡。東漢因之。晉屬新平郡。元魏太武置高平鎮。後爲高平郡。兼置原州。隋初郡廢。大業初。州廢。置平涼郡。唐武德元年。曰原州。天寶元年。曰平涼郡。廣德元年。沒吐蕃。後廢。皇朝至道元年。以故平高縣地置鎮戎軍。

高平寨。慶曆二年置。本漢高平縣。爲安定郡治焉。東漢屬安定郡。光武自征隗囂。河西太守竇融。率五郡太守。與車駕會高平。是也。晉省之。元魏置高平鎮。後改爲平高縣。置原州。隋爲平涼郡。唐爲原州。

同下州德順軍。自五代以前。地理與渭州同。皇朝慶曆三年。以渭州隴干城置德順軍。今縣一隴干縣。皇朝元祐八年置。

同下州懷德軍。本平夏城。皇朝大觀二年。升爲懷德軍。以蕭關等寨隸之。與西安鎮戎互爲聲援。應接蕭關爲邊面之壯焉。蓋唐之武州蕭關縣地也。

同下州積石軍。本漢之金城郡河關縣地。唐置軍。隸隴右節度府。後沒吐蕃。皇朝復置。有積石山。禹導河自此始。河水出崑崙。自古言者皆失其實。禹本紀。山海經。水經。固以迂怪誕妄。而班固所載張騫窮河源。

事亦爲臆說。竊使大夏見葱嶺于闐二河合流注蒲昌海。其水亭居皆以爲潛行地中。南出于積石爲中國河。此乃意度之。非實見蒲昌海與積石河通流也。漢武帝以于闐山出玉。按古圖書。因名河所出曰崑崙。至唐之時。吐蕃爲大國。居積石西。唐之聘使往來。非一始見黃河在吐蕃中。西南數千里。向東北流。與積石河相連。而吐蕃又言崑崙在其國內。長慶中。劉元鼎爲盟會使。言河之上流。由洪濟果西南行二千里。水益狹。冬春可涉。夏秋乃勝舟。其南三百里。三山中。高而四下。曰紫山。直大羊同國。古所謂崑崙者也。虜曰悶摩黎山。東距長安五千里。河源其間。流澄緩下。稍合衆流。色赤。行益遠。它水并注。則濁。河源東北直莫賀延磧尾。隱測其地。蓋劍南之西。元鼎所經。見大略如此。

輿地廣記卷第十七

陝西路化外州

安西大都護府。漢爲龜茲國。唐立安西府。初治西州。顯慶二年。平賀魯。析其地。立濛池、崑陵、二都護府。分種落。列置州縣。西盡波斯國。皆隸安西。而徙府治高昌故地。三年。又徙治龜茲都督府。而故府復爲西州。咸亨元年。吐蕃陷都護府。長壽二年。收復安西四鎮。至德元載。更名鎮西。後復爲安西。吐蕃旣侵河隴。唯李元忠守北庭。郭昕守安西。與沙陀、回紇相依。攻之久不下。建中二年。元忠昕遣使問道入奏。詔各爲大都護。並爲節度。正元三年。吐蕃攻沙陀。回紇北庭。安西無援。遂陷。領四鎮。

龜茲都督府。都護府所治。本龜茲國。

毗沙都督府。本于闐國。

踈勒都督府。本踈勒國。

焉耆都督府。本焉耆國。

北庭大都護府。在流沙之西北。漢爲烏孫故地。東漢爲車師。後王庭。歷代爲胡虜所居。唐正觀中。討高昌。于時突厥屯兵於可汗浮圖城。與高昌相影響。及高昌旣平。懼而來降。乃以其地立庭州。長安二年。改曰北庭都護府。建中二年。曰大都護。正元三年。陷吐蕃。領縣四。

下金滿縣。

下輪臺縣。唐大曆六年置。

下後庭縣。本蒲類。隸西州。後來屬寶應元年。更名。其三縣並正觀十四年置。

下西海縣。寶應元年置。

大都督府靈州。古爲戎狄地。秦屬北地郡。二漢、魏、晉皆因之。元魏太武帝平赫連昌。置薄骨律鎮。河沿上。舊是赫連果地。至明帝立靈州。初治河北。後徙治果園所築城。後周立普樂郡。隋開皇三年。郡廢。大業初。州廢。立靈武郡。唐武德元年。改曰靈州。天寶元年。曰靈武郡。升爲朔方軍節度。領縣四。

望回樂縣。本二漢富平縣地。屬北地郡。晉及元魏因之。後省焉。故城在縣西南。元魏置回樂縣。及立靈州。後周立普樂郡。西魏立臨河郡。隋開皇元年。改臨河郡曰新昌。三年。州郡並廢。大業初。立靈武郡。唐武德元年。曰靈州。四年。析置豐安縣。正觀四年。於回樂境內立回州。以豐安隸焉。十三年。州廢。省豐安。天寶末。明皇西狩。太子卽位於靈武。是爲肅宗。

上靈武縣。漢屬北地郡。東漢省之。後周置。曰建安。又立歷城郡。隋開皇三年。郡廢。屬靈州。十八年。改建安。爲廣潤。仁壽元年。改今名。唐因之。

緊懷遠縣。漢富平縣地。後周置。及立懷遠郡。隋開皇三年。郡廢。屬靈州。唐立豐州。武德六年。廢。省九原。求豐、二縣入懷遠。

上保靜縣。本弘靜。隋開皇十一年置。唐神龍元年曰安靜。至德元載更名。有賀蘭山。

中都督夏州。古爲戎狄。秦屬上郡。後爲匈奴所有。漢武帝伐胡。取河南地。立朔方郡。東漢因之。後復沒於戎狄。晉末。赫連勃勃建都於此。國號大夏。子昌爲元魏。太武所滅。以其地立夏州。西魏立弘化郡。隋開皇初郡廢。大業初州廢。立朔方郡。唐正觀二年平梁師都。改爲夏州。天寶元年曰朔方郡。後升靜難軍節度。領縣三。

上朔方縣。二漢屬朔方郡。後廢。晉末。赫連勃勃於黑水之南營都。號爲統萬。悉土以築城。鐵錐刺入一寸。卽殺作人。不及一寸。行錐者死。元魏立夏州。及置巖綠縣。西魏立弘化郡。隋曰夏州。復曰朔方郡。後爲梁師都所據。唐克之。改爲夏州。正觀三年改巖綠爲朔方縣。唐末。拓跋思恭爲靜難軍節度使。其後世擅立。相承至今爲梗。

中下德靜縣。隋末置。唐正觀七年。隸北開州。八年曰化州。十三年州廢。來屬。

中下寧朔縣。後周置。隸弘化郡。隋屬朔方郡。唐武德六年立南夏州。正觀二年州廢。縣省。入朔方。五年復置。來屬。長安二年省。開元四年又置。九年省。其後又置。

中都督涼州。古爲戎狄。秦時屬匈奴。使休屠王居其地。漢武帝太初四年開立武威郡。東漢、魏、晉因之。兼立涼州。前涼張軌。後涼呂光。皆據此。涼且渠蒙遜亦自張掖徙居焉。元魏後周亦曰武威郡。隋開皇初郡廢。大業初州廢。立武威郡。唐武德二年平李軌。立涼州。天寶元年曰武威郡。置爲河西節度。領縣五。

中下姑臧縣。本匈奴蓋臧城。後人語訛。遂曰姑臧。二漢、魏、晉皆爲武威郡治。兼爲涼州刺史治焉。前涼、後涼、北涼皆據此。元魏後周亦爲武威郡。隋唐爲涼州。或爲武威郡。漢鶉陰縣。隸安定郡。東漢來屬。後省。故城在今縣東南。漢顯美縣。屬張掖郡。東漢來屬。晉以後因之。後周省入姑臧。有禹貢豬野澤。古休屠城。蓋并得漢武威、休屠二縣地。

下神烏縣。本漢鸞烏縣。屬武威郡。後省。唐總章元年。於漢縣故城復置。神龍元年更名。

中昌松縣。本漢蒼松。屬武威郡。魏晉因之。後涼呂光改爲昌松。元魏立昌松郡。後周郡廢。隋開皇初改縣爲永世。後復曰昌松。唐因之。漢允街縣。神爵二年置。屬金城郡。東漢、魏、晉因之。後省。故城在今縣東南。漢揶次縣。屬武威郡。東漢以後因之。元魏屬昌松郡。後周省入昌松。

中下天寶縣。本番和二漢屬張掖郡。晉屬武威郡。元魏立番和郡。後周郡廢爲鎮。隋開皇中爲縣。併障、燕支二縣入焉。唐咸亨元年立雄州。調露元年州廢。來屬天寶三載。以山出醴泉。更名有焉支山。

中嘉麟縣。本鸞烏。二漢屬武威郡。後省。唐武德三年復置神烏縣。正觀元年省。神龍元年改武威縣爲神烏。而於鸞烏故城置嘉麟縣。景龍元年省。先天二年復置。

中都督沙州。芸薹竄三苗于三危。卽此。其後世爲戎狄。地出美瓜。長者狐入其中食之。首尾不出。左傳所謂元姓之戎。居于瓜州是也。戰國及秦。月氏有其地。漢時入匈奴。武帝開之。屬酒泉郡。後分立敦煌郡。東漢、魏、晉因之。西涼李暠初據此。元魏亦曰敦煌郡。兼立瓜州。後周因之。隋開皇初郡廢。大業初州廢。復爲

燉煌郡。唐武德二年。曰瓜州。五年。改爲西沙州。正觀七年。曰沙州。天寶元年。曰燉煌郡。自祿山之亂。河右沒于吐蕃。大中後。吐蕃微弱。首領張義潮以瓜沙十一州來歸。而宣懿德微。不暇疆理。名存有司而已。後唐莊宗時。升爲歸義軍節度。領縣二。

下敦煌縣。二漢爲郡治。晉亦屬焉。北魏立瓜州。後周改縣爲鳴沙。隋大業初。復爲敦煌。唐立沙州。漢效穀縣。屬敦煌郡。晉因之。元魏立效穀郡。後周郡縣皆廢入焉。禹貢三危山在東南。有三峯。有神沙山。冬夏有聲如雷。渥洼水。漢元鼎中。土人得奇馬。以獻武帝。欲異之。乃從云渥洼水中出。於是作天馬之歌。下壽昌縣。本龍勒。二漢屬敦煌郡。晉因之。元魏立壽昌郡。後周郡縣皆廢入敦煌。唐武德二年。析燉煌置壽昌。永徽元年。省。乾封二年。復置。開元二十六年。又省。後復置。治漢龍勒縣故城。陽關在縣西六里。玉門關在西北一百十八里。二關之西三百餘里。有蒲昌海。一名鹽澤。廣袤三四百里。則葱嶺于闐兩河之所注也。

下都督瓜州。古西戎也。戰國時。月氏有之。後入匈奴。漢屬敦煌郡。東漢、魏、晉皆因之。元康五年。立晉昌郡。後廢。元魏、後周爲常樂郡。隋開皇初。郡廢。屬瓜州。唐武德五年。改瓜州爲西沙州。而析晉昌別立瓜州。天寶元年。曰晉昌郡。領縣二。

中下晉昌縣。本冥安。二漢、晉屬敦煌郡。惠帝分屬晉昌郡。北涼李暠改爲涼興郡。元魏改爲常樂郡。後周省冥安。別置涼興郡。隋開皇初。郡廢。屬瓜州。改涼興爲常樂縣。唐武德四年。更名晉昌。五年。別立瓜州。

於此。

中下常樂縣。本廣至。二漢屬敦煌郡。魏分置宜禾縣。晉立晉昌郡。李暠改郡縣皆曰涼興。元魏改郡曰常樂。後周廢縣。別置於冥安故城焉。旣而改常樂縣爲晉昌。武德元年。別置常樂於此。

下都督鹽州。春秋戎狄之地。秦屬北地郡。二漢因之。魏晉荒廢。元魏立大興郡。西魏改爲五原郡。兼立西安州。後改州曰鹽州。又改郡爲大興郡。隋開皇初。郡廢。大業初。州廢。立鹽川郡。唐武德二年。平梁師都。立鹽州。天寶元年。曰五原郡。正觀三年。沒吐蕃。九年。復城之。領縣二。

上五原縣。漢馬領縣地。屬北地郡。後置五原縣。元魏立大興郡。西魏立鹽州。隋曰鹽川郡。唐曰鹽州。有烏池。白池。細項池。四瓦窰池。鹽。

上白池縣。本興寧。隋末置。景龍三年。更名。

中府勝州。本春秋戎狄之地。戰國屬趙。秦屬雲中。九原。二郡。二漢屬雲中。五原。二郡。魏晉後。荒廢。隋開皇二十年。立勝州。大業初。州廢。立榆林郡。唐武德中。平梁師都。立勝州。天寶元年。曰榆林郡。領縣二。

中下榆林縣。本漢雲中之沙南。五原之五原地。南界有榆溪塞。卽蒙恬爲秦侵胡。闢地數千里。累石爲城。植榆爲塞。是也。隋開皇七年。置榆林縣。二十年。立勝州。大業初。立榆林郡。唐因之。漢五原縣故城在今縣西。有隋故榆林宮。東有榆林關。

中下河濱縣。亦漢沙南縣地。唐正觀三年。置。以東臨河岸。故名。及立雲州。四年。曰威州。八年。州廢。來屬東

北有河濱關。

下都督西州。漢爲車師前王國。元帝置戊巳校尉。屯田車師。故地。地形高敞。因名高昌壘。前涼張駿立高昌郡。元魏和平元年。爲蠕蠕所并。以闕伯周爲高昌王。宮呂稱王。自此始。孝文時。金城麴嘉稱王於此。傳數世。至唐正觀十四年。討平之。以其地立西州。開元中。曰金山都督府。天寶元年。曰交河郡。領縣五。

下前庭縣。本漢高昌壘。壘有八城。本中國人也。張駿立高昌郡。呂光且渠蒙遜皆因之。後闕伯周始建國。至麴文泰。爲唐所滅。立西州。及置高昌縣。寶應元年。改爲前庭。取車師前王庭以名之。

下柳中縣。取漢舊地爲名。

中下交河縣。漢車師前王國治交河城。河水分流繞城下。故號交河。唐取以名縣。中蒲昌縣。唐以始昌故城置。本隸庭州。後來屬。東南有蒲類海。胡人呼爲婆悉海。

下天山縣。其五縣皆唐正觀十四年與州同置。

下伊州。在燉煌北大磧之外。爲戎狄之地。非九州之限。東漢明帝時。伐匈奴。始取伊吾廬地。置宜禾都尉。以屯田。竇憲班超初築城於此。班勇爲西域長史。乃居焉。爾後多爲屯田兵鎮之所。未爲郡縣。元魏始立伊吾郡。後又爲鄯善所據。唐正觀四年。西域雜胡內附。乃立西伊州。六年。曰伊州。天寶元年。曰伊吾郡。領縣三五代時。曰胡盧磧。爲仲雲之族牙帳。仲雲。小月氏之遺種也。

下伊吾縣。本匈奴地。曰伊吾廬。在敦煌之北。大磧之外。南去玉門關八百里。東去陽關二千七百三十里。

東漢以後爲屯田兵鎮之所。晉置伊吾縣。屬敦煌郡。元魏立伊吾郡。後廢。唐立伊州。復置縣。有天山。胡人呼爲折羅漫山。每過之。皆下馬拜。一名雪山。

下納職縣。唐正觀四年。以鄯善所築。故城置。開元六年。省。十五年。復置。

下柔遠縣。唐正觀四年。置。取縣東柔遠故城以名之。

下甘州。春秋。戰國。爲戎狄。秦及漢初。爲匈奴所有。使昆耶王居之。武帝太初元年。昆耶王來降。以其地立張掖郡。東漢。魏。晉。皆因之。北涼。且渠蒙遜始都於此。元魏置張掖郡。西魏置西涼州。尋改曰甘州。因州東甘峻山爲名。後周因之。隋開皇初。郡廢。大業初。州廢。復爲張掖郡。唐武德二年。平李軌。立甘州。天寶年。曰張掖郡。領縣二。五代時。爲回鶻牙帳。

上張掖縣。晉舊縣。本匈奴昆耶王地。漢立張掖郡。治麟得縣。東漢因之。晉改曰永平縣。西魏立甘州。隋廢郡。大業初。改永平爲張掖縣。唐因之。漢昭武縣。屬張掖郡。晉改曰臨澤。故城在縣西北。漢張掖縣。屬武威郡。東漢因之。後省。故城亦在縣西北。漢居延縣。張掖都尉治。東漢興平二年。立西海郡。魏晉因之。後廢。故城在今縣東北。故臨松郡。前涼張天錫置郡。元魏因之。後廢爲縣。後周省入。有遮虜障。漢將軍路博德所築。有祁連山。臨松山。甘峻山。合黎山。居延澤。禹貢所謂道弱水。至于合黎。餘波入于流沙。居延澤卽古流沙也。

中下刪丹縣。漢屬張掖郡。東漢因之。後分屬西郡。晉因之。元魏改縣曰山丹。隋大業初。復改曰刪丹。屬張

掖郡。唐屬甘州。漢日勒縣。屬張掖郡。東漢因之。後分立西郡。魏、晉、元、魏因之。改縣曰永寧。西魏郡廢。又改縣曰弱水。後周省入山丹。故城在縣東南。有焉支山。匈奴初失祁連焉支二山。惜之。歌曰：奪我祁連山。使我六畜不繁息。失我焉支山。使我婦女無顏色。

下肅州。古月氐地。後入匈奴。漢太初元年。開立酒泉郡。東漢、魏、晉因之。西涼李嵩自敦煌徙居於此。元魏後周亦爲酒泉郡。隋開皇初。郡廢。仁壽中。立肅州。大業初。州廢。入張掖郡。唐武德二年。分立肅州。天寶元年。曰酒泉郡。領縣三。

中下酒泉縣。本福祿。漢立酒泉郡。城下有金泉。味如酒。因以名焉。東漢以後皆因之。元魏置酒泉軍。後復爲郡。隋郡廢。立肅州。州廢。屬張掖郡。義寧元年。改福祿爲酒泉。唐立肅州。西南有崑崙山。周穆王見西王母於此。漢平帝時。金城塞外羌獻魚鹽之地。遂得西王母石室。以爲西海郡。後爲吐谷渾所都。隋大業五年。討之。復立西海郡。

下福祿縣。本漢樂涪縣。屬酒泉郡。東漢、晉因之。後省。唐旣改福祿縣爲酒泉。武德二年。於樂涪故城復置。中下玉門縣。漢屬酒泉郡。時罷玉門關屯。徙其人於此。因以名縣。東漢、魏、晉因之。元魏立會稽郡。併新鄉。延興。入會稽縣。隋開皇中。改縣爲玉門。屬瓜州。唐武德二年。來屬。正觀元年。省。後置。開元中。沒吐蕃。因置玉門軍。天寶十四年。廢軍爲縣。北有獨登山。出鹽。以充貢。有神雨山。

下疊州。歷代爲諸羌所據。晉屬汝山郡。宋齊因之。後爲西魏。後周所有。武帝立西疆、恒香二郡。兼立疊州。

隋開皇初二郡並廢。大業初州廢入臨洮同昌二郡。唐武德二年復立疊州。天寶元年曰合川郡。領縣二。下合川縣。後周置。及立西疆郡。隋郡廢。屬臨洮郡。唐立疊州。故疊川縣。後周置。及立疊州。隋廢州。屬臨洮郡。唐武德二年來屬。正觀二年省入焉。有白嶺山。

下常芬縣。後周置。及立恒香郡。隋郡廢。屬同昌郡。唐武德元年立芳州。高宗上元二年陷吐蕃。神龍元年州廢。來屬。有弱水。

下宕州。歷代爲諸羌所據。元魏武帝時始內附。封爲宕昌王。後周立宕昌國。武帝天和元年置宕州。隋大業初州廢爲宕昌郡。唐武德元年復爲宕州。天寶元年曰懷道郡。領縣二。

下懷道縣。後周置。及立甘松郡。隋開皇初郡廢。屬宕州。唐爲州治。正觀三年省和戎縣入焉。

下良恭縣。本陽宕。後周置。及立宕昌郡。兼立宕州。隋郡廢。後州廢。復爲宕昌郡。唐屬宕州。正觀元年以成州之潭水來屬。後省入焉。

下都督府豐州。春秋爲戎狄戰國。屬趙。秦屬九原郡。漢屬五原郡。東漢因之。魏晉後爲匈奴所沒。隋文帝置豐州。煬帝初州廢。置五原郡。唐正觀四年以突厥降戶立豐州。不領縣。十一年州廢入靈州。二十三年復立。天寶元年曰九原郡。領縣二。

中下九原縣。二漢屬五原郡。後沒匈奴。唐永徽四年復置。

中下永豐縣。唐永徽元年置。麟德元年別置豐安縣。天寶末省。

東受降城。唐景雲二年。朔方軍摠管張仁愿築三受降城。

中受降城。有拂雲堆祠。

西受降城。開元初。爲河所圯。十年。摠管張說於城東別置新城。北三百里有鷓鴣泉。

上宥州。歷代地理與鹽州同。唐調露元年。於靈夏南境。以降突厥立魯州。麗州。舍州。塞州。依州。契州。以唐人爲刺史。謂之六胡州。長安四年。併爲匡長二州。神龍三年。立蘭池都督府。分六州爲縣。開元十年。復立魯麗契塞四州。十年。平康待賓。遷其人於河南及江淮。十八年。復爲匡長二州。二十六年。還所遷胡戶。立宥州及延恩等縣。天寶元年。曰寧朔郡。至德二載。更郡曰懷德。乾元元年。復故名。寶應後。廢。元和九年。於經略軍復置。距故州東北三百里。十五年。徙治長澤。爲吐蕃所破。長慶四年。節度使李祐復奏置。領縣二。中延恩縣。唐開元二十六年。以故匡州地置。又以故塞門縣地置懷德縣。以故蘭池州之長泉縣地置歸仁縣。寶應後。皆省。元和九年。復置延恩。有經略軍。在榆多勒城。天寶中。王忠嗣奏置。

中下長澤縣。本漢三封縣地。屬朔方郡。後省。元魏置長澤。及立闡熙。大安二郡。又立長州。隋開皇三年。郡並廢。大業三年。州廢。入朔方郡。唐正觀七年。立長州。十三年。州廢。隸夏州。元和十五年。來屬。有胡洛鹽池。

輿地廣記卷第十八

河東路上

大都督府太原府。春秋屬晉。戰國屬趙。秦昭襄王使蒙驁攻趙。初置太原郡。二漢因之。兼置并州。魏、晉、爲太原國。後魏復爲郡。北齊、後周、皆因之。隋初曰并州。後曰太原郡。唐武德元年爲并州。天授元年置北都。開元十一年曰太原府。後領河東節度。周初劉崇竊據其地。皇朝太平興國四年克復。降爲并州。嘉祐四年升爲太原府。河東節度。今縣九。

次赤陽曲縣。本漢狼孟縣地。故城在今縣東北。屬太原郡。東漢自今定襄縣移陽曲於此。晉因之。隋開皇六年改曰陽直。十六年改曰汾陽。唐武德七年復曰陽曲。自劉氏竊據以前。府治太原。晉陽二縣。皇朝太平興國四年王師克復。遂徙州治陽曲。而空其故城。太原縣禹貢所謂既修太原是也。秦以來爲太原郡治。東漢以後兼爲并州刺史治焉。後魏爾朱榮高歡父子皆據此。隋開皇十年於州城中古晉陽置太原縣。唐高祖於此起義師以興王業。皇朝太平興國四年省入榆次。晉陽縣本漢舊縣。北齊置龍山縣。隋開皇十年改曰晉陽。皇朝建隆四年以爲平晉軍。太平興國四年廢爲平晉縣。熙寧三年省入陽曲。有龍山。晉水所出。

次畿太谷縣。本漢陽邑縣。屬太原郡。東漢及晉皆因之。隋開皇十八年更名。唐因之。有太谷山。

次畿榆次縣。本涂水。晉大夫知徐吾之邑也。秦莊襄王三年。蒙驁攻趙榆次。漢屬太原郡。東漢、晉因之。北齊改曰中都。隋開皇初。復曰榆次。唐因之。

次畿壽陽縣。晉秦始中置。屬樂平郡。後廢。隋開皇十年。復置。屬并州。後曰受陽。唐武德六年。受州徙治此。正觀八年。州廢。來屬。十一年。復曰壽陽。有方山。

次畿孟縣。本晉大夫孟丙邑。漢屬太原郡。東漢、晉因之。後廢。隋開皇十六年。置原仇縣。大業初。復曰孟。唐武德三年。置受州。正觀八年。州廢。來屬。

次畿交城縣。隋開皇十六年。分晉陽置。屬并州。唐先天二年。析置靈川縣。開元二年。省。

次畿文水縣。本太陵縣地。昔趙武靈王遊大陵。夢處女鼓琴而歌。卽此。漢屬太原郡。東漢、晉因之。後曰受陽。隋開皇十年。改曰文水。屬并州。唐武德中。屬汾州。正觀初。還屬并州。天授元年。以武后鄉里。改爲武興。神龍元年。復爲文水。

次畿祁縣。本晉大夫祁奚邑。晉滅祁氏。以賈辛爲大夫。漢屬太原郡。東漢、晉因之。北齊省。隋開皇中。復置。屬并州。唐因之。

次畿清源縣。本梗陽。晉大夫魏戊邑。漢爲榆次縣地。隋置清源縣。以清源水爲名。屬并州。大業初。省。人晉陽。唐武德元年。復置。

大都督府潞州。春秋時。爲黎侯。後赤狄奪其地。而潞子嬰兒爲晉所滅。其地屬晉。戰國時。曰上黨。爲韓之

別都。遠韓近趙。秦攻上黨。韓不能救。其守馮亭以地降趙。秦攻取之。置上黨郡。二漢、晉因之。後魏亦爲上黨郡。後周置潞州。隋置韓州。大業初。州廢。復置上黨郡。唐武德元年。又爲潞韓二州。正觀十七年。併韓入焉。後領昭義軍節度。皇朝太平興國元年。改昭德軍。建中靖國元年。改隆德軍。今縣七。

望上黨縣。故黎侯國。書所謂西伯戡黎。詩所謂狄人迫逐黎侯。是也。漢爲壺關縣。屬上黨郡。東漢、晉因之。後魏分置上黨縣。爲上黨郡治。後周及唐。爲潞州治。明皇嘗爲州別駕。有啓聖宮。本明皇故弟。

上屯留縣。春秋時。本爲純留。屬晉。左傳。晉人執衛孫蒯于純留。卽此。後趙肅侯尊晉君端氏而徙之。屯留。漢屬上黨郡。東漢、晉因之。北齊廢焉。隋開皇十六年。復置。屬潞州。唐因之。有漢余吾縣。故城在縣西北三十里。

上襄垣縣。漢屬上黨郡。東漢、晉皆因之。後魏置襄垣郡。北齊郡廢。後周置韓州。隋大業初。州廢。屬上黨郡。唐武德元年。復置韓州。正觀十七年。州廢。來屬。有鹿臺山。

上潞城縣。故潞子國。二漢潞縣。屬上黨郡。晉爲郡治。後縣廢。隋開皇十六年。復置潞城縣。屬潞州。唐因之。有潞水。爲并州浸。卽濁漳水也。

中黎城縣。漢潞縣地。後魏以潞縣被誅。遣人置。隋開皇十八年。改名黎城。有壺口故關。

中壺關縣。本漢壺關縣地。後魏旣以壺關置上黨縣。乃移壺關於此。隋大業初。省入上黨。唐武德四年。復析上黨置潞州。

中長子縣。本周史辛甲之封邑。左傳晉人執衛行人石買于長子。卽此。秦爲上黨郡治。二漢因之。晉屬上黨郡。北齊廢焉。隋開皇九年置曰寄氏縣。十八年改曰長子。屬潞州。唐因之。有廢鳩山。漳水所出。有羊腸坂。王莽命左威將王嘉曰羊頭之阨。北當燕趙。蓋此地也。

中下涉縣。二漢屬魏郡。晉屬廣平郡。後魏廢焉。隋開皇十八年復置。屬潞州。

望晉州。堯時爲帝都。所謂平陽也。春秋屬晉。戰國屬魏。秦屬河東郡。二漢因之。魏分置平陽郡。晉因之。劉淵僭位。設都於此。後魏亦爲平陽郡。兼置唐州。後改曰晉州。東魏、北齊皆爲重鎮。隋初郡廢。煬帝初置臨汾郡。唐武德元年曰晉州。天寶元年曰平陽郡。梁開平四年升定昌軍。後唐同光元年改曰建雄軍。皇朝因之。今縣十。

望臨汾縣。本平陽。堯所都也。戰國時韓武子居之。二漢屬河東郡。魏置平陽郡。晉因之。後魏置唐州。改曰晉州。隋開皇初改郡曰平河。改縣曰臨汾。尋郡廢。大業初置臨汾郡。唐置晉州。有姑射山。

緊洪洞縣。本楊侯國。姬姓也。晉滅之。爲楊邑。二漢爲楊縣。屬河東郡。晉屬平陽郡。隋屬臨汾郡。義寧二年改曰洪洞。取縣北洪洞嶺爲名。唐屬晉州。故洪洞城在今縣北。東魏、北齊鎮此。

緊襄陵縣。二漢舊縣。屬河東郡。晉屬平陽郡。後魏太武以擒赫連昌。乃分置擒昌縣。北齊廢襄陵。入擒昌。隋大業初又改擒昌爲襄陵。屬臨汾郡。唐屬晉州。晉襄公之陵在西北。因以名縣。

上神山縣。唐武德二年分襄陵置浮山縣。東南有羊角山。四年以老子祠更名神山。

趙城縣。昔周穆王以趙城封造父。卽此。漢爲彘縣地。屬河東郡。隋義寧二年。析霍邑置趙城縣。屬晉州。上汾西縣。後魏置。曰臨汾縣。及汾西郡。隋開皇初。郡廢。十八年。改縣曰汾西。屬晉州。唐因之。

中霍邑縣。本彘縣。周厲王流於彘。卽此。漢屬河東郡。順帝陽嘉二年。改曰永安。晉省之。後魏置永安郡。隋

開皇初。郡廢。十六年。置汾州。十八年。改爲呂州。而改永安爲霍邑。大業初。州廢。屬臨汾郡。唐屬晉州。霍太山在東北。禹貢所謂太嶽也。周封文王子叔處爲霍伯。其後晉滅之。有彘水。西南流入汾。

中冀氏縣。漢猗氏縣地。屬上黨郡。後魏置冀氏縣及冀氏郡。北齊郡廢。隋屬臨汾郡。唐屬晉州。

中下和川縣。

中下岳陽縣。漢穀遠縣地。屬上黨郡。後魏置安澤縣。隋大業初。改曰岳陽。屬臨汾郡。唐屬晉州。縣在太嶽之南。禹貢所謂至于岳陽。蓋指此而言也。

中府州。漢屬太原郡。隋屬樓煩郡。唐屬嵐州。唐末。置府州。後唐莊宗以雲中人折從阮爲刺史。晉出帝時。從阮以兵攻契丹。取其城堡十餘。漢高祖天福十二年。置永安軍。以從阮爲節度使。明年入朝。拜從阮子德辰爲本州團練使。自此折氏世守府州。皇朝因之。今縣一。

下府谷縣。有安豐。寧府。百勝。三寨。濱河。斥侯。請化。西安。三堡。有黃河。

下麟州。漢屬五原。西河。二郡。隋屬銀。勝。二州。唐因之。開元十二年。節度使張說奏置麟州。十四年。州廢。天寶元年。王忠嗣復奏置。又爲新秦郡。皇朝乾德五年。升建寧軍節度。端拱元年。改鎮西軍。今縣三。

上新秦縣。唐天寶元年。析連谷銀城置。爲麟州治。按漢書食貨志。武帝以山東被水災。民多飢乏。乃徙貧民於關以西。及充朔方以南。新秦中。今之郡縣。蓋其地也。

中銀城縣。本漢稠陽。曼柏二縣地。屬五原郡。後魏置石城縣。後周改爲銀城。隋屬綏州。後廢焉。唐正觀二年。復置。四年。屬銀州。八年。屬勝州。天寶元年。來屬。漢本紀。光祿勳徐自爲築五原塞。外列城。西北至盧胸山。卽今縣北。所謂光祿塞是也。

下連谷縣。本漢圖陰縣地。屬西河郡。唐正觀八年。以隋連谷戍置縣。屬勝州。天寶元年。來屬。

雄絳州。春秋爲晉都。戰國屬魏。秦時屬河東郡。二漢因之。晉屬河東。平陽二郡。後魏置東雍州。西魏。後周。以爲重鎮。後周改曰絳州。及平正絳二郡。隋開皇初。郡廢。大業初。州廢。置絳郡。唐武德元年。復曰絳州。天寶元年。曰絳郡。皇朝因之。今縣七。

望正平縣。本二漢臨汾縣。屬河東郡。晉屬平陽郡。後周置正平郡。隋開皇初。置絳州。十八年。改臨汾縣爲正平。大業初。置絳郡。唐爲絳州。有北齊武平關。在縣西三十里。故家雀關。在縣西七里。並是鎮處。有汾澮二水。

望曲沃縣。晉文侯封弟成師於此。謂之曲沃桓叔。二漢爲絳縣地。後周置曲沃縣。隋屬絳郡。唐屬絳州。有絳山。絳水。

望太平縣。本漢臨汾縣地。後魏置太平縣。隋屬絳郡。唐屬絳州。

上翼城縣。晉穆侯自晉陽徙郤于絳。至孫孝侯。改絳爲翼。謂之翼侯。其後爲曲沃武公所并。自曲沃徙都之。復謂之絳。二漢爲絳縣地。後魏爲北絳縣及北絳郡。隋開皇初郡廢。十八年改縣曰翼城。屬絳州。義寧元年置翼城郡。唐武德元年曰滄州。四年州廢。縣來屬。

中稷山縣。本二漢聞喜縣地。屬河東郡。後魏置高涼縣。又置龍門郡。後周置勳州。改曰絳州。隋開皇初龍門郡廢。徙絳州治正平。十八年改高涼曰稷山。唐因之。有玉壁城。後周王思政所築。爲重鎮。齊神武再攻圍不克。

中絳縣。本晉之新田。魏獻子曰。新田土厚水深。居之不疾。蓋謂此。二漢屬河東郡。晉屬平陽。後周置絳郡。隋開皇初郡廢。屬絳州。唐因之。

下垣曲縣。本垣縣。二漢晉屬河東郡。後廢焉。西魏置邵郡及白水縣。後周置邵州。改白水爲亳城。隋開皇初郡廢。大業初州廢。改亳城爲垣縣。屬絳郡。義寧元年置邵原郡。唐武德元年曰邵州。正觀元年州廢。縣來屬。龍朔二年屬洛州。長安二年復故。正元三年屬陝州。元和三年復故。今日垣曲有禹貢王屋山。沈水所出。東流爲濟。

上代州。春秋屬晉。戰國屬趙。趙武靈王置鴈門郡。此其南境。秦漢屬太原。鴈門二郡。東漢屬太原。鴈門代三郡。晉置鴈門郡。後魏又置繁峙郡。後周置肆州。隋開皇五年改曰代州。唐因之。天寶元年曰鴈門郡。皇朝因之。今縣四。

中鴈門縣。本漢廣武縣。屬太原郡。東漢屬代郡。晉爲鴈門郡治焉。元魏、後周皆因之。隋初郡廢。置代州。唐因之。有夏屋山。史記趙襄子北登夏屋。以銅斗擊殺代王。卽此。有勾注山。漢擊匈奴於此。一名西陁。有溱池水。

中崞縣。二漢、晉皆屬鴈門郡。後廢焉。元魏置石城縣。東魏置廓州。北齊改爲北顯州。後周廢。隋開皇十六年改縣曰平寇。大業初又改曰崞縣。屬鴈門郡。唐屬代州。有崞山。故樓煩縣。本樓煩胡地。趙武靈王取之。置縣。二漢屬鴈門郡。魏、晉廢焉。故城在今縣東。故唐林縣。本武延縣。唐證聖元年析五臺、崞置。唐隆元年改曰唐林。皇朝景德二年省入崞。

中下五臺縣。本慮虜縣。二漢屬太原郡。魏、晉廢焉。後魏置驢夷縣。隋大業初改曰五臺。屬鴈門郡。唐屬代州。有五臺山、慮虜水。

中下繁峙縣。二漢、晉皆屬鴈門郡。後廢焉。元魏復置。并置繁峙郡。後周郡縣並廢。隋開皇十八年復置縣。屬代州。唐因之。

下隰州。春秋屬晉。戰國屬魏。秦、二漢屬河東郡。魏、晉屬平陽郡。後魏、北齊爲沁州。後周置沁州及龍泉郡。隋開皇初郡廢。後復置西汾州。尋又改爲隰州。大業初復置龍泉郡。唐武德元年改爲隰州。天寶元年曰大寧郡。今縣六。

上隰川縣。本晉之蒲邑。晉獻公使公子重耳居蒲。卽此。漢爲蒲子縣。屬河東郡。晉屬平陽郡。後廢焉。後周

置長壽縣及龍泉郡。隋開皇初郡廢。改長壽縣爲隰川。爲隰州治。唐因之。

上溫泉縣。本後周新城縣地。隋開皇十年省縣入汾西。唐武德三年置溫泉及北溫州。正觀元年州廢。以縣來屬。

中蒲縣。後周置。隋屬龍泉郡。唐武德二年置昌州。正觀元年州廢。以縣來屬。

中大寧縣。本漢北屈縣地。屬河東郡。隋爲伍城縣地。屬文城郡。唐武德二年更名。是年置中州。正觀元年州廢。以縣來屬。

中石樓縣。本漢吐軍縣。屬西河郡。東漢省之。後魏置吐京縣及吐京郡。蓋胡俗語訛也。隋開皇初郡廢。十

八年改縣爲石樓。屬隰州。唐武德二年置西德州。正觀元年州廢。屬東和州。州廢。來屬。有石樓山。

中永和縣。本漢狐謠縣。屬河東郡。東漢、晉因之。後周置臨河縣及臨河郡。隋開皇初郡廢。十八年改縣爲

永和。屬隰州。唐武德二年置東和州。六年析置樓山縣。正觀二年州廢。省樓山。以永和來屬。

下慈州。春秋屬晉。戰國屬魏。秦、二漢屬河東郡。魏、晉屬平陽郡。東魏置定陽郡及南汾州。北齊改爲西汾

州。隋開皇初郡廢。十六年改州爲耿州。後復爲汾州。大業初州廢。置文城郡。唐武德元年復曰汾州。五年

曰南汾州。八年曰慈州。取慈烏戍爲名。天寶元年曰文城郡。皇朝熙寧五年州廢。屬隰州。元祐元年復置

今縣一。

中吉鄉縣。本晉之北屈。晉獻公使公子夷吾居屈。卽此地。產口馬。所謂屈產之乘。東魏置定陽縣及定陽

郡。隋改定陽曰吉昌。置文城郡。唐曰慈州。後唐改吉昌爲吉鄉。皇朝因之。州廢。屬隰州。州復置。仍爲州治。有禹貢壺口山。文城鎮。本元魏伍城縣地。後置文城縣。隋屬文城郡。唐屬慈州。有孟門山。黃門。皇朝熙寧五年。省入吉鄉。唐慈州又領昌寧。作城。呂香。三縣。昌寧縣。元魏置。并內陽郡。隋開皇初。郡廢。屬文城郡。後唐改曰寧鄉。皇朝省之。伍城縣。元魏置。曰刑軍縣。後改曰伍城。又置伍城郡。隋開皇初。郡廢。屬文城郡。周顯德三年。省呂香縣。隋義寧元年。分伍城置平昌縣。唐正觀六年。改爲呂香。周顯德三年。省下忻州。春秋屬晉。戰國屬趙。秦二漢屬太原郡。元魏置肆州。後周徙州於鴈門郡。隋開皇初。置新興郡。尋廢。十八年。置忻州。取忻口爲名。大業初。州廢。屬樓煩郡。義寧元年。復置新興郡。唐武德元年。復爲忻州。天寶元年。曰定襄郡。皇朝因之。今縣二。

緊秀容縣。本漢汾陽縣地。屬太原郡。東漢省之。元魏置肆州。北齊置平寇縣。隋開皇初。置新興郡。十年。廢平寇縣。而自今宜芳秀容故城移縣治此。十八年。置忻州。唐因之。有忻口寨。繫舟山。

上定襄縣。本漢陽曲縣地。唐武德四年。析秀容置。有石嶺關。甚險固。

輿地廣記卷第十九

河東路下

望汾州。春秋屬晉。戰國屬趙。秦屬太原郡。二漢屬太原、西河、二郡。魏因之。晉屬西河國。元魏置西河郡。兼置汾州。北齊置南朔州。後周改曰介州。隋開皇初郡廢。大業初州廢。復置西河郡。唐武德元年改曰浩州。三年改曰汾州。皇朝因之。今縣五。

望西河縣。本漢隰城。屬西河郡。東漢省之。晉復置。屬西河國。元魏爲西河郡及汾州治。隋唐皆因之。肅宗上元元年改隰城曰西河。漢京陵縣地。屬太原郡。卽趙文子與叔向觀于九原之所。漢茲氏縣。屬太原郡。魏黃初二年置西河國。有西河恭王司馬子盛碑。

望平遙縣。本漢平陶縣。屬太原郡。東漢、晉因之。元魏以諱改陶爲遙。隋屬西河郡。唐屬汾州。上介休縣。二漢屬太原郡。晉屬西河國。元魏分置平昌縣。後周置介休郡。省介休縣入平昌。隋開皇初郡廢。十八年改平昌曰介休。屬西河郡。義寧元年復置介休郡。唐武德元年改爲介州。正觀元年州廢。來屬。有綿上山。今謂之介山。有介子推祠。漢鄆縣。屬太原郡。東漢、晉因之。九澤在北。是爲昭餘祿。漢中都縣。文帝爲代王都此。屬太原郡。東漢、晉因之。後皆入介休。

上孝義縣。漢中陽縣。屬西河郡。東漢因之。隋曰永安。正觀元年更名孝義。有隱泉山。

中靈石縣。本漢介休縣地。隋開皇十年置。屬汾州。唐因之。有賈胡堡。唐高祖討宋金剛。次于此地。有高壁嶺、雀鼠谷、汾水關。皆險固之處。

上澤州。春秋屬晉。戰國屬韓。後屬趙。秦屬上黨郡。二漢屬上黨、河東二郡。魏、晉因之。元魏置達州。及高都、長平、安平三郡。北齊置長平、高都二郡。後周併二郡爲高平郡。隋開皇初郡廢。改州爲澤州。大業初州廢。置長平郡。置澤州。天寶元年曰高平郡。皇朝因之。統縣六。

緊晉城縣。本高都縣。二漢、晉屬上黨郡。元魏置建州。北齊置長平、高都二郡。後周併爲高平郡。隋開皇初郡廢。十八年改縣爲丹川。大業初置長平郡。唐武德元年置建州。三年析丹川縣置晉城。六年州廢。隸蓋州。徙蓋州來治。九年省丹川入晉城。正觀元年州廢。隸澤州。徙澤州來治。有天井關。在縣南。太行山上。

上高平縣。本泫氏縣地。二漢、晉屬上黨郡。後析置平高縣。北齊改曰高平。省泫氏入焉。隋屬長平郡。唐武德元年置蓋州。正觀元年州廢。屬澤州。秦將白起坑趙降卒四十萬人於長平。卽此地。今有頭顱山。上陽城縣。本濩澤縣。二漢屬河東郡。晉屬平陽郡。隋置澤州。取濩澤爲名。後屬長平郡。唐武德元年復置澤州。八年徙治端氏。天寶元年改縣爲陽城。有禹貢析城山、王屋山、濩澤水。

中端氏縣。韓、趙、魏旣分。晉徙晉君子端氏。卽此。二漢屬河東郡。晉屬平陽郡。元魏置安平郡。隋開皇初郡廢。屬澤州。唐武德六年徙州來治此。正觀元年徙治晉城。

中陵川縣。本漢汝氏縣。北齊省之。隋開皇十六年。置陵川縣。屬澤州。唐武德元年。屬蓋州。正觀元年。來屬。中下沁水縣。二漢。晉。皆屬河內郡。元魏置廣寧郡。北齊郡廢。改縣爲永寧。隋開皇十八年。復爲沁水。屬澤州。唐武德元年。屬蓋州。正觀元年。來屬。

中憲州。自唐以前。地理與嵐州同。本樓煩監牧。以嵐州刺史兼領。正元十五年。別置監牧使。龍紀元年。節度使李克用表置憲州及樓煩縣。皇朝因之。咸平五年。以樓煩屬嵐州。以嵐州之靜樂來屬。熙寧三年。州廢。十年。復置。統縣一。

中靜樂縣。漢汾陽縣地。屬太原郡。後置岢嵐縣。隋開皇十八年。改曰汾源。大業四年。又改爲靜樂。屬樓煩郡。唐武德四年。置管州。六年。州廢。以靜樂屬嵐州。皇朝咸平中。來屬。熙寧三年。屬嵐州。十年。復來屬。有管涔山。汾水所出。有隋汾陽宮。故天池縣。唐龍紀三年。置屬憲州。咸平省入靜樂。

下嵐州。春秋屬晉。後爲胡地。有樓煩王居焉。其地屬趙。秦屬太原郡。二漢。晉。因之。後魏末。置嵐州。隋大業四年。置樓煩郡。唐武德四年。置東會州。六年。更名嵐州。皇朝因之。統縣三。

中宜芳縣。本漢汾陽縣。屬太原郡。高帝封靳強爲侯國。積粟所在。謂之羊腸倉。有羊腸坂。石磴縈回。若羊腸焉。隋末。置嵐城縣。屬樓煩郡。唐武德四年。更名宜芳。六年。爲嵐州治。有古秀容城。魏土地記曰。秀容。胡人徙居之。立秀容護軍。治此。

中下合河縣。北齊置蔚汾縣。隋大業四年。改曰臨泉。屬樓煩郡。唐武德三年。改曰臨津。六年。屬嵐州。正觀

元年。又改爲合河。東有蔚汾關。西有合河關。

下樓煩縣。唐龍紀元年。於樓煩監西一里置。爲憲州治。皇朝咸平中。以縣來屬。

下石州。戰國時。趙之離石邑。後爲秦魏二國之境。秦屬太原郡地。漢屬西河郡。東漢爲郡治焉。晉置西河國。北齊置西汾州及懷政郡。後周改州爲石州。郡爲離石郡。隋開皇初。郡廢。大業初。州廢。復置離石郡。唐武德元年。復爲石州。天寶元年。曰昌化郡。皇朝因之。統縣三。

中離石縣。本戰國趙邑。秦昭王伐趙。取離石。是也。後屬太原郡。漢屬西河郡。而東漢徙郡治此。晉爲西河國治。自漢末匈奴入居內郡。魏武帝分其衆爲五部。在離石者。以左賢王去卑監子。去卑子豹。豹子淵。世據此地。謂之左國城。晉惠帝時。淵起兵於此。後趙石勒置永石郡。後縣廢焉。北齊置昌化縣及懷政郡。後周郡縣並改曰離石。隋因之。唐爲石州。

中平夷縣。後周析離石縣置。隋屬離石郡。唐屬石州。

中方山縣。後周置窟胡縣及窟胡郡。隋開皇初。郡廢。後縣改爲修化。屬離石郡。後周又置盧山縣。大業初。并入修化。唐爲方山縣。武德二年。置方州。三年。州廢。來屬。按舊史言方山。隋縣。隋史石州無方山。有修化。豈隋末更名而史官失紀歟。有方山。赤洪水。

下遼州。春秋屬晉。戰國屬韓。後屬趙。秦二漢屬上黨郡。晉爲樂平郡。後魏爲遼陽郡。隋屬遼州。大業初。州廢。屬太原郡。唐武德三年。復屬遼州。六年。州徙來治此。八年。曰箕州。先天元年。改曰儀州。天寶元年。曰樂

平郡。中和三年。復曰遼州。皇朝因之。熙寧七年。州廢。屬平定軍。元豐八年。復置。今縣四。

下遼山縣。本涅氏縣地。二漢屬上黨郡。晉置遼陽縣。屬樂平郡。元魏曰遼陽。北齊省之。隋開皇十年。復置。更名遼山。十六年。屬遼州。大業初。州廢。屬太原郡。唐武德三年。復屬遼州。六年。州治徙此。有遼陽山。古箕城。春秋晉人敗狄于箕。先軫死焉。卽此。

中下榆社縣。本涅氏縣地。二漢屬上黨郡。晉置武鄉縣。唐武德元年。屬韓州。三年。以縣及并州之平城置榆州。六年。州廢。來屬。

下平城縣。

下和順縣。本韓之闕與邑。趙奢破秦軍于闕與。卽此。漢爲沾縣。屬上黨郡。後置梁榆縣。晉盧諶征艱賦云。訪梁榆之虛郭。乃闕與之舊平。是也。隋開皇十年。改曰和順。屬太原縣。唐武德三年。來屬。熙寧七年。省爲鎮。入遼山。元祐元年。復置。

下豐州。自五代以前。地理與府州同。皇朝嘉祐七年。以府州羅泊川掌地置。東南接府州。西接麟州。不統縣。

同下州威勝軍。自五代以前。地理與潞州同。皇朝太平興國二年。置威勝軍。併沁州入焉。今縣四。

中銅鞮縣。本晉大夫羊舌赤之邑。漢高帝破韓王信於此縣。二漢及晉屬上黨郡。隋唐屬潞州。皇朝爲威勝軍。有舊涅縣。後魏改爲陽城。開皇十八年。改爲甲川。大業初。省入銅鞮。

上武鄉縣漢涅縣地晉置武鄉縣屬上黨郡石勒其縣人也有瀉麻池勒與李陽爭池相歐卽此及僭位置武鄉郡後魏去武字隋開皇初郡廢屬潞州十六年分置榆社縣大業初省人唐武后復加武字屬潞州皇朝太平興國二年來屬

中下沁源縣本穀遠縣二漢屬上黨郡晉省之元魏置沁源縣及義寧郡隋開皇初郡廢十六年置沁州大業初州廢屬上黨郡唐武德元年復置沁州天寶元年曰陽城郡皇朝太平興國六年廢州以沁源來屬

中下綿上縣隋開皇十六年分介休縣之南境置屬汾州唐武德元年屬沁州皇朝太平興國六年屬大通監寶元二年來屬晉文公以綿上爲介之推田曰以志吾過且旌善人卽此

同下州平定軍春秋屬晉戰國屬趙秦及二漢屬太原上黨二郡晉置樂平郡元魏爲西陽郡後復爲樂平隋開皇初郡廢十六年置遼州大業初州廢屬太原縣唐武德三年復置遼州治樂平領遼山平城石艾等縣後州徙治遼山而樂平石艾還屬并州皇朝太平興國二年置平定軍今縣二

中平定縣本上艾縣漢屬太原郡東漢屬常山國晉屬樂平郡後改曰石艾隋屬太原郡唐武德三年屬遼州六年屬受州八年州廢屬并州天寶元年改曰廣陽皇朝太平興國四年改曰平定置平定軍

中樂平縣本沾縣二漢屬上黨郡晉置樂平郡元魏北齊後周皆因之隋開皇初廢郡爲樂平縣屬太原郡唐武德三年以縣置遼州六年徙治遼山而樂平屬并州皇朝太平興國四年來屬

同下州崑嵐軍。自五代以前。地理與嵐州同。皇朝太平興國四年。析置崑嵐軍。今縣一。下嵐谷縣。唐長安三年。析宜芳縣置。屬嵐州。并以崑嵐柵爲軍。景龍中。張仁亶徙其軍於朔方。留者號崑

嵐守捉。隸大同軍。皇朝復以縣置軍。有崑嵐水。崑嵐山。

同下州寧化軍。自五代以前。地理與嵐州同。皇朝太平興國四年。析嵐州地置寧化縣。五年。於縣置軍。領寧化一縣。熙寧三年。縣廢。後復置。崇寧三年。又廢。有雪山。汾水。

同下州火山軍。自五代以前。地理與嵐州同。皇朝太平興國七年。以嵐州雄勇鎮置軍。治平七年。置火山縣。四年。縣廢。有火山。黃河。

同下州保德軍。自五代以前。地理與嵐州同。皇朝淳化四年。析嵐州地置定羌軍。景德二年。改曰保德。不領縣。有黃河。

同下州晉寧軍。自五代以前。地理與石州同。

中下臨泉縣。後周置。曰烏突。及置烏突郡。隋開皇初。郡廢。縣尋改曰太和。屬石州。唐武德三年。改縣曰臨泉。置北和州。正觀三年。州廢。屬石州。有湫水。皇朝置軍。來屬。

中定胡縣。漢離石縣地。後周置。及置定胡郡。隋開皇初。郡廢。屬石州。有孟門關。其地險固。

河東路化外州

單于大都護府。本戎狄地。戰國屬趙。秦漢屬雲中郡。魏晉皆屬新興郡。隋屬榆林郡。唐龍朔三年。置雲中

都護府。麟德元年。改爲單于大都護府。升振武軍節度。東北至朔州。南至勝州。領縣一。

中金河縣。唐天寶四年。置。有金河。有燕然山。東漢竇憲勒銘於此。有李陵臺。有王昭君墓。名曰青冢。唐咸通中。李國昌爲節度使。恣橫拒命。而子克用盜據雲州。侵掠代北。爲邊患焉。

安北大都護府。唐龍朔三年立。曰瀚海都督府。總章二年。更名。開元二年。治中受降城。十年。徙治豐勝二州之境。十二年。徙天德軍。領縣二。

中陰山縣。故北戎之地。陰山東西千餘里。草木茂盛。多禽獸。匈奴依阻其中。治弓矢。出來爲寇。是其苑囿也。戰國屬趙。趙武靈王築長城。自代並陰山下。至高闕爲塞。秦始皇斥逐匈奴。自榆中並河以東。屬之陰山。以爲三十四縣。漢初。復爲匈奴所有。武帝出師征伐。斥奪此地。置陰山縣。屬西河郡。匈奴失陰山。過之未嘗不哭。東漢省入西安陽。屬五原郡。唐天寶元年。置陰山縣。

上通濟縣。

鎮北大都護府。唐立。領縣二。

上大同縣。

上長寧縣。

下都督雲州。本戎狄地。戰國屬趙。秦屬鴈門。定襄代三郡。二漢晉因之。後魏道武徙都平城。置司州。代尹。孝文遷都洛陽。改代尹曰萬年尹。隋屬馬邑郡。唐武德四年。置北常州。七年。州廢。正觀十四年。置雲州。天

寶元年。曰雲中郡。升大同軍節度。領縣一。

上雲中縣。本平城縣地。漢晉屬鴈門郡。後魏以爲代都。北齊置太平縣。後周改曰雲中。隋開皇初。改曰雲內。屬馬邑郡。唐正觀十四年。自朔州北定襄城。移雲州於雲內之常安鎮。置因改雲內爲定襄縣。永淳元年。爲默啜所破。州縣俱廢。開元二十年。復置。改定襄曰雲中。有故陰館縣。漢屬鴈門郡。東漢爲郡治。後魏置平齊郡。尋廢。有故高柳城。漢屬代郡。東漢爲郡治。有參合陂。漢屬代郡。韓王信反。與胡騎入居參合。柴將軍屠參合。斬信於此。有故桐過城。二漢屬定襄郡。有故武進城。漢屬定襄郡。東漢屬雲中郡。有故盛樂縣。漢曰成樂。屬定襄郡。東漢屬雲中郡。後魏昭成徙居盛樂宮。卽此。有白登山。匈奴圍漢高帝於此。有單于臺。漢武出長城。登單于臺。勒兵十八萬騎。旌旗徑千餘里。威震匈奴。卽此。

望應州。唐末置。後唐天成元年。升彰國軍節度。領縣二。

望金城縣。後唐明宗。其縣人也。故置彰國軍。而以金城爲望縣。

上混源縣。

上新州。唐末置。後唐同光二年。升威勝軍節度。領縣四。

中永興縣。

攀石縣。

龍門縣。

懷安縣。

下蔚州本地在常山之北。趙簡子與諸子約曰：吾藏寶符於常山上，先得者賞。諸子馳之常山，無所得。母卹還曰：已得符矣。從常山上臨代，代可取也。於是簡子以母卹爲賢，其後繼立。是爲襄子。襄子北登夏屋，請代王使廚人以銅斗擊殺之。遂發兵定代地。及武靈王置代郡。秦及漢晉皆因之。後魏置懷荒、禦夷二鎮。及靈丘郡。後周置蔚州。隋開皇初，郡廢。大業初，州廢。屬鴈門、上谷二郡。唐武德六年，置蔚州。天寶元年，曰安邊郡。至德二載，曰興唐郡。統縣三。

中下靈丘縣。有趙武靈王墓。因以爲名。漢屬代郡。東漢省之。後魏復置。及置靈丘郡。後周置蔚州。隋屬鴈門郡。唐初，沒于突厥。武德六年，置蔚州。僑治陽曲。七年，僑治繁峙。八年，僑治秀容。故北常州城。正觀五年，破突厥，復故地。還治靈丘。有澆水，發源於高氏山。東入河。漢志注：以爲靈丘之號。在趙武靈王之前。此說非也。齊地別有靈丘。孟子謂蚺鼈辭靈丘而請士師，是也。此靈丘在趙之北境，非齊趙兵交之地。中興唐縣。本安邊縣。唐開元十二年，置治橫野軍。至德二載，更名興唐。

下飛狐縣。本廣昌縣。漢屬代郡。東漢省之。晉復置。隋仁壽初，改曰飛狐。屬上谷郡。唐屬蔚州。有飛狐谷。飛狐關。在代國南四十里。漢酈食其說高帝：所謂距飛狐之口是也。晉劉琨爲胡人所攻，自代出飛狐口，奔於安次，卽從此道。

下朔州。本戎狄地。戰國屬趙。秦漢屬代。鴈門二郡。靈帝末，羌胡大擾，定襄、靈中、五原、朔方、上郡之民，並流

徙分散。建安二十年。魏武帝始集塞下荒地。置新興郡。晉惠帝改曰晉昌郡。後魏置懷朔鎮及朔州。北齊置廣安郡。隋開皇初。郡廢。大業初。州廢。置代郡。尋改爲馬邑郡。唐武德四年。復曰朔州。統縣二。

中善陽縣。本劇陽縣。漢屬鴈門郡。王莽改曰善陽。東漢復曰劇陽。晉省之。北齊置招遠縣。又廣安郡。隋開皇初。郡廢。改縣曰善陽。置代郡。尋曰馬邑。唐置朔州。有故桑乾縣。二漢屬代郡。後魏置桑乾郡。北齊改爲廣寧郡。後周廢之。有秦馬邑城。晉太康地記云。秦時建此城。城輒崩不成。有一馬周旋馳走。反覆。父老異之。依以築城。城乃不壞。遂名馬邑。漢武帝使聶壹翁佯爲賣馬邑城。以誘匈奴。單于信之。乃以十萬騎入武周塞。覺漢兵謀。引去。卽此地也。二漢及晉屬鴈門郡。故武州縣。二漢屬鴈門郡。所謂武周塞是也。有紫河。發源於此。

中馬邑縣。唐開元五年。析善陽置。治大同軍城。

下寰州。唐末置。領縣一。

下寰清縣。

下儒州。唐末置。領縣一。

下縉山縣。

下毅州。本武州。唐末置。後唐長興元年。改曰毅州。領縣一。

下文德縣。

